

C Crispus
SALLUSTIUS.



Apud Fulvium Ursinum in nomismate aereo.

Martial:

*Hic erit, ut perhibent doctorum
corda viro-
rum,
Primus Romana Crispus
in historia.*




Amstelodæ
Apud Iudocum

clb lbc x

*London
7625*

SALLUSTIUS
C. C. C. C. C.





L. F L O R I

Bellum

Catilinarius.



ATILINAM luxuria pri-
mum, tum hinc conflata egestas
rei familiaris, simul occasio quod
in extremis finibus mundi arma
Romana peregrinabantur, in ne-
faria consilia opprimenda patriæ
sue compulere, senatum confodere,
consules trucidare, distringere in-

tendiis urbem, diripere ararium, totam denique repu-
blicam funditus tollere, & quidquid nec Annibal vide-
retur optasse. Quibus id nefas sociis aggressus est? Ipse pa-
tricius. sed hoc minus est, Curii Porci, Sulla, Cethegi,
Autronii, Varguntei, atque Longini, quæ familia! quæ
senatus insignia! Lentulus quoque tunc maxime prætor.
hos omnes immaniissimi facinoris satellites habuit. Addi-
tum est pignus conjurationis, sanguis humanus, quem cir-
cumlatum pateris bibere: summum nefas, nisi amplius
esset, propter quod biberunt. Aeternum erat de pulcherimo
imperio, nisi illa conjuratio in Ciceronem & Antonium
consules incidisset, quorum alter industria rem patefecit,
alter manu oppressit. Tanti sceleris indicium per Fulviam
emerfit, vilissimum scortum, sed parricidii innocens. Tum
consul habito senatu in præsentem parricidam, in præsen-
tem rem Cicero peroravit: sed non amplius profectum,

quam ut hostis evaderet, seque palam professio incendium suum restitutum ruina minaretur. Et ille quidem ad præparatum a Manlio in Etruria exercitum proficiscitur, signa illaturus urbi. Lentulus destinatum familia sua Sibyllinis versibus regnum sibi vaticinans, ad præstitutum a Catilina diem urbe tota viros, faces, tela disponit: nec civili conspiratione contentus, legatis Allobrogum, qui tum fore aderant, in arma sollicitatis. Et isset ultra Alpes furor, nisi altera proditiōe Vulturii, prætoris literæ tenerentur. Statim Ciceronis imperio infecta est barbaris manus. Palam prætor in senatu convincitur. De supplicio agentibus, Cæsar parcendum dignitati, Cato animadvertendum pro scelere censebat. Quam sententiam secutus omnibus, in carcere parricide strangulantur. Quamvis parte conjurationis oppressa, tamen ab incepto Catilina non destitit, sed infestis ab Etruria signis patriam petens, obvio Antonii exercitu opprimitur. Quam atrociter diradicatum sit, exitus docuit. Nemo hostium bello superstit: quem quisque in pugnando ceperat locum, eum amissa anima corpore tegebat. Catilina longe a suis inter hostium cadavera repertus est, pulcherrima morte, si pro patria sic concidisset.



C. SAL-

C. SALLVSTII

CRISPI

CATILINA

SEV

BELLVM CATILINARIVM.

OMNES homines, qui sese student præstare ceteris animalibus, summa openiti decet; ne vitam silentio transeant, veluti pecora; quæ Natura prona, atque ventri obedientia finxit. sed nostra omnis vis in animo, & corpore sita est. animi imperio, corporis servitio magis utimur. alterum nobis cum diis, alterum cum belluis commune est. Quo mihi rectius videtur, ingenii, quam virium opibus gloriam quærere; &, quoniam vita ipsa, qua fruimur, brevis est, memoriam nostri quam maxime longam efficere. nam divitiarum & formæ gloria fluxa atque fragilis est; virtus clara, æternaque habetur. Sed diu magnum inter mortalis certamen fuit, vi ne corporis, an virtute animi, res militaris magis proderet. nam & prius quam incipias, consulto, & consulueris, mature factum opus est. ita utrumque per se indigens, alterum alterius auxilio vegetatur initio reges (nam in terris nomen imperii primum fuit) diversi, pars ingenium, alii corpus exercebant. etiam tum vita hominum sine cupiditate agitabatur: sua cuique satis placebant. postea vero quam in Asia Cyrus, in Græcia Lacedæmonii, & Athenienses, cœpere urbes, atque nationes subigere; lubidinem dominandi, causam belli habere; maximam gloriam in maximo imperio putare: tum demum periculo, atque negotiis compertum est, in bello plurimum ingenium posse. Quod si regum, atque imperatorum animi virtus in pace ita, uti in bello, valeret, æquabilis, atque constantius sese res humanæ haberent;

neque aliud alio ferri, neque mutari, ac misceri omnia cerneret. nam imperium facile iis artibus retinetur, quibus initio partum est. Verum ubi pro labore desidia, pro continentia & æquitate lubido atque superbia invasere; fortuna simul cum moribus immutatur. ita imperium semper ad optimum quemque ab minus bono transfertur. Quæ homines arant, navigant, ædificant, virtuti omnia paræt. Sed multi mortales, dediti ventri, atq; somno, indocti, incultique, vitam sicut peregrinantes transiere. quibus profecto, contra naturam, corpus voluptati, anima oneri fuit. eorū ego vitam mortemq; juxta æstumo: quoniam de utraque filetur. Verū enimvero is demum mihi vivere, & frui anima videtur, qui aliquo negotio intentus, præclari facinoris, aut artis bonæ famā querit. Sed in magna copia rerum, aliud alii natura iter ostendit. pulchrum est bene facere reip. etiam bene dicere haud absurdum est. vel pace, vel bello clarū fieri licet. & qui fecere, & qui facta aliorū scripsere, multi laudantur. Ac mihi quidem, tametsi haudquaquā par gloria sequatur scriptorem, & auctorem rerū, tamē in primis arduum videtur, res gestas scribere: primum, quod facta dictis exæquanda sunt; dein quia plerique, quæ delicta reprehenderis, malivolentia, & invidia dicta putant: ubi de magna virtute, atq; gloria bonorum memores; quæ sibi quisque facilia facta putat, æquo animo accipit; supra, veluti ficta pro falsis ducit. Sed ego adolescentulus initio, sicuti pleriq; studio ad rempub. latus sum: ibiq; mihi multa adversa fuere. nam pro pudore, pro abstinentia, pro virtute; audacia, largitio, avaritia vigeant. quæ tametsi animus aspernabatur, insolens malarū artiū; tamen inter tanta vitia imbecilla ætas, ambitione corrupta, tenebatur. Ac me, cum ab reliquis malis moribus dissentirem, nihilominus honoris cupido eadem, quæ ceteros, fama atq; invidia vexabat. Igitur, ubi animus ex multis miseriis, atq; periculis requievit, & mihi reliquā ætatē a rep. procul habendam decrevi, nō fuit consilium, socordia atq; desidia bonum otium cōterere: neque vero agrum colendo, aut venando, servilibus officiis intentum ætatem agere; sed, a quo incepto, studioq; me ambitio mala deriuverat, eodem regressus statui res gestas populi R. strictim, ut quæque memoria digna videbantur, perscribere: eo magis, quod

quod mihi a spe, metu, partibus reip. animus liber erat. Igitur de Catilinæ conjuratione, quam verissime potero, paucis absolvam. nam id facinus in primis ego memorabile existumo, sceleris atque periculi novitate. de cuius hominis moribus pauca prius explananda sunt, quam initium narrandi faciã.

L. CATILINA, uobili genere natus, fuit magna vi & animi, & corporis, sed ingenio malo, pravoque. huic ab adolescentia bella intestina, cædes, rapinæ, discordia civilis, grata fuere: ibique juvenutem suam exercuit. corpus patiens inedia, algoris, vigiliæ, supra quam cuiquam credibile est. animus audax, subdolus, varius, cujuslibet rei simulator ac dissimulator, alieni appetens, sui profusus; ardens in cupiditatibus. satis eloquentiæ, sapientiæ parum. vastus animus immoderata, incredibilia, nimis alta semper cupiebat. hunc, post dominationem L. Sullæ, libido maxima invaserat reip. capiundæ: neque, id quibus modis assequeretur, dum sibi regnum pararet, quidquam pensi habebat. agitabatur magis magisque in dies animus ferox inopia rei familiaris, & conscientia scelerum: quæ utraque his artibus auxerat, quas supra memoravi. incitabant præterea corrupti civitatis mores: quos pessima, ac diversa inter se mala, luxuria, atque avaritia vexabant. Res ipsa hortari videtur, quoniam de moribus civitatis tempus admonuit, supra repetere, ac paucis instituta majorum domi militiaeque, quo modo remp. habuerint, quantamque reliquerint, & ut paullatim immutata ex pulcherruma pessuma ac flagitiosissima facta sit, disserere.

VRBEM Romam, sicuti ego accepi, condidere que habuere initio Trojani; qui, Aenea duce, fugi, sedibus incertis vagabantur; cumque his Arigines, genus hominum agreste, sine legibus, imperio, liberum, atque solutum. hi postquam una moenia convenere, dispari genere, dissimili gua, alius alio more viventes, incredibile meminit est, quam facile coaluerint. sed, postquam re eorum civibus, moribus, agris aucta, satis prospera satisque polleus videbatur; sicuti pleraque mortaliū habentur, invidia ex opulentia orta est. igitur reges, populi que finitimi bello tentare: pauci ex amicis auxilio esse. nam ceteri metu perculsi a periculis aberant. at Romani, domi, militiaeque intenti, festinari, parare, alius aliū hortari; hostibus

obviam ire; libertatem, patriam, parentesque armis regere. post, ubi pericula virtute propulerant, sociis, atque amicis auxilia portabāt; magisque dandis, quam accipiendis beneficiis amicitias parabant: imperium legitimum, nomen imperii regium habebant: delecti, quibus corpus annis infirmum, ingenium sapientia validum erat, reip. consultabant. hi, vel ætate, vel curæ similitudine, patres appellabantur. Post, ubi regium imperiū, quod initio conservandæ libertatis, atque augendæ reip. fuerat, in superbiam, dominationemque convertit; immutato more, annua imperia, binos imperatores sibi fecere. eo modo minime posse putabant per licentiam inolescere animum humanum. Sed ea tempestate coepere se quisque magis magisque extollere; ingeniumque in promptu habere. nam regibus boni, quam mali, suspectiores sunt: semperque his aliena virtus formidolosa est. Sed civitas, incredibile memoratu est, adepta libertate, quantum brevi creverit. tanta cupido gloriæ inceserat. Iamprimum juvenus, simul ac belli patiens erat, in castris per laborem usu militiam discebat: magisque in decoris armis, & militaribus equis, quam in scortis atque conviviis, libidinem habebat. igitur talibus viris non labos insolitus, non locus ullus asper, aut arduus erat, non armatus hostis formidolosus: virtus omnia domuerat. sed gloriæ maximum certamen inter ipsos erat. quisque hostem ferire; murum ascendere, conspici, dum tale facinus faceret, properabat. eas divitias, eam bonam famam, magnamque nobilitatem putabant. laudis avidi, pecuniæ liberales erant; gloriam ingentem, divitias honestas volebant. Memorare possem, quibus in locis maxumas hostium copias populus R. parva manu fuderit; quas urbes natura munitas pugnando ceperit, ni ea res longius nos ab incepto traheret. Sed profecto fortuna in omni re dominatur: ea res cunctas, ex libidine magis, quam ex vero, celebrat, obscuratque. Atheniensium res gestæ, sicuti ego existumo, satis amplæ, magnificæque fuerunt, verum aliquanto minores tamen, quam fama feruntur: sed, quia provenire ibi magna scriptorū ingenia, per terrarum orbem Atheniensium facta pro maximis celebrantur. ita eorum qui ea fecere, virtus tanta habetur, quantum verbis ea potuerit extollere præclara ingenia. At populo R. numquam
ea co-

ea copia fuit : quia prudentissimus quisque negotiosus maxime erat . ingenium nemo sine corpore exercebat . optimus quisque facere , quam dicere , sua ab aliis benefacta laudari , quam ipse aliorum narrare , malebat . Igitur domi , militiaeque boni mores colebantur . concordia maxuma , minima avaritia erat . ius bonumque apud eos non legibus magis , quam natura , valebat . iurgia , discordias , similtates cum hostibus exercebant : cives cum civibus de virtute certabant . in suppliciis deorum magnifici , domi parci , in amicos fideles erant . duabus his artibus , audacia in bello , ubi pax evenerat , aequitate , seque , remque publicam curabant . Quarum rerum ego maxuma documenta haec habeo , quod in bello saepius vindicatum est in eos , qui contra imperium in hostem pugnaverant , quique tardius revocati praelio excesserant , quam qui signa relinquere , aut pulsi loco cedere auli erant : in pace vero , beneficiis magis , quam metu , imperium agitabant , accepta injuria , ignoscere , quam persequi , malebant . Sed , ubi labore , atque iustitia resp. crevit ; reges magni bello domiti ; nationes feræ , & populi ingentes vi subacti ; Carthago , æmula imperii Romani ab stirpe interiit ; cuncta maria , terræque patebant : fortuna favire ac miscere omnia coepit . qui labores , pericula , dubias atque asperas res facile toleraverant , iis otium , divitiæ , optandæ aliis , oneri miseriaeque fuere . igitur primo pecuniae , dein imperii cupido crevit . ea quasi materies omnium malorum fuere . namque avaritia fidem , probitatem , ceterasque artes bonas subvertit ; pro his superbiam , crudelitatem , deos negligere omnia venalia habere , edocuit : ambitio nulli mortalis falsos fieri subegit ; aliud clausum in ore , aliud promptum in lingua habere , amicitias inimicitiasque non ex re , sed ex commodo aestimare ; magisque vultum , quam ingenium , bonum habere . haec primo paullatim crescere , interdum vindicari . post , ubi contagio , quasi pestilentia invasit ; civitas immutata , imperium ex iustissimo , atque optimo , crudele , intolerandumque factum . Sed primo magis ambitio , quam avaritia , animos hominum exercebat : quod tamen vitium propius virtutem erat . nam gloriam , honorem , imperium , bonus , ignavus aequè sibi exoptant . sed ille vera via nititur ; huic quia bonæ artes desunt , dolis , at-

que fallaciis contendit. avaritia pecuniæ studium
habet: quam nemo sapiens concupivit. ea quasi ve-
nenis malis imbuta corpus animumq; virilem effe-
minat; semper infinita, insatiabilis est; neque copia
neq; inopia minuitur. Sed, postquam L. Sulla, armis
recepta rep. bonis initiis malos eventus habuit; ra-
pere omnes, trahere: domum alius, alius agros cu-
pere: neque modum, neq; modestiam victores habe-
re; foeda, crudeliaque in civis facinora facere. huc
accedebat, quod L. Sulla exercitum, quem in Asia
ductaverat, quo sibi fidum faceret, contra morē ma-
jorum luxuriose, nimisq; liberaliter habuerat. loca
amœna, voluptaria facile in otio ferocis militum
animos molliiverant. ibi primum insuevit exercitus
populi R. amare, potare, signa, tabulas pictas, vasa
cælata mirari, ea privatim ac publice rapere, delu-
bra spoliare, sacra profanaque omnia polluere. Igi-
tur hi milites, postquam victoriam adepti sunt, ni-
hil reliqui victis fecere. Quippe secundæ res sapien-
tium animos fatigant: ne illi, corruptis moribus,
victoriæ temperarent. Postquam divitiæ honori esse
cœperunt, & eas gloria, imperium, potentia seque-
batur: hebescere virtus, paupertas probro haberi,
innocentia pro malivolentia duci cœpit: igitur ex
divitiis juventutem luxuria atque avaritia cum su-
perbia invasere. rapere, consumere; sua parvi pen-
dere, aliena cupere: pudorem, pudicitiam, divina at-
que humana promiscua, nihil pensi, neque modera-
ti habere. Operæ pretium est, cum domos atq; vil-
las cognoveris in urbium modum exædificatas, vi-
sere templa deorum, quæ nostri majores, religiosis-
simum mortales, fecere. verum illi delubra deorum
pietate, domos suos gloria decorabant, neq; victis
quidquam præter injuriæ licentiam eripiebant. at
hi contra, ignavissimi homines, per summum scelus,
omnia ea fociis adimere, quæ fortissimi viri victo-
res hostibus reliquerunt; proinde quasi injuriam fa-
cere, id demum esset imperio uti. Nam quid ea me-
morem, quæ nisi his qui videre, nemini credibilia
sunt: a privatis compluribus subversos montes, ma-
ria constrata esse? quibus mihi ludibrio videntur
fuisse divitiæ. quippe, quas honeste habere licebat,
per turpitudinem abuti properabant. Sed libido
stupri, gaudere, ceterique cultus non minor incesse-
rat. viri pati muliebria: mulieres pudicitiam in
propatulo habere: vascendi causa terra, marique
omnia

omnia exquirere: dormire prius quam somni cupido esset: non famem aut sitim, neque frigus, neque lassitudinem operiri, sed ea omnia luxu ante capere. hæc juventutem, ubi familiares opes defecerāt, ad facinora incendebant. animus imbutus malis artibus, haud facile lubricinibus carebat: eo profusus omnibus modis quæstui, atq; sumtui deditus erat.

In tanta, tamque corrupta civitate, Catilina, id quod factu facillimum erat, omnium flagitiosorum atq; facinorosorum circum se, tanquam stipatorū, catervas habebat. nam, quicumq; impudicus, adulter, ganeo, manu, ventre, pene, bona patria laceraverat, quiq; alienum æs grande conflaverat, quo flagitium, aut facinus redimeret; præterea, omnes undique parricidæ, sacrilegi, convicti judiciis, aut pro factis iudicium timentes; ad hoc quos manus atque lingua perjurio, & sanguine civili alebat: postremo omnes quos flagitium, egestas, conscius animus exagitabat, hi Catilinæ proximi, familiaresque erant. quod si quis etiam a culpa vacuus in amicitia ejus inciderat: quotidiano usu, atque illecebris, facile par similisque ceteris efficiebatur. sed maxime adolescentium familiaritates appetebat. eorum animi molles & ætate fluxi, dolis haud difficulter capiebantur. nam ut cujusque studium ex ætate flagrabat, aliis scorta præbere: aliis canes atque equos mercari: postremo neque sumtui, neque modestiæ suæ parcere, dum illos obnoxios, fidosque sibi faceret. Scio fuisse nonnullos, qui ita existimarent juventutem, quæ domum Catilinæ frequentabat parum honeste pudicitiam habuisse. sed ex aliis rebus magis, quam quod cuiquam id compertum esset, hæc fama valebat. Iamprimum adolescens Catilina multa nefanda stupra fecerat, cum viri nobili, cum sacerdote Vestæ, & alia hujusmodi contra jus, fasque. postremo, captus amore Aurei Orestillæ, cujus præter formam nihil unquam viris laudavit; quod ea nubere illi dubitabat, timebat, ut privignum adultum ætate: pro certo creditur, necato filio, vacuam domum scelestis nuptiis fecisse. Quæ quidem res mihi in primis videtur causa fuisse facinoris maturandi. namque animus impurus, diis hominibusque infestus, neque vigiliis, neque quietibus sedari poterat: ita conscientia mentē excitā vexabat. igitur colos ei ex sanguis, foedi oculi; citus modo, modo tardus incessus: prorsus in facie, vultuq;

vultuque vecordia inerat. Sed juventutem, quā, ut supra diximus, illexerat, multis modis mala facinora edocebat. ex illis testes, signatoresque falsos commodare; fidem, fortunas, pericula vilia habere. post, ubi eorum famam, atque pudorem attriverat, majora alia imperabat. si caussa peccandi in præsens minus suppetebat: nihil ominis infantes, sicuti fontes, circumvenire, jugulare. scilicet, ne per otium torpescerent manus; aut animus, gratuito potius malus, atque crudelis erat. His amicis, sociisque confisus Catilina, simul, quod æs alienū per omnis terras iugens erat: &, quod plerique Sullani milites, largius suo usi, rapinarū & victoriæ veteris memores, civile bellum exoptabāt; opprimundæ reip. consiliū cepit. in Italia nullus exercitus: Cn. Pompejus in extremis terris bellū gerebat: ipsi consulti petundi magna spes: senatus nihil sane iutentus: tutæ, trāquillæq; res omnes. sed ea prorsus opportuna Catilinæ. Igitur circiter Kal. Iun. L. Cæfare & C. Figulo coll. primo singulos appellare: hortari alios, alios tentare; opes suas, imparatam remp. magna præmia conjurationis docere. ubi satis explorata sunt, quæ voluit; in unum omnis convocat, quibus maxima necessitudo, & plurimum audaciæ inerat. eo convenere senatorii ordinis P. Lentulus Sura, P. Autronius, L. Cassius Longinus, C. Cethegus, P. & Ser. Sullæ Servii filii, L. Varguntejus, Q. Annius, M. Porcius Læca, I. Bestia, Q. Curius: præterea, ex equestri ordine, M. Fulvius Nobilior, L. Statilius, P. Gabinus Capito, C. Cornelius: ad hoc, multi ex coloniis, & municipiis, domi nobiles. erāt præterea cōplures paulo occultius consilii hujusce participes, quos magis dominationis spes hortabatur, quam inopia, aut alia necessitudo. ceterum juvenus pleraq;, sed maxime nobilium, Catilinæ inceptis favebat. quibus in otio vel magnifice, vel molliter vivere copia erat, incerta pro certis, bellū, quam pacem, malebant. Fuere item ea tempestate, qui crederent M. Licinium Crassum nō ignarū ejus consilii fuisse: quia Cn. Pōpejus, invisus ipsi, magnū exercitum ductabat; cujusvis opes voluisse contra illius potentiam crescere: simul confisum, si conjuratio valuisset, facile apud illos principem se fore.

Sed antea item conjuravere pauci, in quibus Catilina. de qua, quam verissime poterō, dicam. L. Tullo, M. Lepido coll. P. Autronius, & P. Sulla, designati

signati consules, legibus ambitus interrogati, poe-
 nas dederant. post paulo Catilina, pecuniarum re-
 perundarum reus, prohibitus erat petere consulatū;
 quod intra legitimos dies profiteri nequiverit. Erat
 eodem tempore Cn. Piso, adolescens nobilis, sum-
 mæ audaciæ, egens, factiosus; quem ad perturban-
 dam remp. inopia, atque mali mores stimulabant.
 cū hoc Catilina, & Autronius, circiter Nonas Dec.
 consilio communicato, parabant in Capitolio Kal.
 Ian. L. Cottam & L. Torquatum coll. interficere;
 ipsi, fascibus correptis, Pisonem cum exercitu ad
 obtinendas duas Hispanias mittere. ea re cognita,
 rursus in Nonas Feb. consilium cædis transtule-
 runt. jam tum non consulibus modo, sed plerisque
 senatoribus perniciem machinabantur. quod nī
 Catilina maturasset pro curia signum sociis dare;
 eo die, post conditam urbem Romam, pessimum
 facinus patratum foret. quia nondum frequentes
 armati convenerant; ea res consilium diremit. Po-
 stea Piso in citeriorem Hispaniā quæstor pro præ-
 tore missus est, adnitente Crasso; quod eum infe-
 stum Cn. Pompejo cognoverat. neque tamen sena-
 tus provinciam invitus dederat. quippe scædum
 hominem a rep. procul abesse volebat: simul quia
 boni complures præsidium in eo putabant, & jam
 tum potentia Cn. Pompeji formidolosa erat. sed
 is Piso, in provinciam, ab equitibus Hispanis, quos
 in exercitu dūctabat, iter faciens, occisus est. Sunt
 qui ita dicant, imperia ejus injusta, superba, cru-
 delia barbaros nequivisse pati: alii autem, equites
 illos, Cn. Pompeji veteres, fidosque clientes, vo-
 luntate ejus Pisonem aggressos: nunquam His-
 panos præterea tale facinus fecisse, sed imperia sa-
 multa antea perpeßos. nos eam rem in medio
 linquimus. De superiori conjuratione satis dictū

Catilina, ubi eos, quos paulo ante memora-
 venisse videt; tamen cum singulis multa sæ-
 egerat; tamen, in rem fore credens universos ap-
 pellare, & cohortari, in abditam partem ædium se-
 cessit; atque ibi, omnibus arbitris procul amotis,
 orationem hujuscemodi habuit.

Ni virtus, fidesque vestra satis spectata mihi fo-
 ret: nequiquam opportuna res cecidisset: spes ma-
 gna dominationis in manibus frustra fuisset: ne-
 que, per ignaviam, aut vana ingenia, incerta pro-
 certis captarem, sed, quia multis, & magnis tem-
 pestati-

pestatibus vos cognovi fortes, fidosq; mihi; eo animus ausus est maximum, atq; pulcherrimum facinus incipere; simul, quia vobis eadem, quæ mihi, bona, malaque esse intellexi. nam, idem velle, atque idem nolle, ea demum firma amicitia est. Sed ego, quæ mente agitavi, omnes jam antea diversi audistis. ceterum mihi in dies magis animus accenditur, cum confidero, quæ conditio vitæ futura sit, nisi nosmet ipsos vindicamus in libertatem. nam, postquam resp. in paucorū potentium jus, atq; ditionē concessit, semper illis reges, tetrarchæ vectigales esse: populi, nationes stipendia pendere; ceteri omnes, strenui, boni, nobiles, atq; ignobiles, vulgus fuimus, sine gratia, sine auctoritate, his obnoxii, quibus, si resp. valeret, formidini essemus. itaque omnis gratia, potentia, honos, divitiæ apud illos sunt, aut ubi illi volunt: nobis reliquerunt pericula, repulsas, judicia, egestatem. quæ quousq; tandem patiemini fortissimi viri? nōne emori per virtutem præstat, quam vitam miseram, atq; inhonestam, ubi alienæ superbix ludibrio fueris, per dedecus amittere? Verum enimvero, pro deū atq; hominum fidem, victoria in manu nobis est: viget ætas: animus valet. contra illis, annis, atque divitiis, omnia consenuerunt. tantummodo incepto opus est: cetera res expediet. etenim quis mortaliū, cui virile ingenium est, tolerare potest, illis divitias superare, quas profundant in extruendo mari, & montibus coæquandis, nobis rem familiarem etiam ad necessaria deesse? illos bīnas, aut amplius domus continuare; nobis larem familiarem nusquam ullum esse? cum tabulas, signa, toreumata emunt, nova diruunt, alia ædificant: postremo omnibus modis pecuniam trahunt, vexant: tamen summa lubricine divitias suas vincere nequeunt. at nobis est domi inopia, foris æs alienū; mala res, spes multo asperior. deniq; quid reliqui habemus, præter miseram animā? Quin igitur expergiscimini? en illa, illa, quam sæpe optastis, libertas: præterea divitiæ, decus, gloria in oculis sita sunt. fortuna ea omnia victoribus præmia posuit. res, tempus, pericula, egestas, belli spolia magnifica, magis, quam oratio mea, vos hortentur. vel imperatore, vel milite me utemini. neq; animus neque corpus a vobis aberit. hæc ipsa, ut spero vobiscum una consul agam: nisi forte me animus fallit, & vos servire magis, quā imperare, parati estis.

Post,

BELLV M CATILINARIVM. 15

Postquam accepere ea homines, quibus mala abunde omnia erant, sed neque res, neque spes bona ulla: tamen illis quietam movere, magna merces videbatur; tamen postulare plerique, uti proponeretur, quæ conditio belli foret: quæ armis præmia peterent: quid ubique opus, aut spei haberent. Tum Catilina polliceri tabulas novas, proscriptionem locupletium, magistratus, sacerdotia, rapinas, alia omnia, quæ bellum, atque libido victorum fert: præterea, esse in Hispania citeriore Pisonem, in Mauritania cum exercitu P. Sittium Nucerinum, consilii sui participes: petere consulatum C. Antonium, quem sibi collegam fore speraret, hominem & familiarem, & omnibus necessitudinibus circumventum: cum eo consulem se initium agendi facturum. ad hoc maledictis increpabat omnes bonos: suorum unumquemque nominans, laudare, admonere alium egestatis, alium cupiditatis suæ, complures periculi, aut ignominiae, multos victoriae Sullanae, quibus ea prædæ fuerat. Postquam omnium animos alacris videt; cohortatus, ut petitionem suam curæ haberent, conventum dimisit. Fuere ea tempestate, qui dicerent, Catilinam, oratione habita, cum ad iurandum populares sceleris sui adigeret, humani corporis sanguinem vino permixtum in patris circumtulisse, inde, cum post execrationem omnes degustavissent, sicuti in sollemnibus sacris fieri consuevit, aperuisse consilium suum, atque eo dictitare fecisse, quo inter se magis fidi forent, alius alii tanti facinoris conscii. non nulli ficta & hæc, & multa præterea existimabant ab iis, qui Ciceronis invidiam, quæ postea orta est, leniri credebant atrocitate sceleris eorum qui poenas dederant. non his ea res pro magnitudine parum comperta est. Sed in ea conjuratione fuit Q. Curius, natus haud obscuro loco, flagitiis atque facinoribus coopertus, quem censores senatus probri gratia moverant. huius homini non minor vanitas inerat, quam audacia. neque reticere, quæ audierat, neque suammet ipse scelera occultare; prorsus neque dicere, neque facere, quicquam pensi habebat. erat ei cum Fulvia, muliere nobili, stupri vetus consuetudo. cui cum minus gratus esset, quod inopia minus largiri poterat, repente glorians, maria, montesque polliceri, minari interdum ferro, ni sibi obnoxia foret: postremo, ferocius agitare, quam solitus erat. At Fulvia,

Fulvia, insolentiae Curii causa cognita, tale periculum reip. haud occultum habuit; sed, sublato auctore, de Catilinae conjuratione quae, quomodo audierat, compluribus narravit. Ea res in primis studia hominum accendit ad consulatum mandandum M. Tullio Ciceroni. namque antea pleraque nobilitas invidia aestuabat, & quasi pollui consulatum credebat, si eum, quamvis egregius, homo novus adeptus foret. sed, ubi periculum advenit, invidia, atque superbia post fuere. Igitur, comitiis habitis, consules declarantur M. Tullius, & C. Antonius. quod factum primo populares conjurationis concusserat. neque tamen Catilinae furor minuebatur, sed in dies plura agitare: arma per Italiam locis opportunis parare: pecuniam, sua, aut amicorum fide sumptam mutuam, Faesulas ad Mallium quendam portare: qui postea princeps fuit belli faciundi: ea tempestate plurimos cujusque generis homines adscivisse sibi dicitur: mulieres etiam aliquot, quae primo ingentis sumptus stupro corporis toleraverant: post, ubi aetas tantummodo quaestui, neque luxuriae modum fecerat, aes alienum grande conflaverant: per eas se Catilina credebat posse servitia urbana sollicitare, urbem incendere, viros earum vel adungere sibi, vel interficere. sed in his erat Sempronia, quae multa saepe virilis audacie facinora commiserat. haec mulier genere atque forma, praeterea viro atque liberis satis fortunata fuit: litteris Graecis & Latinis docta: psallere, saltare elegantius, quam necesse est probae: multa alia, quae instrumenta luxuriae sunt. sed ei cariora semper omnia, quam decus, atque pudicitia fuit. pecuniae, an famae minus parceret, haud facile discerneres: lubricine sic accensa, ut saepius peteret viros, quam peteretur. sed ea saepe ante hac fidem prodiderat, creditum abjuraverat, caedis conscia fuerat, luxuria atq; inopia princeps abierat. verum ingenium ejus haud absurdum; posse versus facere: jocum movere: sermone uti vel modesto, vel molli vel procaci. prorsus multae facetiae, multusq; lepos inerat. His rebus comparatis, Catilina nihilo minus in proximum annum consulatum petebat: sperans, si designatus foret, facile se ex voluntate Antonio usurum: neq; interea quietus erat, sed omnibus modis insidias parabat Ciceroni. neq; illi tamen ad cavendum dolus, aut astutiae deerant, namq; a principio consulatus sui, multa per

Fulviam

Fulviam pollicendo, effecerat, ut Q. Curius, de quo paulo ante memoravi, consilia Catilinæ sibi proderet. ad hoc, collegam suum Antonium patrone provinciæ perpulerat, ne contra remp. sentiret: circum se præsidia amicorum atque clientium occulte habebat. Postquam dies comitiorum venit, & Catilinæ neque petitio, neque infidiæ, quas consuli fecerat, prospere cessere; constituit bellum facere, & extrema omnia experiri; quoniam, quæ occulte tentaverat, aspera foedaque evenerant. Igitur C. Mallium Fæstulas, atque in eam partem Etruriæ, Septimium quendam Camertem in agrum Picenum, C. Iulium in Apuliam dimisit, præterea alium alio quem ubique opportunum sibi fore credebat. interea Romæ multa simul moliri: consuli infidias tendere: parare incendia: opportuna loca armatis hominibus obsidere: ipse cum telo esse: item alios jubere: hortari, uti semper intenti, paratique essent: dies, noctesque festinare: vigilare, neque infomniis, neque labore fatigari. postremo, ubi multa agitati nihil procedit, rursus intempesta nocte conjurationis principes convocat per M. Porcium Læcam: ibique multa de ignavia eorum questus. docet se præmisisse Mallium ad eam multitudinem, quam ad capiunda arma paraverat; item alios in alia loca opportuna qui initium belli facerent, seque ad exercitum proficisci cupere, si prius Ciceronem oppressisset: eum suis consiliis multum officere. Igitur, perterriti ac dubitantibus ceteris, C. Cornelius, eques Romanus operam suam pollicitus, & cum eo L. Varguntejus senator, constituere ea nocte paulo post cum armatis hominibus, sicuti salutaturn introit ad Ciceronem, & de improvviso domi suæ imparatum confodere. Curius ubi intellegit, quantum periculum consuli impendeat, propere per Fulviam Ciceroni dolum, qui parabatur, enunciat. ita illi janua prohibiti, tantum facinus frustra susceperant. Interea Mallius in Etruria plebem sollicitare, egestate simul, ac dolore injuriæ, novarum rerum cupidam; quod Sullæ dominatione, agros, bonaque omnia amiserat; præterea, homines cujusque generis, quorum in ea regione magna copia erat, non nullos ex Sullanis colonis, quibus lubido atq; luxuria ex magnis rapinis nihil reliqui fecerant. ea cum Ciceroni nunciarentur; ancipiti malo permotus,

tus, quod neque urbem ab insidiis privato consilio longius tueri poterat, neque, exercitus Mallii quātus, aut quo consilio foret, satis compertum habebat, rem ad senatum refert, jam antea vulgi rumoribus exagitatam. itaque, quod plerumque in atroci negotio solet, senatus decrevit, darent operam consules, ne quid respubl. detrimenti caperet. ea potestas per senatum, more Romano, magistratui maxima permittitur, exercitum parare, bellum gerere, coercere omnibus modis socios, atque civis: domi, militiæque imperium, atque iudicium summum habere. aliter, sine populi iussu, nulli earum rerum consuli ius est. Post paucos dies L. Senius senator in senatu litteras recitavit, quas Fæfulis allatas sibi dicebat: in quibus scriptum erat, C. Mallium arma cepisse, cum magna multitudine ante diem vi. Cal Nov. simul, id quod in tali re solet, alii portenta atque prodigia nuntiabant: alii, conventus fieri, arma portari, Capuæ, atque in Apulia fervile bellum moveri. igitur senati decreto Q. Marcius Rex Fæfulas, Q. Metellus Creticus in Apuliam, circumque ea loca missi. hi utrique ad urbem imperatores erant impediti, ne triumpharent, calumnia paucorum; quibus omnia honesta, atque inhonesta vendere mos erat. sed prætores Q. Pompeius Rufus Capuam, Qu. Metellus Celer in agrum Picenum: hisque permissum, uti pro tempore, atque periculo exercitum compararent. ad hoc, si quis indicasset de conjuratione, quæ contra remp. facta erat, præmium, servo libertatem & H S C. libero impunitatē ejus rei, & H S C C. itemq; decrevit, uti familiæ gladiatoria Capuam, & in cetera municipia distribuerentur pro cuiusque opibus; Romæ per totam urbem vigiliæ haberentur, eisque minores magistratus præessent. Quibus rebus permota civitas, atque immutata facies urbis erat: ex summa lætitia, atque lascivia, quæ diuturna quies pepererat, repente omnis tristitia invasit. festinare, trepidare: neque loco, neque homini cuiquam satis credere: neque bellum gerere, neque pacem habere: suo quisque metu pericula metiri. ad hoc, mulieres, quibus pro reip. magnitudine belli timor insolitus inceperat, afflicta se, manus supplices ad cælum tendere; miserari parvos liberos; rogitare; omnia pavere; superbia, atque deliciis omissis, sibi, patriæque diffidere. At Catilinæ

tilinæ crudelis animus eadem illa movebar, ta-
 metſi præſidia parabantur; & ipſe lege Plautia in-
 terrogatus erat ab L. Paulo. poſtremo, diſſimulan-
 di cauſa, & quaſi ſui expurgandi, ſicuti jurgio la-
 ceſſurus foret, in ſenatum venit. tum M. Tullius
 conſul, ſive præſentiam ejus timens, ſive ira com-
 motus, orationem habuit luculentam, atque uti-
 lem reipub. quam poſtea ſcriptam edidit. Sed ubi
 ille aſſedit, Catilina, ut erat paratus ad diſſimu-
 landa omnia, demiſſo vultu, voce ſupplici, poſtu-
 lare à patribus, ne quid de ſe temere crederent: ea
 familia ortum, ita ab adoleſcentia vitam institu-
 iſſe, ut omnia bona in ſpe haberet: ne exiſtuma-
 rent, ſibi patricio homini, cujus ipſius, atq; mayo-
 rum plurima beneficia in plebem R. eſſent, perdi-
 ta repub. opus eſſe; cum eam ſervaret M. Tullius,
 inquilinus civis urbis Romæ. ad hoc, maledicta a-
 lia cum adderet; obſtrepere omnes: hoſtem, atque
 parricidam vocare. tum ille furibundus, Quoniam
 quidem circumventus, inquit, ab inimicis præceps
 agor, incendium meum ruina exſtinguam. Deinde
 ſe ex curia domum proripuit. ibi multa ſecum ip-
 ſe volvens, quod neque inſidiæ conſuli procede-
 bant, & ab incendio intelligebat urbem vigiliis
 munitam, optimum factu credens exercitum an-
 gere, ac prius quam legiones ſcriberentur, multa
 ante capere quæ bello uſui forent, nocte intempe-
 ſta cum paucis in Malliana caſtra profectus eſt. ſed
 Cerhego, atque Lentulo, ceteriſque, quorum co-
 noverat promptam audaciam, mandat, quibus re-
 poſſent, opeſ factionis confirment, inſidias con-
 maturent; cædem, incendia, aliaque belli facin-
 parent: teſte propediem cum magno exercitu
 urbem acceſſurum. Dum hæc Romæ gerunt
 C. Mallius ex ſuo numero legatos ad Q. Ma-
 tium regem mittit, cum mandatis hujuscemod:
 D E O S, homineſque teſtamur, imperator, nos
 arma neque contra patriam cepiſſe, neque quo pe-
 riculum aliis faceremus, ſed uti corpora noſtra ab
 injuria tuta forent: qui miſeri, egentes, violentia
 atque crudelitate feneratorum, plerique patria, ſed
 omnes fama atque fortunis expertes ſumus: ne-
 que cuiquam noſtrum licuit more majorum
 lege uti, neque amiſſo patrimonio corpus li-
 berum habere: tanta ſævitia feneratorum, at-
 que prætoris fuit, ſæpe majores veſtrum miſeriri

plebis. R. decretis suis inopiæ ejus opitulati sunt: ac novissime, memoria nostra, propter magnitudinē æris alieni, volentibus omnibus bonis, argentum ære solutum est. sæpe ipsa plebes, aut domnandi studio permota, aut superbia magistratum armata, à patribus secessit. at nos non imperium, neque divitias petimus: quarum rerum causa, bella, atque certamina omnia inter mortalis sunt; sed libertatem, quam nemo bonus, nisi cum anima simul, amittit. Te, atque senatum obtestamur, consulatis miseris civibus; legis præsidium, quod iniquitas prætoris eripuit, restituatis; neve nobis eam necessitudinem imponatis, ut quæramus, quonam modo maxime ulți sanguinem nostrum, pereamus. Ad hæc Q. Marcius respondit: si quid ab senatu petere vellent, ab armis discedant; Romam supplices profiscantur: ea misericordia atque mansuetudine senatum, populumque Romanum semper fuisse, ut nemo unquam ab eo frustra auxilium petiverit. At Catilina ex itinere plerisque consulis, præterea optimo cuique litteras mittit: se, falsis criminibus circumventum, quoniam factioni inimicorum resistere nequiverit, fortunæ cedere, Massiliam in exilium proficisci, non quo sibi tanti sceleris conscius esset; sed uti resp. quieta foret; neve ex sua contentione seditio oriretur. Ab his longe diversas litteras Q. Catulus in senatu recitavit; quas sibi nomine Catilinæ redditas dicebat. earum exemplum infra scriptum est.

L. C A T I L I N A

Q. C A T V L O S.

E G R E G I A tua fides, re cognita, grata mihi, magnis in meis periculis, fiduciam commendationi meæ tribuit. quamobrem defensionem in cōsilio novo non statui parare: satisfactionem ex nulla conscientia de culpa proponere decrevi: quæ medius fidius licet vera mecum recognoscas. Injuriis, contumeliisque concitatus, quod, fructu laboris industrięque meæ privatus, statum dignitatis non obtinebam, publicam miserorum causam pro mea consuetudine suscepi: non, quin æs alienum meis nominibus ex possessionibus solvere possent;

cum & aliis nominibus liberalitas Aureliæ Orestillæ, suis, filiæque copiis persolveret : sed , quod non dignos homines honore honestatos videbam ; meque falsa suspicione alienatum esse sentiebam ; hoc nomine satis honestas pro meo casu spes reliquæ dignitatis conservandæ sum secutus. Plura cum scribere vellem , nunciatum est mihi vim parari. nunc Orestillam tibi commendo , tuæque fidei trado. eam ab injuria defendas, per liberos tuos rogatus. habeto. Sed ipse , paucos dies commoratus apud C. Flaminium in agro Reatino, dum vicinitatem antea sollicitatam armis exornat, cum fascibus, atque aliis imperii insignibus in castra ad Mallium contendit. Hæc ubi Romæ comperta sunt ; senatus Catilinam , & Mallium hostes judicat ; ceteræ multitudini diem statuit , ante quam liceret sine fraude ab armis discedere, præter rerum capitalium condemnatis. præterea , decernit , uti consules delectum habeant ; Antonius cum exercitu Catilinam persequi maturer ; Cicero urbi præsidio sit. Ea tempestate mihi imperium populi R. multo maxime miserabile visum est : cui cum ad occasum ab ortu solis omnia domita armis parent, domi otium, atque divitiæ, quæ prima mortales putant, affluerent ; fuere tamen cives, qui seque, remque publicam obstinatis animis perditum irent. namq; duobus senati decretis, ex tanta multitudine, neque præmio inductus conjurationē profecerat, neque ex castris Catilinæ quisquam omnium discellerat. tanta vis morbi , atque uti talis plerosque civium animos invaserat. neque solū illis aliena mens erat, qui conscii conjurationis fuerant, sed omnino cuncta plebes, novarū rerum studio, Catilinæ incepta probabat. id adeo more fuisse videbatur facere. nam semper in civitate, quibus opes nullæ sunt, bonis invident, malos extollunt : vetera odere, nova exoptant, odio suarum rerum mutari omnia student ; turba, atque seditionibus sine cura aluntur ; quoniam egestas facile habetur sine damno. Sed urbana plebes ea vero præceps ierat multis de causis. primum omnium, qui ubiq; probro, atque petulantia maxime præstabant ; item alii, per dedecora, patrimoniiis amissis ; postremo omnes, quos flagitium, aut facinus domo expulerat, hi Romam, sicuti in sentinam, confluxerant. dein multi, memores Sullanæ victoriæ, quod ex gregariis

militibus alios senatores videbant, alios ita divites, ut regio victu, atque cultu ætatem agerent, sibi quisque, si in armis foret, ex victoria talia sperabat. præterea juvenis, quæ in agris manuum mercede inopiam toleraverat, privatis atque publicis largitionibus excita, urbanum otium ingrato labori prætulera. eos atque alios omnis malum publicum alebat. quo minus mirandum est, homines egentis, malis moribus, maxima spe, reip. juxta ac sibi consuluisse. præterea quorum victoria Sulla parentes proscripti, bona erepta, jus libertatis imminutum erat, haud sane alio animo belli eventum expectabant. ad hoc quicumque aliarum, atque senatus, partium erant, conturbari remp. quam minus valere ipsi malebant. id adeo malum multos post annos in civitatem reverterat. nam postquam Cn. Pompejo, & M. Crasso C O S S. tribunitia potestas restituta est; homines adolescentes, summam potestatem nacti, quibus ætas, animusque ferox erat, coepere, senatum criminando, plebem exagitare; dein largiundo, atque pollicitando magis incendere; ita ipsi clari, potentesque fieri. contra eos summa ope nitebatur pleraque nobilitas, senatus sub specie, pro sua magnitudine. namque uti paucis verum absolvam, per illa tempora quicumque rempub. agitavere, honestis nominibus, alii, sicuti jura populi defenderent, pars, quo senatus auctoritas maxima foret, bonum publicum simulantes, pro sua quisque potentia certabant: neque illis modestia, neque modus contentionis erat: utrique victoriam crudeliter exercebant. sed postquam Cn. Pompejus ad bellum maritimum, atque Mithridaticum missus est; plebis opes imminutæ; paucorum potentia crevit. hi magistratus, provincias, aliæque omnia tenere: ipsi innoxii, florentes, sine metu ætatem agere, ceterosque judiciis terrere, quo plebem in magistratu placidius tractarent. sed ubi primum dubiis rebus novandis spes oblata est; vetus certamen animos eorum arrexit. quod si primo proelio Catilina superior, aut æqua manu discessisset; profecto magna clades, atque calamitas remp. oppressisset: neque illis qui victoriam adepti forent diutius ea uti licuisset; quin defessis & exsanguiibus, qui plus posset, imperium atque libertatem extorqueret. Fuere tamen extra conjurationem complures, qui ad Caulinam initio profecti sunt. in
his

his erat Fulvius, senatoris filius : quem retractum
 ex itinere parens necari iussit. Isdem temporibus
 Romæ Lentulus, sicuti Catilina præceperat, quos-
 cunque moribus, aut fortuna novis rebus idoneos
 credebat, aut per se, aut per alios sollicitabat; ne-
 que solum cives, sed cuiuscunque modi genus ho-
 minum, quod modo usui bello foret. Igitur P. Vm-
 breno cuidam negotium dat, uti legatos Allobro-
 gum requirat: eosque si possit impellat ad societatem
 belli; existumans publice, privatimque ære a-
 lieno oppressos, præterea quod natura gens Gallica
 bellicosa esset, facile ad tale consilium adduci
 posse. Umbrenus, quod in Gallia negotiatus erat,
 plerisque principibus civitatum notus erat, atque eos
 noverat. itaque sine mora, ubi primum legatos in
 foro conspexit, percunctatus pauca de statu civita-
 tis, & quasi dolens ejus casum, requirere coepit, quæ
 exitum tantis malis speraret. postquam illos videt
 queri de avaritia magistratum, accusare senatum,
 quod in eo auxilii nihil esset; miseris suis remedi-
 um mortem expectare: At ego inquit, vobis, si
 modo viri esse vultis, rationem ostendam, qua tan-
 ta mala ista effugiatis. Hæc ubi dixit; Allobroges
 in spem maxumam adducti. Umbrenum orare, uti
 sui misereretur: nihil tam asperum, neque tam dif-
 ficile esse, quod non cupidissime facturi essent,
 dum ea res civitatem ære alieno liberaret. Ille eos
 in domum D. Bruti perducit; quod foro propinquum
 erat, neque aliena consilii propter Semproniam
 nam tum Brutus ab Roma aberat. præterea Gaius
 nium accessit; quo major auctoritas sermoni
 esset. eo præsentem conjurationem aperit: nomi-
 socios, præterea multos cuiusque generis innoxios
 quo legatis animus amplior esset: dein eos, pollicen-
 tes operam suam, domum dimittit. Sed Allobroges
 diu in incertum habuere, quidnam consilii cape-
 rent. in altera parte erat æs alienum, studium bel-
 li, magna merces in spe victoriæ: at in altera maio-
 res opes, tuta consilia, pro incerta spe certa præ-
 mia. hæc illis volventibus, tandem vicit fortu-
 na reip. itaque Q. Fabio Sangæ, cujus patrocinio
 civitas plurimum utebatur, rem omnem, uti cog-
 noverant, aperiunt. Cicero, per Sangam consilio
 cognito, legatis præcepit, uti studium conjuratio-
 nis vehementer sinulent: ceteros adeant, bene pol-
 liceantur, dentque operam, uti eos quam maxime

manifestos habeant. Isdē fere temporibus, in Gallia citeriore, atque ulteriore, item in agro Piceno, Brutio, Apulia motus erat. namque illi, quos ante Catilina dimiserat, inconsulte, ac veluti per dementiam cuncta simul agere: nocturnis consiliis, armorū, atque telorum portationibus, festinando, agitando omnia, plus timoris, quā periculi effecerant. ex eo numero complures Q. Metellus Celer prætor, ex sociis causa cognita, in vincula coniecerat; item in citeriore Gallia C. Murena, qui ei provinciæ legatus præerat. At Romæ Lentulus cum ceteris, qui principes conjurationis erant, paratis, ut videbatur, magnis copiis, constituerat, uti, cum Catilina in agrum Fæfulanum cum exercitu venisset, L. Bestia tribunus pl. concione habita, quereretur de actionibus Ciceronis, bellicque gravissimū invidiam optumo consuli imponeret; eo signo, proxima nocte cetera multitudo conjurationis suum quisque negotium exsequeretur. sed ea divisa hoc modo dicebantur: Statilius, & Gabinus uti cum magna manu duodecim simul opportuna loca urbis incenderent, quo tumultu facilior aditus ad consulem, ceterosque, quibus insidiæ parabantur, fieret: Cethegus Ciceronis januam obsideret, eumque vi aggrederetur, alius autem alium; sed filii familiarum, quorum ex nobilitate maxuma pars erat, parentes interficerent; simul, cæde, & incendio perculsis omnibus, ad Catilinam erumperent. Inter hæc parata, atque decreta, Cethegus semper querebatur de ignavia sociorum: illos, dubitando, & dies prolatando, magnas opportunitates corrumpere; facto, non consulto, in tali periculo opus esse: seque, si pauci adjuvarent, languentibus aliis, impetum in curiam facturum. natura ferox, vehemens, manu promptus erat: maximum bonum in celeritate putabat. Sed Allobroges ex præcepto Ciceronis per Gabinium ceteros conveniunt: ab Lentulo, Cethego, Statilio, item Cassio postulant jusjurandum, quod signatum ad civis perferant: aliter haud facile eos ad tantum negotium impelli posse. ceteri nihil suspicantes dant. Cassius semet eo brevi venturum pollicetur, ac paulo ante legatos ex urbe proficiscitur. Lentulus cum his P. Volturtium quendam Crotoniensem mittit; uti Allobroges, prius quam domum pergerent, cum Catilina, data atq; accepta fide,

fide, societatem confirmarent. ipse Volturtio literas ad Catilinam dat: quarum exemplum infra scriptum est: QVI sum, ex eo, quem ad te misi, cognosces. fac cogites, in quanta calamitate sis, & memineris, te virum esse: consideres, quid tuæ rationes postulent; auxilium petas ab omnibus, etiam ab infumis. Ad hoc, mandata urbis dat: cum ab senatu hostis iudicatus sit, quo consilio servitia repudiet: in urbe parata esse, quæ iusserit: ne cunctetur ipse propius accedere. His rebus ita actis, constituta nocte, qua proficiscerentur, Cicero, per legatos cuncta edoctus, L. Valerio Flacco, & C. Pomptino prætoribus imperat, uti in ponte Mulvio per insidias Allobrogum comitatus deprehendant: rem omnem aperit, cujus mittebantur: cetera, uti facto opus sit, ita agant. Homines militares, sine tumultu præsidii collocatis, sicuti præceptum erat, occulte pontem obsidunt. postquam ad id loci legati cum Volturtio venere; simul utrimque clamor exortus est: Galli, cito cognito consilio, sine mora prætoribus se tradunt. Volturtius primo, cohortatus ceteros, gladio se à multitudine defendit: dein, ubi à legatis desertus est, multa prius de salute sua Pomptinum obtestatus, quod ei notus erat, postremo timidus, ac vitæ diffidens, velut hostibus, sese prætoribus dedit. Quibus rebus confectis, omnia propere per nuncios consuli declarantur. at illum ingens cura atque lætitia simul occupavere. conjuratione patefacta civitatem periculis ereptam esse: porro autem anxius erat, in maximo scelere tantis civibus deprehensis, quid facto opus esset; poenam illorum oneri, impunitatem perdundæ reip. fore. igitur confirmato animo, vocari ad sese jubet Lentulum Cerhegum, Statilium, Gabinium, itemque Ceparium Tarracinensem; qui in Apuliam ad concitanda servitia proficisci parabat. ceteri sine mora veniunt. Ceparius, paulo ante domo egressus, cognito indicio, ex urbe profugerat. consul Lentulum, quod prætor erat, ipse manu tenens in senatū perducit; reliquos cum custodibus in ædem Concordiæ venire jubet. eo senatum advocat, magnaue frequentia ejus ordinis Volturtiū cum legatis introducit; Flaccum prætorem scrinium cum litteris, quas à legatis acceperat, eodem adferre jubet. Volturtius interrogatus de itinere, de litteris, postremo

quid, aut qua de causa, consilii habuisset, primo fingere alia omnia, dissimulare de conjuratione; post ubi fide publica dicere jussus est, omnia, uti gesta erant aperit; se paucis ante diebus à Gabinio, & Cepario socium ascitum: nihil amplius scire, quam legatos: tantummodo audire solitum ex Gabinio, P. Autronium, Ser. Sullam, L. Varguntejum, multos præterea in ea conjuratione esse. eadem Galli fatentur: at Lentulum dissimulantem coarguunt, præter litteras, sermonibus, quos ille habere solitus erat, ex libris Sibyllinis, regnum Romæ tribus Corneliis portendi: Cinnam, atque Sullam antea; se tertium esse, cui fatum foret urbis potiri: præterea, ab incenso Capitolio illum esse vigesimum annum, quem sæpe ex prodigiis haruspices respondissent bello civili cruentum fore. Igitur perlectis litteris, cum prius omnes signa sua cognovissent, senatus decernit uti abdicato magistratu, Lentulus, itemque ceteri in liberis custodiis habeantur. itaque Lentulus P. Lentulo Spintheri qui tum ædilis erat, Cethegus Qu. Cornificio, Statilius C. Cæsari, Gabinius M. Crasso, Ceparius (nam is paulo ante ex fuga retractus erat) Cn. Terentio senatori traduntur. Interea plebes, conjuratione patefacta, quæ primo cupida rerum novarum nimis bello favebat, mutata mente Catilinæ consilia execrari, Ciceronem ad cælum tollere; veluti ex servitute erepta gaudium atque lætitiā agitabat. namque alia belli facinora prædæ magis, quam detrimento fore, incendium vero crudele, immoderatum, ac sibi maxime calamitosum putabat; quippe cui omnes copię in usu quotidiano, & cultu corporis erant. Post eum diem quidam L. Tarquinius ad senatum adductus erat: quem ad Catilinam proficiscentem ex itinere retractum ajebant. is cum se diceret de conjuratione indicaturum, si fides publica data esset, jussus a consule, quæ sciret edicere, eadem fere, quæ Volturtius, de paratis incendiis, de cæde bonorum, de itinere hostium, senatum edocet: præterea, se missum à M. Crasso, qui Catilinæ nunciaret, ne eum Lentulus, & Cethegus, alique ex conjuratione deprehensi terrerent; eoque magis properaret ad urbem accedere, quo & ceterorum animos reficeret, & illi facilius e periculo eriperentur. Sed ubi Tarquinius Crassum nominavit, hominē nobilem,

maximis

maxumis divitiis, summa potentia: alii rem incre-
 dibilem rati: pars, tametsi verum existimabant,
 tamen quia in tali tempore tanta vis hominis ma-
 gis leniunda, quam exagitanda videbatur, plerique
 Crasso ex negotiis privatis obnoxii, conclamant,
 indicem falsum esse: deque ea re postulant uti re-
 feratur. itaque Cicerone consulente, frequens
 senatus decernit, Tarquinii indicium falsum vi-
 dendi, eumque in vinculis retinendum: neque
 amplius potestatem faciundam, nisi de eo indi-
 caret, cuius consilio tantam rem esset mentitus.
 Erant eo tempore, qui existimarent, indicium illud
 à P. Autronio machinatum, quo facilius, ap-
 pellato Crasso, per societatem periculi reliquos
 illius potentia tegeret. alii Tarquinium à Cice-
 rone inmissum ajebant, ne Crassus, more suo,
 suscepto malorum patrocinio remp. conturbaret.
 ipsum Crassum ego postea prædicantem audi-
 vi, tantam illam contumeliam sibi ab Cicerone im-
 positam. Sed isdem temporibus Qu. Catulus, &
 C. Piso neque gratia neque precibus, neque pre-
 cio Ciceronem impellere quivere, uti per Allo-
 broges, aut alium indicem C. Cæsar falso nomi-
 naretur. nam uterque cum illo gravis inimicitias
 exercebant. Piso oppugnatus in judicio pecunia-
 rum repetundarum, propter cujusdam Trāspadani
 supplicium injustum; Catulus, ex petitione ponti-
 ficatus odio incensus; quod extrema ætate, maxu-
 mis honoribus usus, ab adolescentulo Cæsare vi-
 ctus discesserat. res autem opportuna videbatur
 quod is, privatim egregia liberalitate, publicis
 maximis muneribus, grandem pecuniam debebat;
 sed ubi consulem ad tantum facinus impellere ne-
 queunt, ipsi singillatim circumeundo, atque emen-
 riendo, quæ se ex Volturtio, aut Allobrogibus au-
 disse dicerent, magnam illi invidiam conflaverant;
 usque adeo, ut non nulli equites R. qui præ-
 fidii causa cum telis erant circum Concor-
 diæ, seu periculi magnitudine, seu animi mobi-
 litate impulsæ, quo studium suum in remp. clarius
 esset, egredienti ex senatu Cæsari gladio minita-
 rentur. Dum hæc in senatu aguntur, & dum legatis
 Allobrogum, & T. Volturtio, comprobato
 eorum indicio, præmia decernuntur: libertini,
 & pauci ex clientibus Lentuli, diversis itineri-
 bus, opifices, atque servitia in vicis ad eum eri-
 piendum

piendum sollicitabant: partim exquirebant duces multitudinem, qui precio rempub. vexare soliti erant. Cethegus autem per nuncios familiam, atque liberos suos, lectos, & exercitatos in audaciam, orabat, uti, grege facto, cum telis ad sese irumperent. Consul, ubi ea parari cognovit, dispositis praesidiis, uti res atque tempus monebat, convocato senatu refert, quid de his fieri placeat, qui in custodiam traditi erant. sed eos paulo ante frequens senatus judicaverat contra remp. fecisse. tum D. Iunius Silanus, primus sententiam rogatus, quod eo tempore consul designatus erat, de his qui in custodiis tenebantur, & praeterea de L. Cassio, P. Furio, P. Umbreno, Q. Annio, si deprehensi forent, supplicium sumendum decreverat:isque postea, pernotus oratione C. Caesaris, pedibus in sententiam Ti. Neronis iturum se dixerat; quod de ea re, praesidiis abditis, referendum censuerat. Sed Caesar, ubi ad eum ventum est, rogatus sententiam à consule, huiusmodi verba locutus est. OMNIS homines P. C. qui de rebus dubiis consultant, ab odio, amicitia, ira, atque misericordia vacuos esse decet. haud facile animus verum providet, ubi illa officiunt; neque quisquam omnium lubidini simul & usui paruit. ubi intenderis ingenium, valet. si ludido possidet, ea dominatur; animus nihil valet. Magna mihi copia est memorandi P. C. qui reges, aut qui populi, ira, aut misericordia impulsī, male consuluerunt: sed ea malo dicere, quae maiores nostri contra lubidinem animi sui, recte, atque ordine fecere. Bello Macedonico, quod cum rege Perse gessimus, Rhodiorum civitas, magna, atque magnifica, quae populi R. opibus creverat, infida, atque adversa nobis fuit: sed postquam, bello confecto, de Rhodiis consultum est, maiores nostri, ne quis divitiarum magis, quam injuriae bellum inceptum diceret, impunitos eos dimisere. item bellis Punicis omnibus, cum saepe Carthaginenses & in pace, & per inducias multa nefanda facinora fecissent, nunquam ipsi per occasionem talia fecere: magis, quod se dignum foret, quam quod in illos jure fieri posset, quærebant. Hoc item vobis providendum est P. C. ne plus valeat apud vos P. Lentuli, & ceterorum scelus, quam vestra dignitas: neu magis iræ vestrae quam famæ, consulatis. nam si digna poena pro factis eorum reperitur, novum

conf.

consilium approbo : sui magnitudo sceleris omni-
 um ingenia exsuperat ; iis utendum censeo , quæ
 legibus comparata sunt. Plerique eorum, qui ante
 me sententias dixerunt , compositæ, atque magni-
 fice casum reip. miserati sunt : quæ belli sævitia
 esset, quæ victis acciderent, enumeravere, rapi vir-
 gines, pueros; divelli liberos à parentum comple-
 xu; matres familiarum pati, quæ victoribus colli-
 buissent: fana , atque domos exspoliari ; cædem,
 incendia fieri; postremo armis, cadaveribus, cruo-
 re, atque luctu omnia compleri. sed , per deos im-
 mortalis, quo illa oratio pertinuit ; an uti vos in-
 festos conjurationi faceret? scilicet , quem res tan-
 ta, atque tam atrox non permovet, enim oratio ac-
 cendit. non ita est : neque cuiquam mortalium
 injuriæ suæ parvæ videntur : multi eas gravius æ-
 quo habuere. sed alia aliis licentia est, P. C. qui
 demissi in obscuro vitam agunt , si quid iracundia
 deliquere, pauci sciunt; fama, atque fortuna eorum
 pares sunt: qui, magno imperio præditi , in excel-
 so ætatem agunt, eorum facta cuncti mortales no-
 vère. ita in maxuma fortuna minuma licentia est.
 neque studere, neque odisse, sed minime irasci de-
 cet. quæ apud alios iracundia dicitur , ea in impe-
 rio superbia, atque crudelitas appellatur. Equidem
 ego sic existumo, P. C. omnis cruciatus minores,
 quam facinora illorum, esse. sed plerique morta-
 les postrema meminere ; & in hominibus impiis,
 sceleris eorum obliti , de poena differunt, si ea pau-
 lo sævior fuerit. D. Silvanum, virum fortem atque
 strenuū, certe scio, quæ dixerit, studio reip. dixit
 neque illum in tanta re gratiam , aut inimicitiam
 exercere. eos mores , eamque modestiam viri co-
 novi. verum sententia ejus mihi non crudelis, (quod
 enim in talis homines crudele fieri potest?) sed
 aliena à rep. nostra videtur. Nam profecto an
 metus, aut injuria te subegit, Silane, consulem de-
 signatum, genus poenæ novum decernere. de timo-
 re, supervacaneum est differere, cum præsentis dili-
 gentia clarissimi viri consulis, tanta præsidia sint
 in armis. de poena possum equidem dicere id quod
 res habet; in luctu atque miseriis, mortem ærum-
 narum requiem , non cruciatum, esse; eam cuncta
 mortalium mala dissolvere ; ultra neque curæ,
 neque gaudio locum esse. Sed per deos immor-
 talis , quamobrem in sententiam non addidisti,

uti prius verberibus in eos animadverteretur? an quia lex Porcia vetat? at aliæ leges item condemnatis civibus non animam eripi, sed exsilium permitti jubent. an quia gravius est verberari quam necari? quid autem acerbum, aut nimis grave est in homines tanti facinoris convictos? sin, quia levius est: qui convenit in minore negotio legem observare, cum eam in maiore neglexeris? At enim quis reprehendat, quod in parricidas reip. decretum erit? tempus, dies, fortuna; cuius libido gentibus moderatur. illis merito accidet, quidquid evenerit: ceterum vos P. C. quid in alios statuatis, considerate. omnia mala exempla ex bonis initiis orta sunt: sed, ubi imperium ad ingnaros, aut minus bonos pervenit; novū illud exemplum ab dignis, & idoneis ad indignos, & non idoneos transfertur. Lacedæmonii, devictis Atheniensibus, triginta viros imposuere, qui rempub. tractarent. hi primo coepere pessimum quæque & omnibus invisum indemnatum necare. ea populus lætari, & merito dicere fieri. post, ubi paullatim licentia crevit; juxta bonos & malos libidinose interficere, ceteros metu terrere. ita civitas servitute oppressa, stultæ lætitiæ gravis poenas dedit. Nostra memoria victor Sulla, cum Damasippum, & alios hujusmodi, qui malo reip. creverant, jugulari jussit, quis non factum ejus laudabat? homines scelestos & factiosos, qui seditionibus remp. exagitaverant, merito necatos ajebant. sed ea res magnæ initium cladis fuit. namque uti quisque domum aut villam, postremo aut vas aut vestimentum alicujus concupiverat, dabat operam, uti is in proscriptorum numero esset. ita illi, quibus Damasippi mors lætitiæ fuerat, paulo post ipsi trahebantur: neque prius suis jugulandi fuit, quam Sulla omnis suos divitiis explevit. Atque ego hoc non in M. Tullio, neque his temporibus vereor. sed in magna civitate multa & varia ingenia sunt. potest alio tempore, alio consule, cui item exercitus in manu sit, falsum aliquid pro vero credi. ubi hoc exemplo, per senatus decretum, consul gladium eduxerit; quis illi finem statuet, aut quis moderabitur? Majores nostri P. C. neque consilii, neque audaciæ unquam eguere: neque superbia obstabat, quo minus instituta aliena, si modo proba erant, imitarentur, arma atque tela militaria ab

Sannio.

Samnitibus, insignia magistrarum ab Tuscis ple-
 raque sumpserunt: postremo, quod ubique apud
 socios, aut hostis idoneum videbatur, cum summo
 studio domi exsequebantur. imitari quam invide-
 re bonis malebant. sed eodem illo tempore Græ-
 ciæ morem imitati, verberibus animadvertabant
 in civis, de condemnatis summum supplicium su-
 mebant. postquam respub. adolevit, & multitu-
 dine civium factiones valere, circumveniri inno-
 centes, alia hujuscemodi fieri coepere: tunc lex
 Porcia, aliæque leges paratæ sunt. quibus legibus
 exilium damnatis permissum est. Hanc ego caus-
 sam P. C. quo minus consilium novum capiamus,
 in primis magnam puto. profecto virtus, atque
 sapientia major in illis fuit, qui ex parvis opibus
 tantum imperium fecere, quam in nobis, qui ea
 bene parta vix retinemus. Placet igitur eos di-
 mitti, & augeri exercitum Catilinæ? minime: sed
 ita conseo; publicandas eorum pecunias; ipsos in
 vinculis habendos per municipia, quæ maxime o-
 pibus valent: ne quis de his postea ad senatum
 referat, neve cum populo agat: qui aliter fecerit,
 senatum existumare, eum contra remp. & salutem
 omnium facturum. Postquam Cæsar dicendi finem
 fecit, ceteri verbo, alius alii varie assentiebantur.
 at M. Porcius Cato, rogatus sententiam, hujus-
 cemodi orationem habuit. LONGE mihi alia
 mens est P. C. cum res, atque pericula nostra con-
 sidero, & cum sententias non nullorum mecum ip-
 se reputo. illi mihi dissensisse videntur de poen-
 eorum, qui patriæ, parentibus, aris, atque foc-
 suis bellum paravere. res autem monet, cavere
 illis magis, quam, quid in illos statuamus, consu-
 tare. nam cetera maleficia iam persequare, ut
 facta sunt: hoc, nisi provideris, ne accidat; ubi eve-
 nit, frustra iudicia implores. capta urbe, nihil si-
 reliqui victis. Sed per deos immortalis, vos ego ap-
 pello, qui semper domos, villas, signa, tabulas ve-
 stras pluris, quam remp. fecistis, si ista cujuscunque
 modi sint, quæ amplexamini, retinere, si volup-
 tatibus vestris oculum præbere vultis: expergiscimini ali-
 quando, & capeßite remp. non agitur de vectiga-
 libus, non de sociorum injuriis. libertas, & anima
 nostra in dubio est. Sæpenumero P. C. multa verba
 in hoc ordine feci: sæpe de luxuria, atque avaritia
 nostrorum civium questus sum; multosque mor-
 talis

talis ea causa ad vos habeo, qui mihi, atque animo meo nullius unquam delicti gratiam fecissem, haud facile alterius lubrici malefacta condonabam. sed ea tamen vos parvi pendebatis; tamen resp. firma erat: opulentia negligentiam tolerabat. nunc vero non id agitur, bonis ne, an malis moribus vivamus; neque, quantum, aut quam magnificum imperium populi R. sit; sed, hæc cujuscunque modi videntur, nostra, an nobiscum una, hostium futura sint. Hic mihi quisquam mansuetudinem, & misericordiam nominat? Iam pridem equidem nos vera rerum vocabula amisimus. quia, bona aliena largiri, liberalitas; malarum rerum audacia, fortitudo vocatur; eo resp. in extremo sita est. sint sane, quoniam ita se mores habent, liberales ex sociorum fortunis: sint misericordes in furibus ærarii: ne illi sanguinem nostrum largiantur; &, dum paucis sceleratis parcunt, bonos omnis perditum eant. Bene, & composita C. Cæsar paulo ante in hoc ordine de vita, & morte disseruit, credo falsa existumans ea, quæ de inferis memorantur, diverso itinere malos à bonis loca tætra, inculta, foeda, atque formidolosa habere. itaque censuit, pecunias eorum publicandas, ipsos per municipia in custodiis habendos; videlicet, ne, si Romæ sint, aut à popularibus conjurationis, aut à multitudine conducti, per vim eripiantur. quasi vero mali, atq; scelesti tantummodo in urbe, & non per totam Italiam sint; aut non ibi plus possit audacia, ubi ad defendendum opes minores sunt. quare vanum equidem hoc consilium est, si periculum ex illis metuit. sin in tanto omnium metu solus non timet; eo magis refert, me mihi, atque vobis timere. Quare cum de P. Lentulo; ceterisque statueretis; pro certo habetote, vos simul de exercitu Catilinæ & de omnibus conjuratis decernere. quanto vos attentius ea ageris; tanto illis animus infirmior erit, si paullulum modo vos languere viderint; jam omnes feroces aderunt. Nolite existumare, majores nostros armis resp. ex parva magnam fecisse. si ita res esset; multo pulcherrimam eam nos haberemus. quippe sociorum, atq; civium, præterea armorum, atque equorum major copia nobis, quam illis, est. sed alia fuere, quæ illos magnos fecere; quæ nobis nulla sunt; domi industria, foris justum imperium; animus in consulendo liber, neque delicto,

neque

neque lubricitati obnoxius. pro his nos habemus luxuriam, arque avaritiam, publice egestatem, privatim opulentiam: laudamus divitias, sequimur inertiam: inter bonos & malos discrimen nullum: omnia virtutis præmia ambitio possidet. neque mirum; ubi vos separatim sibi quisque consilium capitis, ubi domi voluptatibus, hic pecuniæ, aut gratiæ servitis. eo fit, ut impetus fiat in vacuum remp. Sed ego hoc omitto. Conjuravere cives nobilissimi patriam incendere. Gallorum gentem, infestissimam nomini Romano, ad bellum arcessunt: dux hostium cum exercitu supra caput est: vos cunctamini etiam nunc, & dubitatis, quid, intra moenia deprehensis hostibus, faciatis? miseremini, censeo: deliquere homines adolescentuli per ambitionem: atque etiam armatos dimittatis. næ ista vobis mansuetudo, & misericordia, si illi arma ceperint, in miseriam vertet. Scilicet res ipsa aspera est; sed vos non timetis eam. immo vero maxime; sed inertia & mollitia animi, alius alium expectantes, cunctamini, videlicet diis immortalibus confisi, qui hanc remp. in maxumis sæpe periculis servavere. non votis, neque suppliciis muliebribus auxilia deorum parantur. vigilando, agendo, bene consulendo, prospere omnia cedunt. ubi socordiæ, atque ignaviæ tradideris, nequiquam deos implores. irati, infestique sunt. Apud maiores nostros A. Manlius Torquatus bello Gallico filium suum, quod is contra imperium in hostem pugnaverit, necari iussit. atque ille egregius adolescens immoderatæ fortitudinis morte poenas dedit. vos, de crudelissimis parricidis quid statutis, cunctamini? videlicet vita cetera eorum huic sceleri obstat. verum parce dignitati Lentuli, si ipse pudicitiae, si famæ suæ, si diis, aut hominibus unquam ullis pepercit. ignorete Cethegi adolescentiæ, nisi iterum jam patriæ bellum fecit. nam quid ego de Gabinio, Statilio, Ceparo loquar? quibus si quidquam pensi unquam fuisset, non ea consilia de rep. habuissent. postremo, P. C. si mehercle peccato locus esset, facile paterer vos ipsa re corrigi, quoniam verba contemnitis: sed undique circumventi sumus: Catilina cum exercitu faucibus urget: alii intra moenia atque in sinu urbis sunt hostes: neque parari, neque consuli quidquam occulte potest. quo magis properandum est. Quare ita ego censeo: cum nefario

consilio sceleratorum civium resp. in maxuma pe-
 ricula venerit, hique indicio T. Volturtij, & lega-
 torum Allobrogum convicti, confessi que sunt, cæ-
 dem, incendia, aliaque fœda, atque crudelia faci-
 nora in civis, patriamque paraville; de confessis,
 sicuti de manifestis rerum capitalium, more ma-
 jorum supplicium sumendum. Postquam Caro as-
 sedit; consulares omnes, itemque senatus magna
 pars, sententiam ejus laudant, virtutem animi ad
 cælum ferunt: alii alios increpantes timidos vo-
 cant: Cato clarus atque magnus habetur: senati
 decretum fit, sicuti ille censuerat. Sed mihi, mul-
 ta legenti, multa audienti, quæ populus R. domi,
 militiæque, mari, atque terra præclara facinora fe-
 cit, forte lubuit attendere, quæ res maxime tanta
 negotia sustinisset. Sciebam sæpenumero parva
 manu cum magnis legionibus hostium contendis-
 se; cognoveram parvis copiis bella gesta cum opu-
 lentis regibus: ad hoc, sæpe fortunæ violentiam
 tolerasse: facundia Græcos, gloria belli Gallos an-
 te Romanos fuisse. ac mihi, multa agitati, con-
 stabat, paucorum civium egregiam virtutem cum
 cæta patraville; eoque factum, uti divitias pauper-
 tas, multitudinem paucitas superaret. sed, postquā
 luxu, atque desidra civitas corrupta est; rursus resp.
 magnitudine sua imperatorum, atq; magistratum
 vitia sustentabat; ac, sicuti effeta parentum, multis
 tempestatibus haud sane quisquam Romæ virtute
 magnus fuit. sed, memoria mea, ingenti virtute,
 diversis moribus fuere viri duo, M. Cato, & C. Cæ-
 sar: quos, quoniam res obrulerat, silentio præterire
 non fuit consilium, quin utriusq; naturam, & mo-
 res, quantum ingenio possem, aperirem. Igitur his
 genus, ætas, eloquentia prope æqualia fuere: ma-
 gnitudo animi par, item gloria, sed alia alii. Cæsar
 beneficiis, ac munificentia magnus habebatur; in-
 tegritate vitæ Cato. ille mansuetudine, & miseri-
 cordia clarus factus; huic severitas dignitatem ad-
 diderat. Cæsar, dando, sublevando, ignoscendo;
 Cato, nihil largiundo, gloriam adeptus est. in al-
 tero miseris perfugium; in altero malis per-
 nicies. illius facilitas, hujus constantia lauda-
 batur. postremo Cæsar in animum induxerat, la-
 borare, vigilare; negotiis amicorum intentus, sua
 negligere; nihil denegare, quod dono dignum es-
 set;

set: sibi magnum imperium, exercitum, bellum novum exoptabat, ubi virtus enitescere posset. at Catoni studium modestiæ, decoris, sed maxime severitatis erat. non divitiis cum divite, neque factione cum factioso; sed cum strenuo virtute, cum modesto pudore, cum innocente abstinentia certabat: esse, quam videri, bonus malebat: ita, quo minus gloriam petebat, eo magis adsequebatur. Postquam, uti dixi, senatus in Catonis sententiam discessit; consul optimum factu ratus, noctem, quæ instabat, ante capere, ne quid eo spatio novaretur, triumviros, quæ supplicium postulabat, parare jubet: ipse, præsidiiis dispositis, Lentulum in carcerem deducit: idem fit ceteris per prætores. Est in carcere locus, quod Tullianum appellatur, ubi paululum ascenderis ad lævam, circiter xii. pedes humi depressus. eum muniunt undique parietes, atque insuper camera lapideis fornicibus vincta: sed inculm, tenebris, odore fœda, atque terribilis ejus facies. in eum locum postquam dimissus Lentulus; vindices rerum capitalium, quibus præceptum erat, laqueo gulam fregere. ita ille patricius, ex gente clarissima Corneliorum, qui consulare imperium Romæ habuerat, dignum moribus, factisque suis exitum vitæ invenit. de Cethego, Statilio, Gabinio, Cepario eodem modo supplicium sumptum est. D V M ea Romæ geruntur, Catilina ex omni copia, quam ipse adduxerat, & Mallius habuerat, duas legiones instituit; cohortes pro numero militum complet; dein, ut quisque voluntarium aut ex focis in castra venerat, æqualiter distribuat, ac brevi spatio legiones numero hominum pleverat; cum initio non amplius duobus millibus habuisset. sed ex omni copia circiter pars quarta erat militaribus armis instructa: ceteri, ut quemque casus armaverat, sparos, aut lanceas, alii præcintas fudes portabant. Sed postquam Antonius cum exercitu adventabat, Catilina per montis iter facere; modo ad urbem, modo Galliam versus castra movere; hostibus occasionem pugnandi non dare. sperabat propediem magnas copias se habiturum, si Romæ focii incepta patravissent. interea servitia repudiabat, cujus initio ad eum magnæ copię concurrebant, opibus cōjurationis fretus; simul alienum suis rationibus videri, causam civiū cum

fervis fugitivis communicasse. Sed, postquam in castra nuncius pervenit, Romæ conjurationem patefactam, de Lentulo, & Cethego, ceterisque, quos supra memoravi, supplicium sumptum: plerique, quos ad bellum spes rapinarum, aut novarum rerum studium illexerat, dilabantur: reliquos Catilina per montis asperos magnis itineribus in agrum Pistoriensem abducit, eo consilio, uti per tramites occulte profugeret in Galliam. at Q. Metellus Celer cum tribus legionibus in agro Piceno præsidebat, ex difficultate rerum eadem illa existimans, quæ supra diximus, Catilinam agitare. igitur, ubi iter ejus ex perfugis cognovit, castra propere movit, ac sub ipsis radicibus montium confedit; qua illi descensus erat in Galliam properanti. neque tamen Antonius longe aberat, utpote qui magno exercitu locis æquioribus expeditos in fugam sequeretur. Sed Catilina, postquam videt montibus, atque copiis hostium sese clausum, in urbe res adversas, neque fugæ, neque præsidii ullam spem; optimum factu ratus in tali re fortunam belli tentare, statuit cum Antonio quamprimum configere. itaque concione advocata, hujusmodi orationem habuit. **COMPERTVM** ego habeo, milites, verba viris virtutem non addere: neque ex ignavo strenuum, neque fortem ex timido exercitum oratione imperatoris fieri. quanta cujusque animo audacia natura, aut moribus inest, tanta in bello patere solet. quem neque gloria, neque pericula excitant, nequiquam hortere. timor animi auribus officit. sed ego vos, quo pauca mone-rem, advocavi; simul uti causam consilii mei aperirem. Scitis equidem, milites, socordia, atque ignavia Lentuli, quantam ipsi, nobisque cladem attulerit; quoque modo, dum ex urbe præsidia opperior, in Galliam proficisci nequiverim. nunc vero, quo in loco res nostræ sint, juxta mecum omnes intelligitis. exercitus hostium duo, unus ab urbe, alter a Gallia obstant: diutius in his locis esse, si maxime animus ferat, frumenti atque aliarum rerum egestas prohibet: quocunque ire placet, ferro iter aperiendum est. Quapropter vos moneo, uti forti, atque parato animo sitis; &, cum proelium inibitis, memineritis, vos divitias, decus, gloriam, præterea libertatem, atque patriam in dextris vestris

stris portare. si vincimus, omnia nobis ruta erunt:
 comineatus abunde, municipia, arque coloniae
 patebunt. sin metu cesserimus, eadem illa advorsa
 fient; neque locus, neque amicus quisquam teget,
 quem arma non texerint. Præterea, milites, non
 eadem nobis, & illis necessitudo impendet. nos pro
 patria, pro libertate, pro vita certamus: illis super-
 vacaneum est pro potentia paucorum pugnare. quo
 audacius aggredimini, memores pristinae virtutis.
 Licuit vobis cum summa turpitudine in exilio æ-
 tatem agere. potuistis non ulli Romæ, amissis bo-
 nis, alienas opes expectare. quia illa foeda, atque
 intoleranda viris videbantur, hæc sequi decrevistis.
 si hæc relinquere vultis, audacia opus est. nemo,
 nisi victor, pace bellum mutavit. nam, in fuga salu-
 tem sperare, cum arma, quibus corpus tegitur, ab ho-
 stibus avertere; ea vero dementia est. semper in
 proelio iis maximum est periculum, qui maxime
 uiment: audacia pro muro habetur. Cum vos consi-
 dero, milites; & cum facta vestra aestimo: magna
 me spes victoriæ tenet. animus, ætas, virtus vestra
 me hortantur; præterea necessitudo, quæ etiam ti-
 midos fortis facit. nam, multitudo hostium ne cir-
 cumvenire queat, prohibent angustiae loci. quod si
 virtuti vestrae fortuna inviderit: cavere, ne inulti
 animam amittatis; neu capti potius, sicuti pecora,
 trucidemini, quam virorum more pugnantes, cruen-
 tam atq; luctuosam victoriam hostibus relinquatis.
 Hæc ubi dixit; paullulum commoratus, signa cane-
 re jubet: atque instructos ordines in locum æquum
 deducit: dein, remotis omnium equis, quo militi-
 bus, ex æquato periculo, animus amplior esset, ip-
 sos pedes exercitum pro loco, atq; copiis instruit. na-
 uti planities erat inter sinistros montis, & ab dex-
 tera rupes aspera, octo cohortes in fronte constitu-
 it; reliqua signa in subsidiis artius collocat. ab his
 centuriones omnis & evocatos, præterea ex grega-
 riis militibus optime quemq; armatum in primam
 aciem subducit. C. Mallium in dextra, Fæsulanium
 quendam in sinistra parte curare jubet: ipse cum
 libertis, & calonibus propter Aquilam adstitit:
 quam bello Cymbrico C. Marius in exercitu ha-
 buisse dicebatur. At ex altera parte C. Antonius,
 pedibus æger, quod prælio adesse nequibat, M. Pe-
 trejo legato exercitum permittit. ille cohortes ve-

teranas , quas tumulti causa conscripserat , in
 fronte , post eas ceterum exercitum in subsidiis lo-
 car. ipse equo circumiens , unumquemque no-
 minans , appellat , hortatur , rogat , uti meminerint
 se contra latrones inermes pro patria , pro libe-
 ris , pro aris , atque focis suis cernere. homo mi-
 litaris , quod amplius annos triginta tribunus , aut
 praefectus , aut legatus , aut praetor cum magna
 gloria in exercitu fuerat , plerisque ipsos , facta-
 que eorum fortia noverat ; ea commemorando ,
 militum animos accendebat. sed , ubi , omnibus
 rebus exploratis , Petrejus tuba signum dat , co-
 hortem paulatim incedere jubet. idem facit hosti-
 um exercitus. Postquam eo ventum est ; unde a-
 ferentariis proelium committi posset ; maximo
 clamore , infestis signis occurrunt : pila omittunt ;
 gladiis res geritur. veterani , pristinae virtutis
 memores , comminus acriter instare , illi haud ti-
 midi resistunt : maxima vi certatur. interea Ca-
 tilina cum expeditis in prima acie versari : laboran-
 tibus succurrere : integros pro faucibus accersere :
 omnia providere : multum ipse pugnare , saepe ho-
 stem ferire : strenui militis , & boni imperato-
 ris officia simul exsequebatur. Petrejus , ubi vi-
 det Catilinam contra , ac ratus erat , magna vi
 tendere ; cohortem praetoriam in medios hostis
 inducit ; eosque perturbatos , atque alios alibi re-
 sistentes , interficit : deinde utrimque ex lateri-
 bus ceteros aggreditur. Mallius , & Fæfulanus
 in primis pugnantes cadunt. postquam fusas co-
 pias , seque cum paucis relictum videt Catilina ;
 memor generis , atque pristinae dignitatis suae , in
 confertissimos hostes incurrit , ibique pugnans
 confoditur. Sed , confecto proelio , tum vero cer-
 neres quanta audacia , quantaque animi vis fuisset
 in exercitu Catilinae. nam fere , quem quisque vi-
 vus pugnando locum teperat , eum amissa anima ,
 corpore tegebat. pauci autem , quos medios cohors
 praetoria disjecerat , paullo diversi , alii alibi stantes ,
 omnes tamen adversis vulneribus , conciderant. Ca-
 tilina vero longe a suis inter hostium cadavera re-
 pertus est , paullulum etiam spirans , ferociamque
 animi , quam habuerat vivus , in vultu retinens.
 Postremo , ex omni copia , neque in praelio , neque
 in fuga quisquam civis ingenuus captus est. ita cun-

ſui ſuæ, hoſtiumque vitæ juxta pepercerant. neque
tamen exercitus populi R. lætam, aut incruentam
victoriam adeptus erat. nam ſtrenuiſſimus quiſ-
que, aut occiderat in proelio, aut graviter vulne-
ratus diſceſſerat. multi autem, qui e caſtris viſun-
di, aut ſpoliandi gratia proceſſerant, volventes
hoſtilia cadavera, amicum alii, pars hoſpitem,
aut cognatum reperiabant. fuere item, qui ini-
micos ſuos cognoscerent. ita varie per omnem ex-
ercitum lætitia, mæror, luctus, atque gaudia agi-
tabantur.



C 4 SAL

Iugurthini Epitome

Ex L. Flori Historiarum lib. III.

HAEC ad Orientem . sed non
 ad Meridionalem plagam eadē
 quies. Quis speraret post Carthagi-
 nē aliquod in Africa bellum? Atqui
 non leviter se Numidia concussit;
 & fuit in Iugurtha, quod post An-
 nibalē timeretur. Quippe rex cal-
 lidissimus Pop. Romanū armis in-
 clutum & invictū opibus agressus
 est, & citra spē omniū fortuna cessit
 ut rex fraude precipuus, fraude ca-
 peretur. Hic avo Massinissa & Mi-
 cipsa patre per adoptionē, cum in-
 terficere fratres statuisset, agitatus
 regni cupiditate, nec illos magis
 quā Senatum populumq; Romanū,
 quorum in fide & clientela regnū
 erat, metueret: primum scelus mā-
 dat infidiis, potitusque Hiempsalis
 capite, cum se in Atherbalem con-
 vertisset, isque Romā profugisset,
 missa per legatos pecunia traxit in
 sententiam suam & Senatū. Et hæc
 fuit de nobis ejus prima victoria.
 Missos deinde qui regnum interil-
 lū Atherbalemq; dividerent, simili-
 ter aggressus, cum in Scauro ipsos
 Rom. imperii mores expugnasset,
 inchoatum nefas perfecit audaci-
 us. Sed diu non latent scelera. Cor-
 ruptæ

ruptæ nefas legationis erupit, placuitque bello persequi parricidâ. Primus in Numidiam Calpurnius Bestia consul immittitur. Sed rex præmonitus fortius adversus Romanos aurum esse quam ferrû, pacem emit. Cujus flagitii reus cum interveniēte publica fide a Senatu accersiretur, pari audacia & venit, & cōpetitorē imperii Masinissę nepotem Massivâ, immisso percussore cōfecit. Hęc altera cōtra regē causa bellandi fuit. Igitur sequēs ultio mandatur Albino. Sed hujus quoque (proh dedecus!) ita corripit exercitum, ut voluntaria nostrorû fuga vinceret Numida castrisque potiretur: addito etiam turpi fœdere in precium salutis. quē, quod prius emerat, dimisit exercitû. Eodem tempore in ultionem non imperii Romani, quā pudoris Metellus assurgit, qui callidissime hostem nunc precibus, nunc minis, simulata quasi vera fuga eludentē artibus suis aggressus est. Agrorum atque vicorum populatione non contentus, in ipsa Numidiæ capita impetum fecit, & Zamam quidē frustra diu voluit. Ceterû Thalam, gravē armis thesauroque regis, diripuit. Tunc urbibus exutū regem, etiam finium suorum regnique fugitivum

gitivum per Mauros atque Gætuliã
sequebatur. Postremo Marius au-
ctis admodum copiis, cum pro ob-
scuritate generis sui capite censo
sacramento adegisset, jã fufum &
faucium regem adortus, non faci-
lius tamen vicit, quam si integrum
& recentem. Hic & urbẽ Herculi
conditam Capsam in media Africa
sitam anguibus arenisque vallatam
mira quadã felicitate superavit, &
faxeo inditam monti Muluchã ur-
bein per Ligurẽ aditu arduo inac-
cessoque penetravit. mox non ipsũ
modo, sed Bocchũ Mauritanix re-
gem jure sanguinis vindicantem,
apud opidum Cirtham graviter ce-
cidit. qui, ubi diffusus rebus suis, a-
lienæ cladis accessio ne fieret, ti-
met; precium fœderis atq; amicitie
regem facit. Sic fraudulentissimus
regum fraude foceri sui in insidias
deductus est, & Sullę in manũ tra-
ditus. tandemq; opertũ catenis Iu-
gurthã in triumpho Pop. Rom. ad-
spexit: sed ille quoque, quamvis vi-
ctus & vinctus vidit urbem, quam
venalẽ & quandoque perituram, si
habuisset emptorẽ frustra cecine-
rat. Tamen ut venalis fuisset habuit
emptorẽ, & cum ille non evaserit,
certum erit eam non esse periturã.

C. SALLVSTII CRISPI

I V G U R T H A,

S E V

BELLVM I V G V R T H I N V M.

F Also queritur de natura sua genus humanum; quod imbecilla, atque ævi brevis, sorte potius, quam virtute, regatur. nam contra reputando, neque majus aliud, neque præstabilius invenias; magisque naturæ industriam hominum, quam vim, aut tempus deesse. sed dux, atque imperator vitæ mortalium, animus est: qui, ubi ad gloriam virtutis via grassatur, abunde pollens, potensque, & clarus est, neque fortuna eget; quippe quæ probitatem, industriam, aliasque artis bonas neque dare, neque eripere cuiquam potest. fin, captus pravis cupidinibus, ad inertiam, & voluptates corporis pessum datus est, perniciose lubidine paullisper usus; ubi per socordiam vires, tempus, ingenium defluxere, naturæ infirmitas accusatur: suam quique culpam actores ad negotia transferunt. quod si hominibus bonarum rerum tanta cura esset, quanto studio aliena, ac nihil profutura, multum etiam periculo petunt: neque regerentur magis, quam regerentur; & eo magnitudinis procederent, ubi pro mortalibus, gloria æterni fierent. nam uti genus humanum compositum ex corpore, & anima est: ita cunctæ, studiaque omnia nostra, corporis alia, alia animi naturam sequuntur. igitur præclara facies, magnæ divitiæ, ad hoc vis corporis, & alia omnia hujusmodi brevi dilabuntur; at ingenii egregia facinora, sicuti anima immortalia sunt. postremo, corporis & fortunæ bonorum, uti initium, finis est; omniaque orta occidunt, & aucta senescunt. animus incorruptus, æternus, rector humani generis, agit, atque habet cuncta, neque ipse habetur. quo magis pravitas eorū admiranda est, qui, dediti corporis gaudiis, per luxum, atque ignaviam ætatem agunt: ceterum ingenium, quo neque

neque melius, neque amplius aliud in natura mortalium est, incultu, atque socordia torpescere fiunt; cum præsertim tam multæ, variæque sint artes animi, quibus summa claritudo paratur. Verum ex his magistratus, & imperia, postremo omnis cura rerum publicarum, minime mihi hac tempestate cupiunda videntur: quoniam neque virtuti honos datur; neque illi, quibus per fraudem jus fuit, tuti, aut eo magis honesti sunt. nam, vi quidem regere patriam, aut parentes, quamquam & possis, & delicta corrigas; tamen importunum est: cum præsertim omnes rerum mutationes cædem, fugam, aliaque hostilia portendant. frustra autem niti, neque aliud, se fatigando, nisi odium quærere, extremæ dementiæ est: nisi forte quem inhonesta & perniciofa lubido tenet, potentiæ paucorum decus atque libertatem suam gratificari. Cæterum ex aliis negotiis, quæ ingenio exercentur, in primis magno usui est memoria rerum gestarum: cujus de virtute quia multi dixere, prætereundum puto; simul, ne per insolentiam quis existimet memet studium meum laudando extollere. Atque ego credo fore, qui, quia decrevi procul a repub. ætatem agere, tanto, tamque utili labori meo nomen inertiae imponant: certe, quibus maxuma industria videtur, salutare plebem, & conviviiis gratiam quærere. qui si reputaverint, & quibus ego temporibus magistratum adeptus sum; & quales viri idem assequi nequiverint; & postea, quæ genera hominum in senatum pervenerint: profecto existimabunt, me magis merito, quàm ignavia, iudicium animi mei mutavisse; majusq; cōmodum ex otio meo, quam ex aliorum negotiis. reip. venturum. nam sæpe audiui, Q. Maxumū, P. Scipionē præterea, civitatis nostræ præclaros viros solitos ita dicere: cum majorū imagines intuerentur, vehementissime sibi animum ad virtutes accendi. scilicet non ceram illam, neque figuram tantam vim in sese habere; sed memoria rerum gestarum eam flammam egregiis viris in pectore crescere, neq; prius sedari, quam virtus eorum famam, atque gloriam adæquaverit. At contra, quis est omnium his moribus, quin divitiis, & sumptibus, nō probitate, neque industria, cum majoribus suis contendat? etiam homines novi, qui antea per virtutem soliti erant nobilitatem antevenire, furtim, & per latrocinia potius, quàm bonis artibus, ad imperia &

ria & honores nituntur. proinde quasi prætura, & consulatus, atque alia omnia hujuscemodi per se ipsa clara, & magnifica sint, ac non perinde habeantur, ut eorum, qui ea sustinent, virtus est. Verum ego liberius, altiusque processi, dum me civitatis morum piget, tædetque. nunc ad inceptum redeo.

Bellum scripturus sum, quod populus R. cum Iugurtha rege Numidarum gessit: primum, quia magnum & atrox, variaque victoria fuit: dein, quia tum primum superbiæ nobilitatis obviam itum est. quæ contentio divina & humana cuncta permiscuit; eoque vecordiæ processit; ut studiis civilibus bellum, atque vastitas Italiæ finem facerent. Sed prius quam hujuscemodi rei initiū expedio, pauca supra repetam; quo, ad cognoscendum, omnia illustria magis, magisque in aperto sint. Bello Punico secundo, quo dux Carthaginiensium Hannibal, post magnitudinem nominis Romani, Italiæ opes maxime attriverat; Masinissa rex Numidarum, in amicitiam receptus a P. Scipione, cui postea Africano cognomen ex virtute fuit, multa & præclara rei militaris facinora fecerat: ob quæ, victis Carthaginiensibus, & capto Syphace, cuius in Africa magnum, atque late imperium valuit, populus R. quascunque urbis, & agros manu ceperat, regi dono dedit. igitur amicitia Masinissæ bona, atque honesta nobis permansit: sed imperii, vitæque ejus finis idem fuit. dein Micipsa filius regnum fortis obtinuit, Mastanabale, & Gulussa fratribus moribus absumptis. is Atherbalem, & Hiempsaalem ex se genuit; Iugurthamque filium Mastanabalis fratrem, quem Masinissa, quod ortus ex concubina erat, parvarum reliquerat, eodem cultu, quo liberos suos domi habuit. Qui, ubi primum adolevit, pollebat viribus, decora facie, sed multo maxime ingenio validus, non se luxu, neque inertiae corrumpendum dedit; sed, uti mos gentis illius est, equitare, jaculari, cursu cum æqualibus certare; & cum omnis gloria anteiret, omnibus tamen carus esse: ad hoc, pleraque tempora in venando agere; leonem, atque alias feras primus, aut in primis ferire; plurimum facere, & minumum ipse de se loqui. Quibus rebus Micipsa tamen si initio lætus fuerat, existumans virtutem Iugurthæ regno suo gloriæ fore: tamen postquam hominem adolescentem, exacta ætate sua, & parvis liberis, magis magisque crescere intelligit,

telligit, vehementer eo negotio perinotus, multa cum animo suo volvebat. terrebat eum natura mortalium avida imperii, & præceps ad explendam animi cupidinem; præterea, opportunitas suæ liberorumque ætatis, quæ etiam mediocres viros spe prædæ transvorsos agit: ad hoc, studia Numidarum in Iugurtham accensa: ex quibus, si talem virum dolis interfecisset, ne qua seditio, aut bellum oriretur, anxius erat. His difficultatibus circumventus, ubi videt, neque per vim, neque insidiis opprimi posse hominem tam acceptum popularibus, quod erat Iugurtha manu promptus, & appetens gloriæ militaris, statuit eum objectare periculis, & eo modo fortunam tentare. Igitur bello Numantino Micipsa, cum populo R. equitum atque peditum auxilia mitteret; sperans vel ostentando virtutem, vel hostium sævitia facile eum occasurum, præfecit Numidis, quos in Hispaniam mittebat. sed ea res longe aliter, ac ratus erat, evenit. nam Iugurtha, ut erat impigro atque acri ingenio, ubi naturam P. Scipionis, qui tum Romanis imperator erat, & morem hostium cognovit; multo labore, multaque cura, præterea modestissime parendo, & sæpe obviam eundo periculis, in tantam claritudinem brevi pervenerat, ut nostris vehementer carus, Numantinis maximo terrori esset. ac sane, quod difficillimum imprimis est, & prælio strenuus erat, & bonus consilio: quorum alterum ex providentia timorem, alterum ex audacia temeritatem adferre plerumque solet. Igitur Imperator omnis fere res asperas per Iugurtham agere, in amicis habere, magis magisque eum in dies amplecti. quippe; cuius neque consilium, neque inceptum ullum frustra erat. Huc accedebat munificentia animi, & ingenii sollertia: quibus rebus sibi multos ex Romanis familiari amicitia conjunxerat. Ea tempestate in exercitu nostro fuere complures novi, arque nobiles, quibus divitiæ bono honestoque potiores erant, factiosi, domi potentes, apud socios clari magis quam honesti: qui Iugurthæ non mediocrem animum pollicitando accendebant, si Micipsa rex occidisset, fore uti solus imperio Numidiæ potiretur: in ipso maxumam virtutem, Romæ omnia venalia esse. Sed postquam, Numantia delera, P. Scipio dimittere auxilia, & ipse reverti domum decrevit:

crevit: donatum, atque laudatum magnifice pro
 concione Iugurtham in prætorium adduxit: ibique
 secreto monuit, uti potius publice, quam privatum,
 amicitiam populi R. coleret: neu quibus largiri in-
 fuefceret: periculose a paucis emi, quod multorum
 esset: si permanere vellet in suis artibus, ultro illi
 & gloriam, & regnum venturum: sin properantius
 pergeret, pecuniam, & ipsum præcipitem casurum.
 Sic locutus, cum litteris eum, quas Micipsæ redde-
 ret, dimisit. earum sententia hæc erat. I V G V R-
 T H Æ tui bello Numantino longe maxuma vir-
 tus fuit: quam rem tibi certe scio gaudio esse. nobis
 ob merita sua carus est: ut ibidem S. P. Q. R. sit,
 summa ope nitentur. Tibi quidem pro nostra a-
 micitia gratulor. en habes virum dignū te, atq; avo
 suo Masinissa. Igitur rex, ubi ea quæ fama acceperat
 ex litteris imperatoris ita esse cognovit, tū virtu-
 te, tum gratia viri permotus, flexit animū suum; &
 Iugurtham beneficiis vincere aggressus est; statim-
 que eum adoptavit, & testamento pariter cum fi-
 liis heredem instituit. Sed ipse paucos post annos,
 morbo, atque ætate confectus, cum sibi finem vitæ
 de se intelligeret coram amicis, & cognatis, item-
 que Atherbale, & Hiempsale filiis, dicitur hujusce-
 modi verba cum Iugurtha habuisse. P A R V V M
 ego te Iugurtha, amisso patre, sine spe, sine opibus,
 in meum regnum accepi, existumans non minus mi-
 tibi, quam si genuissem, ob beneficia carum for-
 neque ea res falsum me habuit. nam ut alia magni
 & egregia tua omittam, novissime rediens Numantia,
 meque regnumque meum gloria honoravi-
 sti; tuæque virtute nobis Romanos ex amicis ami-
 cissimos fecisti: in Hispania nomen familiæ reno-
 vatum est: postremo, quod difficillimum inter
 mortalis est, gloria invidiam vicisti. Nunc quoni-
 am mihi natura finem vitæ facit, per hanc dex-
 tram, per regni fidem moneo, obtestorque, uti hos,
 qui tibi genere propinqui, beneficio meo fratres
 sunt, caros habeas; neu malis alienos adjunge-
 re, quam sanguine conjunctos retinere. non ex-
 ercitus, neque thesauri, præsidia regni sunt,
 verum amici: quos neque armis cogere, neque
 auro parare queas: officio, & fide pariuntur.
 quis autem amicior, quam frater fratri; aut quem
 alienum fidum invenies, si tuis hostis fueris? E-
 quidem ego regnum vobis trado firmum, si boni
 eritis:

eritis: si mali, imbecillum. nam concordia res par-
 vae crescunt, discordia maximae dilabuntur. Cete-
 rum ante hos te, Iugurtha, quia ætate, & sapientia
 prior es, ne aliter quid eveniat, providere, decet.
 nam in omni certamine, qui opulentior est, etiã si
 accipit injuriam, tamen, quia plus potest, facere vi-
 detur. Vos autem, Atherbal, & Hiempsal, colite,
 observate talem hunc virum: imitamini virtutem;
 & eniimini, ne ego meliores liberos sumpisse vi-
 dear, quam genuisse. Ad ea Iugurtha, tametsi re-
 gem ficta locutum intelligebat, & ipse longe aliter
 animo agitabat; tamen pro tempore benigne re-
 spondit. Micipsa paucis post diebus moritur. Post-
 quam illi more regio iusta magnifice fecerant, re-
 guli in unum convenerunt, ut inter se de negotiis
 cunctis desceptarent. Sed Hiempsal, qui minumus
 ex illis erat, natura ferox, etiam ante, ignobilita-
 tem Iugurthæ, quia materno genere impar erat, de-
 spiciens, dextera Atherbalem adfedit: ne medius ex
 tribus, quod & apud Numidas honori ducitur, Iu-
 gurtha foret. dein tamen, ut ætati concederet, fati-
 gatus a fratre, vix in partem alteram transductus
 est. Ibi cum multa de administrando imperio dis-
 fererent, Iugurtha inter alias res jacit, oportere
 quinquennii consulta, & decreta omnia rescindi:
 nam per ea tempora confectum annis Micipsa pa-
 rum animo valuisse. Tum idem Hiempsal placere
 sibi respondit: nam ipsum illum tribus his proxu-
 mis annis adoptione in regnum pervenisse. quod
 verbum in pectus Iugurthæ altius, quam quisquam
 ratus, descendit. itaque ex eo tempore ira, & metu
 anxius, moliri, parare, atque ea modo in animo ha-
 bere, quibus Hiempsal per dolum caperetur. quæ
 ubi tardius procedunt, neque lenitur animus fe-
 rox: statuit quovis modo inceptum perficere.
 Primo conventu, ab regulis quæ supra memoravi,
 propter dissensionem placuerat dividi thesauros, si-
 nisque imperii singulis constitui. itaque ad utram-
 que rem tempus decernitur, sed maturius ad pecu-
 niam distribuendam. reguli interea in loca propin-
 qua thesauris alius alio concessere. Sed Hiempsal
 in oppido Thirmida forte ejus utebatur domo, qui
 proximus lictor Iugurthæ, carus, acceptusque ei
 semper fuerat: quem ille casu ministrum oblatum
 promissis onerat, impellitque, uti tanquam suam
 domum visens eat: portarum claves adulterinas
 parat.

paret: nam veræ ad Hiempſalem referebantur: ceterum, ubi res postularet, ſe ipſum cum magna venturum manu. Numida mandata brevi conficit: atque, uti doctus erat, noctu Iugurthæ milites introducit. qui poſtquam in ædes irrupere; diverſi regem quærere: dormientis alios, alios occuſantis interficere: ſcrutari loca abdita: clauſa effringere: ſtrepitu & tumultu omnia miſcere: cum interim Hiempſal reperitur, occultas ſe tugurio mulieris ancillæ, quo initio pavidus, & ignarus loci profugerat. Numidæ caput ejus, uti juſſi erant, ad Iugurtham referunt. Ceterum fama tanti facinoris per omnem Africam brevi divulgatur: Atherbalem, omniſque, qui ſub Micipſæ imperio fuerant, metus invadit. In duas partis diſcedunt Numidæ: plures Atherbalem ſequuntur, ſed illum alterum bello meliores. Igitur Iugurtha quam maximas poteſt copias armat: urbis partim vi, alias voluntate imperio ſuo adjungit: omni Numidiæ imperare parat. At Atherbal, tametiſi Romanos legatos miſerat, qui ſenatum docerent de cæde fratris, & fortunis ſuis; tamen fretus multitudine militum, parabat armis contendere. ſed ubi res ad certamen venit, victus ex proelio profugit in provinciam, ac dehinc Romanam contendit. Tum Iugurtha, patratis conſiliis, poſtquam omni Numidia potiebatur, in otio facinus ſuum cum animo reputans, timere populum R. neque ad vorſus iram ejus uſquam, niſi in avaritia nobilitatis, & pecunia ſua, ſpem habere: itaque, paucis diebus, cum auro argentoque multos legatos Romanos mittit: quos præcipit, uti primis veteres amicos muneribus expleant: dein novos acquirant: poſtremo, quemcunque poſſint largiundo parare, ne cunctentur. Sed ubi Romanos legati venire, & ex præcepto regis hoſpitibus, aliisſque, quorum ea tempeſtate in ſenatu auctoritas pollebat, magna munera miſere: tanta commutatio inceſſit, uti ex maxima invidia in gratiam & favorem nobilitatis Iugurtha veniret. quorum pars ſpe, alii præmio inducti, ſingulos ex ſenatu ambiundo nitebantur, ne gravius in eum conſuleretur. igitur, ubi legati ſatis confidunt, die conſtituto ſenatus utriſque datur. tum Atherbalẽ hoc modo locutum accepimus. P. C. Micipſa Pater meus moriens mihi præcepit, uti regni Numidiæ tantummodo procuratorem exiſtumarem meam: ceterum juſ, & imperium

perium penes vos esse: simul eniterer domi militie-
 que quam maximo usui esse populo R. vos mihi
 cognatorum, vos in locum affinium ducerem: si
 ea fecissem, in vestra amicitia exercitum, divitias,
 munimenta regni me habiturum. Quæ præcepta
 patris mei cum agitarem; Iugurtha homo omni-
 um quos terra sustinet, sceleratissimus, contem-
 pto imperio vestro, Masinissæ me nepotem, utique
 ab stirpe focium atque amicum populi R. regno
 fortunisque omnibus expulit. Atque ego, P. C.
 quoniam eo miseriarum venturus eram, vellem,
 potius ob mea quam ob majorum meorum benefi-
 cia posse me à vobis auxilium petere; ac maxime
 deberi mihi beneficia à populo R. quibus non ege-
 rem; secundū ea si desideranda erāt uti debitis ute-
 rer. sed quoniam parum tuta per se ipsa probitas
 est, neq; mihi in manu fuit, Iugurtha qualis foret:
 ad vos confugi P. C. quibus quod mihi miserrimum
 est, cogor prius oneri, quam usui esse. Ceteri re-
 ges, aut bello victi in amicitiam à vobis recepti
 sunt, aut in suis dubiis rebus societatem vestram
 appetiverunt. familia nostra cum populo R. bello
 Carthaginensi amicitiam instituit, quo tempore
 magis fides ejus, quam fortuna petenda erat. Quo-
 rum progeniem vos, P. C. nolite pati me nepotem
 Masinissæ frustra à vobis auxilium petere. si ad im-
 petrandum nihil causæ haberem, præter miseran-
 dam fortunam; quod ante rex genere, fama atque
 copiis potens, nunc deformatus ærumnis, inops,
 alienas opes exspecto: tamen erat majestatis po-
 puli R. prohibere injuriam; neque pati, cujusquam
 regnum per scelus crescere. verum ego iis finibus
 reiectus sum, quos majoribus meis populus R. de-
 dit: inde pater, & avus meus una vobiscum expu-
 lere Syphacem, & Carthaginenses. Vestra beneficia
 mihi erepta sunt, P. C. vos in mea injuria despecti
 estis. Eheu me miserum! buccine Micipsa pater,
 beneficia tua evasere, ut quem tu parem cum libe-
 ris tuis, regniq; participem fecisti, is potissimum
 stirpis tuæ extinctor sit? nunquamne ergo fami-
 lia nostra quieta erit? semperne in sanguine, ferro,
 fuga versabimur? dum Carthaginenses incolumes
 suere, jure omnia sæva patiebamur. hostis ab la-
 zere: vos amici procul: spes omnis in armis erat.
 postquam illa pestis ex Africa ejecta est, lati pa-
 cem agitabamus; quippe, quæ hostis nullus erat,

nisi forte quem vos jussissetis. Ecce autem Iugurtha, intoleranda audacia, scelere, atque superbia sese efferens, fratre meo atque eodem propinquo suo interfecto, primum regnum ejus sceleris sui prædam fecit: post ubi me isdem dolis nequit capere, nihil minus quam vim aut bellum expectantem, in imperio vestro, sicuti videtis, extorrem patria, domo, inopem, & coopertum miseriis effecit, ut ubivis tutius quam in meo regno essem. Ego sic existumabam, P. C. uti prædicantem audiveram patrem meum; qui vestram amicitiam diligenter colerent, eos multum laborem suscipere, ceterum ex omnibus maxime tutos esse. quod in familia nostra fuit, præstitit, uti in omnibus bellis adesset vobis: nos uti per ocium tuti simus in manu vestra est, P. C. Pater nos duos fratres reliquit: tertium Iugurtham beneficiis suis ratus est nobis conjunctum fore. alter eorum necatus: alter ipse ego manus impias vix effugi. Quid agam? aut quo potissimum infelix accedam? generis præsidia omnia extincta sunt: pater uti necesse erat, naturæ concessit: fratri quem minime decuit, propinquus per scelus vitam eripuit: affinis, amicos, propinquos ceteros meos, alium alia clades oppressit: capti ab Iugurtha, pars in crucem acti, pars bestiis objecti sunt: pauci quibus relicta est anima, clausi in tenebris cum mœrore, & luctu, morte graviores vitam exigunt. Si omnia quæ aut amisi aut ex necessariis adversa facta sunt, incolumia manerent, tamen si quid ex improvise mali accidisset vos implorarem P. C. quibus pro magnitudine imperii, vis & injurias omnes, curæ esse decet. nunc vero exsul patria, domo, solus, atque omnium hominum nestarum rerum egēs, quos accedam, aut quos appellem? nationes ne an reges, qui omnes familiæ nostræ ob vestram amicitiam infesti sunt? an quocquam mihi adire licet, ubi non majorum meorum hostilia monumenta plurima sunt? an quisquam nostri misereri potest, qui aliquando vobis hostis fuit? Postremo Masinissa nos ita instituit, P. C. ne quem coleremus, nisi populum R. ne societates, ne foedera nova acciperemus: abunde magna præsidia nobis in vestra amicitia fore: si huic imperio fortuna mutaretur, una occidendum nobis esse. virtute ac diis volentibus, magui estis & opulenti: omnia secunda & obedientia sunt: quo facilius

fociorum injurias curare licet. tantum illud vereor, ne quos privata amicitia Iugurthæ, parum cognita, transvorfos agat: quos ego audio maxima ope niti, ambire, fatigare vos singulos, ne quid de absente, incognita causa, statutatis: fingere me verba, & fugam simulare, cui licuerit in regno manere. quod utinam illum, cujus impio facinore in has misérias projectus sum, eadem hæc simulantem videam: & aliquando aut apud vos, aut apud deos immortalis rerum humanarum cura oriatur: ut ille, qui nunc sceleribus suis ferox atque præclarus est, omnibus malis excruciatu impietatis in partem nostrum, fratris mei necis, mearumque miserrimarum gravis poenas reddat. Iamjam frater animo meo carissime, quamquam tibi immatro, & unde minime decuit, vita erepta est, tamen lætandum magis, quam dolendum puto casum tuum. non enim regnum, sed fugam, exilium, egestatem, & has omnis, quæ me premunt, ærumnas cum anima simul amisisti. at ego infelix in tanta mala præcipitatus, pulsus ex patrio regno, rerum humanarum spectaculum præbeo: incertus quid agam, tuas ne injurias persequar, ipse auxilii egens, an regno consulam, cujus vitæ, necisque potestas ex opibus alienis pendet. utinam, emori, fortunis meis honestus exitus esset: ne vivere contemptus viderer, si defessus malis injuriæ concessissem. Nunc quoniam neque vivere lubet, neque mori licet sine dedecore, P. C. per vos, per liberos, atque parentes vestros, per majestatem populi R. subvenite misero mihi: ite obviam injuriæ: nolite pati regnum Numidiæ, quod vestrum est, per scelus, & sanguinem familiæ nostræ tabescere. Postquam rex finem loquendi fecit, legati Iugurthæ largitione magis, quam causa freti, paucis respondent: Hiempsalem, ob sævitiam suam, ab Numidis interfectum: Atherbalem ultro bellum inferentem, postquam superatus sit, queri, quod injuriam facere nequisset: Iugurtham ab senatu petere, ne se alium putarent, ac Numantiæ cognitus esset: neu verba inimici ante facta sua ponerent. deinde utrique curia egrediuntur. senatus statim consulitur: fautores legatorum, præterea magna pars gratia depravata, Atherbalis dicta contemnere: Iugurthæ virtutem laudibus extollere: gratia, voce, denique omnibus modis pro alieno scelere, & flagitio, sua quasi pro gloria

gloria, nitebantur. at contra pauci, quibus bonum
 & æquum divitiis carius erat, subveniendum At-
 herballi, & Hiempfalidis mortem severe vindicandā
 censebant. sed ex omnibus maxime Æmilius Scau-
 rus, homo nobilis, impiger, factiosus, avidus po-
 tentiæ, honoris, divitiarum; ceterum vitia sua calli-
 de occultans: is postquam videt regis largitionem
 famosam, impudentemque, veritus, quod in tali re
 solet, ne polluta licentia invidiam accenderet, a-
 nimum a consueta lubricine continuit. vicit tamen
 in senatu pars illa, quæ vero pretium aut gratiam
 anteferebat. decretum fit, uti decem legati re-
 gnum, quod Micipsa obtinuerat, inter Iugurtham,
 & Atherbalem dividerent. cuius legationis prin-
 ceptus fuit L. Opimius, homo clarus, & tum in se-
 natu potens, quia consul, C. Graccho & M. Ful-
 vio interfectis, acerrime vindictam nobilitatis in
 plebem exercuerat. eum Iugurtha, tametsi Romæ
 in amicis habuerat, tamen curatissime recepit:
 dando, & pollicendo multa, perfecit, uti fama,
 fide, postremo omnibus suis rebus commodum re-
 gis anteferret. reliquos legatos eadem via aggres-
 sus, plerosque capit: paucis carior fides, quam
 pecunia fuit. In divisione, quæ pars Numidiæ
 Mauritaniæ attingit, agro virisque opulentior,
 Iugurthæ traditur: illam alteram, specie, quam n-
 su, potiore, quæ portuosior, & ædificiis mag-
 exornata erat, Atherbal possedit. Res postulat
 videtur Africæ finem paucis exponere, & eas ge-
 tis, quibus cum nobis bellum aut amicitia fuit
 attingere. sed quæ loca, & nationes ob calorem
 aut asperitatem, item solitudines minus frequen-
 tata sunt, de iis haud facile compertum narrave-
 rim: cetera quam paucissimis absolvam.

In divisione orbis terræ plerique in parte tertia
 Africam posuere: pauci, tantummodo Asiani, &
 Europam esse; sed Africam in Europa. ea finis
 habet ab occidente, fretum nostri maris, & Ocea-
 ni: ab ortu solis declivem latitudinem: quem lo-
 cum Catabathmon incolæ appellant. mare sæ-
 vum, importuosum: ager frugum fertilis, bonus
 pecori, arbori infecundus: cælo, terraque pænu-
 ria aquarum: genus hominum salubri corpore, ve-
 lox, patiens laborum: plerosque senectus dissolvit,
 nisi qui ferro, aut a bestiis interiere. nam morbus
 haud sæpe quemquam superat. ad hoc, malefici ge-

neris plurima animalia. Sed qui mortales initio Africam habuerint, quique postea accesserint, aut quo modo inter se permixti sint; quamquam ab ea fama, quæ plerisque obtinet, diversum est; tamen uti ex libris Punicis, qui regis Hiempsalis dicebantur, interpretatum nobis est; utique rem sese habere cultores ejus terræ putant; quam paucissimis dicā. ceterū fides ejus rei penes auctores erit. Africā initio habuere Gætuli, & Libyes, asperi, inculti; quæque; quibus erant caro ferina, atque; humi pabulū, uti pecoribus. hi neque moribus, neque lege, aut imperio cujusquam regebantur: vagi, palantes, quas nox coegerat, sedes habebant. Sed postquam in Hispania Hercules, sicuti Afri putant, interiit: exercitus ejus compositus ex gentibus variis, amisso duce, ac passim multis sibi quisque imperium petentibus, brevi dilabitur. ex eo numero Medii, Persæ, & Armenii, navibus in Africam transvecti, proximos nostro mari locos occupavere. sed Persæ intra Oceanum magis: hique alveos navium inversos pro tuguriis habuere: quia neque materia in agris, neque ab Hispanis emundi, aut mutandi copia erat. mare magnum, & ignara lingua commercia prohibebant. hi paullatim per connubia Gætulos secum miscuere: & quia sæpe tentantes agros, alia, deinde alia loca petiverant, semet ipsi Numidas appellavere. Ceterum adhuc ædificia Numidarum agrestium, quæ mapalia illi vocant, oblonga, incurvis lateribus tecta, quasi navium carinæ sunt. Medis autem, & Armeniis accessere Libyes. nam hi propius mare Africum agitabant: Gætuli sub sole magis, haud procul ab ardoribus: hique mature oppida habuere. nam freto divisi ab Hispania mutare res inter se instituerant. nomen eorum paullatim Libyes corrumpere, barbara lingua Mauros pro medis appellantes. Sed res Persarum brevi adolevit: ac postea domo Numidæ, propter multitudinem, à parentibus digressi, possidere ea loca, quæ proxima Carthaginē Numidia appellatur. deinde utrique; alteris freti finitimos armis, aut metu sub imperium suum coegere; nomen gloriamque; sibi addidere; magis hi, qui ad nostrum mare processerant: quia Libyes, quam Gætuli, minus bellicosi: denique Africae pars inferior pleraque ab Numidis possessa est: victi omnes in gentem nostramque; imperantium concessere. Postea Phœnices,

alii multitudinis domi minuendæ gratia, pars imperii cupidine sollicitata plebe, & aliis novarum rerum avidis, Hipponem, Adrimetum, Leptim, aliasque urbis in ora maritima condidere: eæque brevem multum auctæ, pars originibus suis præsidio, aliæ decori fuere. nam de Carthagine filere melius puto, quam parum dicere: quoniam alio properare tempus monet. Igitur ad Catabathmon, qui locus Ægyptum ab Africa dividit, secundo mari prima Cyrene est, colonia Thereon, ac deinceps duæ Syrtes, interque eas Leptis: deinde Philenonare: quem locum Ægyptum versus finem imperii habuere Carthaginienſes: post aliæ Punicæ urbes. cetera loca usque ad Mauritaniam Numidæ tenent. proxime Hispaniam Mauri sunt. super Numidiam Gætulos accepimus, partim in tuguriis, alios incultius vagos agitare. post eos Æthiopas esse: dein loca exusta solis ardoribus. Igitur bello Jugurthino pleraque ex Punicis oppida, & finis Carthaginienſium, quos novissime habuerant, populus R. per magistratus administrabat: Gætulorum magna pars, & Numidæ ad flumen usque Mulucha sub Jugurtha erant: Mauris omnibus rex Bocchus imperitabat, præter nomen cætera ignarus populi R. itemque nobis neque bello, neque pace antea cognitus. De Africa, & ejus incolis, ad necessitudinem rei satis dictum. Postquam diviso regno legati Africa decessere; & Jugurtha contra timorem animi præmia sceleris adeptum sese videt; certum tuis, quod ex amicis apud Numantiam acceperant, omnia Romæ venalia esse; simul & illorum pollutionibus accensus, quos paullo ante muneribus expleverat, in regnum Atherbalis animum interdit. ipse acer, bellicosus: at is, quem petebat, quietus, imbellis, placido ingenio, opportunus injuriæ, metuens magis, quam metuendus. Igitur ex improviso finis ejus cum magna manu invadit: multos mortalis cum pecore, atque alia præda capit: ædificia incendit: pleraque hostiliter loca cum equitatu accedit. deinde cum omni multitudine in regnum suum convertit, existumans dolore permotum Atherbalē injurias suas manu vindicaturum, eamque rem belli causam fore. at ille quod neque se parem armis existumabat, & amicitia populi R. magis, quam Numidis, fretus erat; legatos ad Jugurtham de injuriis questum misit: qui tamen

contumeliosa dicta retulerant, prius tamen omnia pati decrevit, quam bellum sumere: quia tentatum antea secus cesserat. neque eo magis cupido Iugurthæ minuebatur: quippe qui totum ejus regnum animo jam invaserat. itaque non, uti antea, cum prædatoria manu, sed magno exercitu comparato, bellum gerere coepit, & aperte totius Numidiæ imperium petere. ceterum, qua pergebat, urbis, agros vastare, prædas agere; suis animum, hostibus terrorem augere. Atherbal ubi intelligit eo processum, uti regnum aut relinquendum esset, aut armis retinendum, necessario copias parat, & Iugurthæ obvius procedit. interim haud longe a mari prope Cirtam oppidum utriusque confedit exercitus: & quia diei extremum erat, proelium non inceptum; sed ubi plerumque noctis processit, obscuro etiam tum lumine, milites Iugurthini, signo dato, castra hostium invadunt; semisomnos partim, alios arma fumentes fugant, funduntque. Atherbal cum paucis equitibus Cirtam profugit: & ni multitudo togatorum fuisset, quæ Numidas insequentes moenibus prohibuit, uno die inter duos reges coeptum, atque patratum foret bellum. Igitur Iugurtha oppidum circumfedit: vineis, turribusque, & machinis omnium generum expugnare aggreditur: maxime festinans tempus legatorum antecapere, quos ante proelium factum Romam ab Atherbale missos audiverat. Sed postquam senatus de bello eorum accepit, tres adolescentes in Africam legantur; qui ambos reges adeant. S. P. Q. R. verbis nuncient, velle, & censere eos ab armis discedere: ita seque, illisque dignum esse. Legati in Africam maturantes veniunt, eo magis, quod Romæ, dum proficisci parant, de proelio facto, & oppugnatione Cirtæ audiebatur. sed is rumor clemens erat. Quorum Iugurtha accepta oratione respondit: sibi neque majus quidquam, neq; carius auctoritate senatus esse: ab adolescentia sua ita se enisum, ut ab optimo quoque probaretur: virtute, non malitia, P. Scipioni, summo viro, placuisse: ob easdem artis a Micipsa, non pænuria liberorum, in regnum adoptatum esse: ceterum, quo plura bene, atque strenue fecisset, eo animum suum injuriam minus tolerare: Atherbalem dolis vitæ suæ insidiatum: quod ubi comperisset, sceleri obviam isse: populum R. neque recte, neque pro bono factu-

rum, si ab jure gentium sese prohibuerit : postremo, de omnibus rebus legatos Romam brevi missurum. ita utrique digrediuntur. Atherbalis appellandi copia non fuit. Iugurtha ubi eos Africa decessisse ratus est, neque propter loci naturam Cirtam armis expugnare potest; vallo, atq; fossa moenia circumdat : turris exstruit, easque praesidiis firmat : praeterea dies, noctesque, aut per vim, aut dolis tentare : defensoribus moenium praemia modo, modo formidinem ostentare : suos hortando ad virtutem arrigere : prorsus intentus cuncta parare. Atherbal ubi intellegit omnis fortunas suas in extremo sitas, hostem infestum, auxilii spem nullam, paenuria rerum necessarium bellum trahi non posse; ex iis, qui una Cirtam profugerant, duos maxime impigros delegit : eos, multa pollicendo, ac miserando casum suum, confirmat, uti per hostium munitiones noctu ad proximum mare, dein Romam pergerent. Numidae paucis diebus iussa efficiunt : litterae Atherbalis in senatu recitatae; quarum sententia haec fuit. NON mea culpa saepe ad vos oratum mitto P. C. sed vis Iugurthae subigit : quem tanta lubido me extinguendi invasit, ut neq; vos, neque deos immortalis in animo habeat; sanguinem meum, quam omnia, malit. itaque quintum jam mensem socius & amicus populi R. armis obsessus teneor : neque mihi Micipsae patris mei beneficia, neque vestra decreta auxiliantur : ferro, an fame acrius urgear, incertus sum. Plura de Iugurtha scribere dehortatur me fortuna mea : etiam antea perturbus sum, parum fidei miseris esse. nisi tamen lego illum, supra quam ego sum, petere, neq; amicitiam vestram, & regnum meum sperare, gravius existimet, nemini occultum est. nam tunc occidit Hiempsalem fratrem meum : deinde trio regno me expulit. quae sane fuerint nostrae iuriae, nihil ad vos. verum nunc regnum vestrum armis tenet : me, quem vos imperatorem Numidis posuistis, clausum tenet atque obsidet : legatorum verba quanti fecerit, pericula mea declarant. quid est reliquum, nisi vis vestra, quo moveri possit : nam ego quidem vellem, & haec quae scribo, & illa quae antea in senatu questus sum, vana forent potius, quam miseria mea fidem verbis faceret. sed quoniam eo natus sum, ut Iugurthae scelerum ostentui essem : non jam mortem, neque arripas, tam-

tummodo inimici imperium, & cruciatus corporis deprecor. regno Numidiæ, quod vestrum est, uti libet, consulite: me ex manibus impiis eripite, per majestatem imperii, per amicitiae fidem; si ulla apud vos memoria remanet avi mei Masinissæ. His litteris recitatis,, fuere qui exercitum in Africam mittendum censerent, & quamprimum Atherbali subveniendum: de Iugurtha interim uti consuleretur, quoniam legatis non paruisset. sed ab isdem illis regis fautoribus summa ope enisum, ne tale decretum fieret. ita bonum publicum, uti in plerisque negotiis solet, privata gratia devictum. legantur tamen in Africam majores natu nobiles, amplius honoribus usi: in quibus fuit M. Scaurus, de quo supra memoravimus, consularis, & tum senatus princeps. hi quod in invidia reserat, simul & à Numidis obsecrati, triduo navim ascendere; dein brevi Uticam adpulsi, litteras ad Iugurtham mittunt, quam ocissime ad provinciam accedat; se ad eum ab senatu missos. Ille ubi accepit homines claros, quorum auctoritatem Romæ pollere audierat, contra inceptum suum venisse: primo commotus metu, atque lubricine, diversus agitabatur. timebat iram senatus, ni paruisset legatis: porro animus cupidine cæcus ad inceptum scelus rapiēbat. vicit tamen in avido ingenio pravum consilium. Igitur, exercitu circumdato summa vi Cirtā irrumpere nititur, maxime sperans, diducta manu hostium aut vi, aut dolis sese casum victoriae inventurum. quod ubi secus procedit, neque quod intenderat, efficere potest, uti prius, quam legatos conveniret, Atherbali potiretur; ne amplius morando, Scaurum, quem plurimum metuebat, incenderet, cum paucis equitibus in provinciam venit. ac tametsi senatus verbis minæ graves nunciabantur, quod ab oppugnatione non desisteret: multa tamen oratione consumpta, legati frustra discessere. Ea postquam Cirtæ audita sunt, Italici, quorum virtute moenia defensabantur, confisi, deditione facta, propter magnitudinem populi R. inviolatos sese fore, Atherbali suadent, uti seque, & oppidum Iugurthæ tradat: tantum ab eo vitam paciscatur: de ceteris senatui curæ fore. at ille, tametsi omnia potiora fide Iugurthæ rebatur; tamen quia penes eosdē, si adversaretur, cogendi potestas erat, ita, uti censuerant Italici deditionem fecit. igitur

igitur Iugurtha in primis Atherbalem excruciatum
 necat: dein omnis puberes Numidas, atque nego-
 tiatores promiscue, uti quisque armatis obvius fu-
 erut, interfecit. quod postquam Romæ cognitum
 est, & res in senatu agitari coepta: illi idem mini-
 stri regis interpellando, ac sæpe gratia, interdum
 iurgiis trahendo tempus, atrocitatem facti lenie-
 bant. ac ni C. Memmius, tribunus pl. designatus,
 vir acer, & infestus potentiae nobilitatis, populum
 R. edocuisset id agi, uti per paucos factiosos Iu-
 gurthæ scelus condonaretur: profecto omnis invi-
 dia, prolatandis consulationibus, dilapsa foret.
 tanta vis gratiæ, atque pecuniæ regis erat. Sed ubi
 senatus delicti conscientia populum timet: lege Sé-
 pronia provinciæ futuris consulibus Numidia, at-
 quæ Italia decretæ: consules declarati P. Scipio
 Nasica, L. Bestia Calpurnius: Calpurnio Numidia,
 Scipioni Italia obvenit: dein exercitus, qui in A-
 fricam portaretur, scribitur: stipendiū, aliaque, quæ
 bello usui forent, decernuntur. At Iugurtha, con-
 tra spem nuncio accepto, quippe cui Romæ omnia
 venire, in animo hæserat; filium, & cum eo duos
 familiaris ad senatum legatos mittit; iisque uti il-
 lis, quos Hiempsale interfecto miserat, præcipit
 omnis mortalis pecunia aggrediantur. qui post-
 quam Romam adventabant; senatus à Bestia co-
 sultus est, placeretne legatos Iugurthæ recipi me-
 nibus: iique decrevere, ni regnum, ipsumque
 ditum venissent, uti in diebus proxumis decē Ita-
 lia decederent. consul Numidis ex senatus decre-
 nunciare jubet: illi infectis rebus ita domū reve-
 runt. Interim Calpurnius, parato exercitu, legat-
 bi homines nobiles, factiosos, quorum auctoritate
 quæ deliquisset, munita fore sperabat: in quīs fuit
 Scaurus, cuius de natura, & habitu supra memora-
 vimus, nam in consule nostro multæ bonæque ar-
 tes animi, & corporis erant: quas omnis avaritia
 præpediebat. patiens laborum, acri ingenio, satis
 providens, belli haud ignarus, firmissimus contra
 pericula, & insidias. Sed legionis per Italian Rhe-
 giū, atque inde Siciliam; porro ex Sicilia in Africā
 transvectæ. Igitur Calpurnius, initio, paratis com-
 meatibus, acriter Numidiam ingressus est; multos-
 que mortalis, & urbis aliquot pugnando cepit. Sed
 ubi Iugurtha per legatos pecunia tentare, bellique
 quod administrabat, asperitatem ostendere coepit:

animus æger avaritia facile conversus est. ceterum
 socius, & administer omnium consiliorum assumi-
 tur Scaurus : qui tametsi a principio, plerisque ex
 factione ejus corruptis, acerrume regem impugna-
 verat; tamen, magnitudine pecuniæ, a bono hone-
 stoque in pravum abstractus est. Sed Jugurtha pri-
 mum tantummodo belli moram redimebat, existu-
 mans sese aliquid interim Romæ pretio, aut gratia
 effecturum : postea vero quam participem negotii
 Scaurum accepit, in maximam spem adductus re-
 cuperandæ pacis, statuit cum eis de omnibus pa-
 ctionibus præsens agere. Ceterum interea fidei
 causa mittitur a consule Sextius quæstor in oppi-
 dum Jugurthæ Vaccam : cujus rei species erat ac-
 ceptio frumenti, quod Calpurnius palam legatis
 imperaverat: quoniam deditionis mora induciæ a-
 gitabantur. Igitur rex, uti constituerat, in castra
 venit : ac pauca præsentis consilio locutus de iuvi-
 dia facti sui, atque uti in deditionem acciperetur,
 reliqua cum Bestia, & Scauro secreta transegit:
 dein postero die, quasi per saturam sententiis ex-
 quisitis, in deditionem accipitur. sed, uti pro con-
 silio imperatum erat, elephantis xxx. pecus, atque
 equi multi, cum non parvo argenti pondere, quæ-
 stori traduntur. Calpurnius Roman ad magistrat-
 us rogandos proficiscitur. in Numidia & exercitu
 nostro pax agitabatur. Postquam res in Africa ge-
 stas, quoquo modo actæ forent, fama divulgavit;
 Romæ per omnis locos, & conventus de facto con-
 sulis agitari : apud plebem gravis invidia : patres
 solliciti erant : probarentne tantum flagitium, an
 decretum consulis subverterent, parum constabat.
 ac maxime eos potentia Scauri, quod is auctor &
 socius Bestiæ ferebatur, a vero bonoque impedia-
 bat. At C. Memmius, cujus de libertate ingenii,
 & odio potentiæ nobilitatis supra diximus, inter
 dubitationem & moras senatus, concionibus po-
 pulum ad vindicandum hortari: monere, ne reip.
 ne libertatem suam desererent : multa superba,
 crudelia facinora nobilitatis ostendere: prorsus in-
 tentus omni modo plebis animum accendebat. Sed
 quoniam ea tempestate Romæ Memnii facundia
 clara pollensque fuit; decere existumavi unam ex
 tam multis orationem ejus perscribere. ac potissu-
 mum ea dicam, quæ in concione post reditum Be-
 stiæ hujuscemodi verbis disseruit. **M V L T A** me
 dehor-

dehortantur a vobis, Quirites, ni studium reip. omnia superet; opes factionis, vestra patientia, jus nullum; ac maxime, quod innocentiae plus periculi, quam honoris est. nam illa quidem piget dicere, his annis xv. quam ludibrio fueritis superbiae paucorum; quam foede, quamque inulti perierint vestri defensores; uti vobis animus ab ignavia, atque socordia corruptus sit: qui ne nunc quidem, obnoxiiis inimicis, exsurgitis; atque etiam nunc timetis eos, quibus decet terrori esse. sed quamquam haec talia sunt: tamen, obviam ire factionis potentiae, amicus subigit. certe ego libertatem, quae mihi a parente meo tradita est, experiar: verum id frustra, an ob rem faciam, in vestra manu situm est, Quirites. Neque ego vos hortor, quod saepe majores nostri fecere, uti contra injurias armati eatis. nihil vi, nihil secessione opus est: necesse est, suomet ipsi more praecipites eant. Occiso Ti. Graccho, quem regnum parare ajebant, in plebem Romanam quaestiones graves habitae sunt. post C. Gracchi, & M. Fulvii caedem, item ordinis vestri multi mortales in carcere necati sunt. utriusque cladis non lex, verum libido eorum finem fecit. Sed sane fuerit regni paratio, plebi sua restituere; quidquid sine sanguine civium ulcisci nequitur, jure factum sit. Superioribus annis taciti indignamini aerarium expilari; reges, & populos liberos paucis nobilibus vestigal pendere; penes eadem & summam gloriam, & maximas divitias se: tamen haec talia facinora impune suscepimus: itaque postremo leges, majestas vestra, divina, & humana omnia hostibus tradita sunt. neque eos, qui ea fecere, pudet, aut poenitet: sed incedunt per ora vestra magnifice, sacerdotia, & consulatus, pars triumphos suos ostentantes: perinde quasi ea honori, non praedae, habeant. servi aere parati injusta imperia dominorum non perferunt: vos, Quirites, in imperio nati, aequo animo servitutem toleratis? At qui sunt hi, qui remp. occupavere? homines sceleratissimi, cruentis manibus, immani avaritia, nocentissimi, iidemque superbissimi, quibus fides, decus, pietas, postremo honesta, atque inhonesta omnia quaestui sunt. Pars eorum, occidisse tribunos pl. alii quaestiones injustas, plerique caedem in vos fecisse, pro munimento habent. ita, quam quisque pessime fecit, tam

maxi-

maxime tutus est ; metum a scelere suo ad igna-
viam vestrā transtulere: quos omnis, eadem cupere,
eadem odisse, eadem metuere in unum coëgit. sed
hæc inter bonos amicitia, inter malos factio est.
quod si vos tantam libertatis curam haberetis, quā
illi ad dominationem accensi sunt; profecto neque
resp: sicuti nunc, vastaretur; & beneficia vestra pe-
nes optimos, non audacissimos, forent. Majores
vestri parandi juris, & majestatis constituendę gra-
tia, bis per secessionem armati Aventinum occupa-
vere: vos pro libertate, quam ab illis accepistis,
nonne summa ope nitimini? atque eo vehementi-
us, quo majus dedecus est, parva amittere, quam o-
mnino non paravisse? Dicet aliquis, quid igitur?
censes vindicandum in eos, qui hosti prodidere
remp.? non manu, neque vi; quod magis, vos fe-
cisse, quam illis accidisse, indignum est; verum
quæstionibus, indicio ipsius Ingurthę, qui si dediti-
cius est; profecto jussis vestris obediens erit: sin ea
contemnit; scilicet existumabitis, qualis illa pax,
aut deditio sit, ex qua ad Ingurtham scelerum im-
punitas, ad paucos potentis maxumę divitię, in
remp. damna, atque dedecora pervenerint. Nisi for-
te nondum etiam vos dominationis eorum satietas
tenet: & illa, quam hæc tempora, magis placent,
cum regna, provincię, legis, jura, judicia, bella, at-
que paces; postremo divina, & humana omnia pe-
nes paucos erant: vos autem, hoc est, P. R. invicti
ab hostibus, imperatores omnium gentium, satis
habebatis animam retinere. nam servitutem quidē
quis vestrum audebat recusare? Atque ego tametsi
viro flagitiosissimum existumo impune injuriam
accepisse; tamen, vos hominibus sceleratissimis
ignoscere, quoniam cives sunt, æquo animo pate-
rer, ni misericordia in perniciem casura esset. nam
& illis, quantum importunitatis habēt, parum est
impune male fecisse, nisi deinde faciundi licentia
eripitur, & vobis æterna sollicitudo remanebit, cū
intellegitis aut serviendum esse, aut per manus li-
bertatem retinendam. Nam fidei quidem, aut con-
cordiæ quæ spes est? Dominari illi volunt, vos li-
beri esse: facere illi injurias, vos prohibere: postre-
mo sociis vestris velati hostibus, hostibus pro sociis
utuntur. potestne in tam divorfis mentibus pax,
aut amicitia esse? Quare moveo, hortorque vos,

ne tantum scelus impunitum dimittatis. non pe-
 culatus ærarii factus est : neque per vim fociis e-
 reptæ pecuniæ : quæ quamquam gravia sunt, ta-
 men consuetudine jam pro nihilo habentur. hosti
 acerrumo prodita senatus auctoritas, proditum im-
 perium vestrum : domi, militiæque resp. venalis
 fuit. quæ nisi quæsitæ erunt, nisi vindicatum in no-
 xios, quid erit reliquum, nisi ut illis, qui ea fece-
 re, obediētes vivamus? nam impune quælibet fa-
 cere, id est regem esse. Neque ego vos, Quirites,
 hortor, uti jam malitis civis vestros perperam,
 quam recte, fecisse; sed ne, ignoscendo malis, bo-
 nos perditum eatis : ad hoc, in rep. multo præstat,
 beneficii, quam maleficii, immemorem esse. bo-
 nus tantummodo segnior fit, ubi negligas : at ma-
 lus improbior. ad hoc, si injuriæ non sint, hand
 sæpe auxilii egeas. Hæc, atque alia hujuscemodî
 sæpe dicundo, C. Memmius populo R. persua-
 det, uti L. Cassius, qui tum prætor erat, ad lu-
 gurtham mitteretur : eumque, interposita fide
 publica, Romam duceret, quo facilius indicio
 regis, Scauri, & reliquorum, quos pecuniæ captæ
 arcescebant, delicta patefierent. Dum hæc Romæ
 geruntur, qui in Numidia relictî ab Bestia exerci-
 tui præerant, secuti morem imperatoris sui, pluri-
 ma, & flagitiosissima facinora fecere. fuere, qui
 auro corrupti, elephantos Iugurthæ traderent; alii
 perfugas venderent : pars ex pacatis prædas ag-
 bant. tanta vis avaritiæ in animos eorum, velu-
 tabes, invaserat. At Cassius prætor, perlata rog-
 tione a C. Memmio, ac perculsa omni nobilitate
 ad Iugurtham proficiscitur : eique timido, & e-
 conscientia diffidenti rebus suis, persuadet, quoni-
 am se populo R. dedidisset, ne vim, quam miseri-
 cordiam ejus, experiri malit : privatim præterea
 fidem suam interponit, quam ille non minoris,
 quam publicam ducebat : talis ea tempestate fa-
 ma de Cassio erat. Igitur Iugurtha, contra de-
 cus regium, cultu quam maxime miserabili, Ro-
 mam venit. Ac tamen in ipso magna vis animi
 erat, confirmatus ab omnibus, quorum potentia aut
 scelere cuncta ea gesserat, quæ supra memoravi-
 mus, C. Bæbium tribunum pl. magna merce-
 de parat, cujus impudentia contra jus, & inju-
 rias omnis munitus foret. Ac C. Memmius advo-
 cata concione; quamquam regi infesta plebes,
 erat,

erat, & pars in vincula duci iubebat, pars, ni socios sceleris aperiret, more majorum de hoste supplicium sumi; dignitati magis, quam iræ confusens, sedare motus, & animos eorum mollire; postremo confirmare, fidem publicam per sese inviolatam fore. post, ubi silentium coepit, producto Iugurtha, verba facit: Romæ, Numidiæque facinora ejus memorat; scelera in patrem, fratresque ostendit: quibus juvantibus, quibusque ministris ea egerit, quamquam intelligat populus R. tamen vellem manifesta magis ex illo habere: si verum aperiat, in fide, & clementia populi R. magnam spem illi sitam: sin reticeat, non sociis saluti fore, sed se suasque spes corrupturum. Dein, ubi Memmius dicendi finem fecit, & Iugurtha respondere jussus est, C. Bæbius tribunus pl. quem pecunia corruptum supra diximus, regem tacere jubet: ac, tametsi multitudo, quæ in concione aderat, vehementer accensa, terrebat eum clamore, vultu, sæpe impetu, atque aliis omnibus, quæ ira fieri amat; vicit tamen impudentia. ita populus, ludibrio habitus, ex concione discedit: Iugurthæ Bestiæque, & ceteris, quos illa quæstio exagitabat, animi au-gescunt. Erat ea tempestate Romæ Numida quidam, nomine Massiva, Gulussæ filius, Masinissæ nepos: qui, quia in dissensione regum, Iugurthæ adversus fuerat, dedita Cirta, & Atherbale interfecto, profugus ex Africa abierat. huic Sp. Albinus, qui proximo anno post Bestiam cum Qu. Minucio Rufo consulatum gerebat, persuadet, quoniam ex stirpe Masinissæ sit, Iugurtham ob scelera invidia cum metu urgeat, regnum Numidiæ ab senatu petat. Avidus consul belli gerundi, moveri, quam senescere, omnia malebat. ipsi provincia Numidia, Minucio Macedonia evenerat. Quæ postquā Massiva agitare coepit: neque Iugurthæ in amicis satis præsidii est; quod eorum alium conscientia, alium mala fama, & timor animi impediēbat: Bomilcari proximo, ac maxime fido sibi, imperat, pretio, sicuti multa confecerat, insidiatores Massivæ paret, ac maxime occulte: sin id parum procedat, quovis modo Numidam interficiat. Bomilcar mature regis mandata exsequitur: & per homines talis negotii artifices, itinera, egressusque ejus, postremo loca, atque tempora cuncta explorat: dein, ubi res postulabat, insidias tendit

tendit. igitur unus ex eo numero, qui ad cædem
 parati erant, paullo inconsultius Massivam aggre-
 ditur, illum obruncat: sed ipse deprehensus, mul-
 tis hortantibus, & in primis Albino consule, indi-
 cium proficitur. fit reus magis ex æquo bonoque,
 quam ex jure gentium Bomilcar, comes ejus, qui
 Romam fide publica venerat. At Jugurtha, manife-
 stus tanti sceleris, non prius omisit contra verum
 niti, quam animadvortit, super gratiam, atque pe-
 cuniam suam, invidiam facti esse. igitur quamquam
 in priore actione ex amicis quinquaginta vades
 dederat, regno magis quam vadibus consulens, clā
 in Numidiam Bomilcarem dimittit, veritus, ne re-
 liquos popularis metus invaderet parendi sibi, si de
 illo supplicium sumptum foret. & ipse paucis die-
 bus eodem profectus est, jussus à senatu Italia de-
 cedere. sed postquam Roma egressus est, fertur, sæpe
 tacitus eo respiciens, postremo dixisse, Urbem ve-
 nalem, & mature perituram, si emptorem invene-
 rit. Interim Albinus, renovato bello, comneatum,
 stipendium, aliaque, quæ militibus usui forent,
 maturat in Africam portare; ac statim ipse profe-
 ctus, uti ante comitia, quod tempus haud longe
 aberat, armis, aut deditioe, aut quovis modo
 bellum conficeret. At contra Jugurtha trahere om-
 nia, & alias, deinde alias moræ causas facere
 polliceri deditioem, ac deinde metum simulare,
 instanti cedere, & paullo post, ne sui diffiderent
 instare: ita belli modo, modo pacis mora consule
 ludificare. Ac fuere, qui tum Albinum haud igno-
 rum consilii regis existumarent; neque ex tantæ
 properantia tam facile tractum bellum socordi-
 magis, quam dolo crederent. Sed postquam, dilap-
 so tempore, comitiorum dies adventabant: Albi-
 nus, Aulo fratre in castris proprætore relicto, Ro-
 mam decessit. Ea tempestate Romæ seditionibus
 tribuniciis atrociter resp. agitabatur. P. Lucullus,
 & L. Annius, tribuni pleb. resistentibus collegis,
 continuare magistratum nitebantur: quæ dissensio
 totius anni comitia impediēbat. Ea mora in spem
 adductus Aulus, quem proprætorem in castris reli-
 ctum supra diximus, aut conficiundi belli, aut ter-
 rore exercitus ab rege pecuniæ capiundæ, milites
 mense Ianuario ex hibernis in expeditionem evo-
 cat; magnisque itineribus hieme aspera perve-
 nit ad oppidum Suthul, ubi regis thesauri erant.

E

quod

quod quamquam, & sævitia temporis, & opportunitate loci, neque capi, neque obsideri poterat: (nam circum murum situm in prærupti montis extremo planicies limosa hiemalibus aquis paludem fecerat) tamen, aut simulandi gratia, quo regi formidinem adderet; aut cupidine cæcus, ob thesauros, oppidi potiundi, vineas agere, aggerem jacere, aliaque, quæ incepto usui forent, propere. At Iugurtha, cognita vanitate atque imperitia legati, subdolus ejus augere amentiam: missitare supplicantes legatos: ipse, quasi vitabundus, per saltuosa loca, & tramites, exercitum ducere. denique Aulum spe pactiois perpulit, uti, relicto Suthule, in abditas regiones sese, veluti cedentem, insequeretur; ita delicta occultiora fieri. interea per homines callidos diu, noctuque exercitum tentabat: centuriones, ducesque turmarum partim, uti transfugerent, corrumpere; alii, signo dato, locum uti defererent. quæ postquam ex sententia instruxit; intempesta nocte de improvviso multitudine Numidarum Auli castra circumvenit. milites Romani perculsi tumultu insolito, arma capere alii; alii se abdere: pars territos confirmare: trepidare: omnibus locis vis magna hostium: cælum nocte, atque nubibus obscuratum: periculum anceps: postremo, fugere, an manere, tutius foret, in incerto erat. sed ex eo numero, quos paullo ante corruptos diximus, cohors una Ligurum, cum duabus turmis Thracum, & paucis gregariis militibus, transiere ad regem: & centurio primi pili tertiæ legionis per munitionem, quam, uti defenderet, acceperat, locum hostibus introeundi dedit: eaque Numidæ cuncti irrupere. nostri foeda fuga, plerique abjectis armis, proximum collem occupavere. nox, atque præda castrorum, hostis, quo minus victoria uterentur, remorata sunt. dein Iugurtha postero die cum Aulo in colloquio verba facit: tametsi ipsum cum exercitu fame, ferroque clausum tenet, tamen se memorem rerum humanarum, si secum foedus faceret, incolumis omnis sub jugum missurum: præterea, uti diebus decem Numidia decederet. Quæ gravia quamquam, & flagitii plena erant: tamen, quia mortis metu mutabant, sicuti regi lubuerat, pax convenit. Sed, ubi ea Romæ comperta sunt; metus atque incror civitatem invadere: pars dolere pro gloria

gloria imperii : pars insolita rerum bellicarum timere libertati : Aulo omnes infesti , ac maxime qui bello sæpe præclari fuerant, quod armatus dedecore potius , quam manu , salutem quæfiverit, Ob ea consul Albinus , ex delicto fratris invidiam, ac deinde periculum timens , senatum de fodere consulebat: & tamen interim exercitui supplementum scribere : ab fociis & nomine Latino auxilia accersere; demique omnibus modis festinare : senatus ita , uti par fuerat, decernit , suo atque populû injussu nullum potuisse foedus fieri. consul impeditus à tribunis pl. ne quas paraverat copias secum portaret , paucis diebus in Africam proficiscitur. nam omnis exercitus, uti convenerat, Numidia deductus in provincia hiemabat. Postquam eo venit; quamquam persequi Iugurtham , & mederi fraternæ invidiæ animo ardebat; cognitis militibus, quos præter fugam, soluto imperio, licentia, atque lascivia corruerat , ex copia rerum statuit , sibi nihil agendum . Interea Romæ Mamilius Limeranus Tr. pl. rogationē ad populum promulgat, uti quæreretur in eos , quorum consilio Iugurtha senatû decreta neglexisset; quique ab eo in legationibus, aut imperiis pecunias acceperant; qui elephantos, quique perfugas tradidissent; item, qui de pace, aut bello cum hostibus pactiones fecissent. Hinc rogationi partim conscii sibi , alii ex partium invidia pericula metuentes , quoniam aperte resistere non poterant, quin illa , & alia talia placere sibi faterentur, occulte per amicos, ac maxime per homines nominis Latini, & socios Italicos impedimenta parabant. sed plebes , incredibile memoratu est, quantum intentata fuerit, quantaque vi rogationem jussit, decreverit, voluerit , magis odio nobilitatis, cui mala illa parabantur, quam cura reip. tanta lubido in partibus erat. Igitur, ceteris metu percussis , M. Scaurus , quem legatum Bestiæ fuisse supra memoravimus, inter letitiam plebis, & suorum fugam, trepida etiā tum civitate, cum ex Mamiliana rogatione tres quæsitores rogarentur, effecerat, uti ipse in eo numero crearetur. sed, quæstione exercita aspere , violenterque ex rumore, & lubidine plebis , ut sæpe nobilitatem, sic ea tempestate plebem ex secundis rebus insolentia ceperat. Ceterum mos partium popularium, & senatus factionum, ac deinde omnium malarum artium, paucis ante annis

Romæ ortus est, otio atque abundantia earum rerum, quæ prima mortales ducunt. nam ante Carthaginem deletam, populus, & senatus R. placide modesteque inter se remp. tractabant: neque gloriæ, neque dominationis certamen inter civis erat: metus hostilis in bonis artibus civitatem retinebat. sed ubi formido illa mentibus decessit, ilicet ea, quæ secundæ res amant, lascivia, atq; superbia incellere. ita quod in adversis rebus optaverant, otium postquam adepti sunt, asperius, acerbiusque fuit. namque cœpere nobilitas dignitatem, populus libertatem in lubricum vertere: sibi quisque ducere, trahere, rapere. ita omnia in duas partis abstracta sunt. resp. quæ media fuerat, dilacerata. ceterum nobilitas factione magis pollebat: plebis vis soluta, atque in multitudinem dispersa, minus poterat. paucorum arbitrio belli, domique agitabatur: penes eosdem ærarium, provinciæ, magistratus, gloriæ, triumphique erant: populus militia, atque inopia urgebatur; prædas bellicas imperatores cum paucis diripiebant. Interea parentes, aut parvi liberi militum, uti quisque potentiori confinis erat, sedibus pellebantur. ita cum potentia avaritia sine modo modestiaque invadere, polluere, & vastare omnia: nihil pensi, neque sancti habere, quoad semet ipsa præcipitavit. nam ubi primum ex nobilitate reperti sunt, qui veram gloriam injustæ potentiæ anteponerent: moveri civitas, & dissensio civilis, quasi permixtio terræ, oriri cœpit. Nam postquam Tiberius, & C. Gracchus, quorum majores Punico, atque aliis bellis multum reip. addiderant, vindicare plebem in libertatem, & paucorum scelera patefacere cœpere: nobilitas noxia, atque eo perculsa, modo per socios, & nomen Latium, interdum per equites Romanos, quos spes societatis à plebe dimoverat, Gracchorum actionibus obviam ierat: & primo Tiberium, dein paucos post annos eadem ingredientem Cajum, Tribun. pl. alterum, alterum triumvirum coloniis deducendis, cum M. Fulvio Flacco ferro necaverat. & sane Gracchis cupidine victoriæ haud satis animus moderatus fuit. sed bono vinci satius est, quam malo more injuriam vincere. Igitur ea victoria nobilitatis ex lubricum sua usa, mortalis multos ferro aut fuga extinxit: plusque in reliquam sibi timoris, quam potentiæ, addidit: quæ res

res

malo olem

nobilitas a nobilitate

- c - - - c

populi quod a populi quod

malo olem malo olem

malo olem malo olem

res plerumque magnas civitates pessum dedit: dum alteri alteros vincere quovis modo, & victos acerbius ulcisci volunt. Sed de studiis partium, & omnibus civitatis moribus si singillatim, aut pro magnitudine parem differere: tempus, quam res, maturius deferet. quamobrem ad inceptum redeo. Post Auli foedus, exercitusque nostri fugam foedam, Metellus, & Silanus consules designati, provincias inter se partiverant: Metelloque Numidia evenerat, acri viro, & quanquam adverso populi partibus, fama tamen æquabili, & inviolata. is ubi primum magistratum ingressus est, alia omnia sibi cum collega ratus, ad bellum, quod gesturus erat, animum intendit. igitur diffidens veteri exercitui, milites scribere, præsidia undique accerere, arma, tela, equos, & cetera instrumenta militiæ parare, ad hoc commearum affatim, denique omnia, quæ in bello vario, & rerum multarum egenti, usui esse solent. Ceterum ad ea patranda senatus auctoritate, focii, nomenque Latinum, & reges ultro auxilia mittendo, postremo omnis civitas summo studio adnitebatur. itaque, ex sententia omnibus rebus paratis, compositisque, in Numidiam proficiscitur, magna spe civium, cum propter artis bonas, tum maxime quod adversum divitias invictum animum gerebat: & avaritia magistratum ante id tempus in Numidia nostræ operæ contusæ, hostiumque auctæ erant. sed, ubi in Africam venit, exercitus ei traditur à Sp. Albino proconsule, iners, imbellis, neque periculi, neque laboris patiens, lingua, quam manu promptior, prædator ex fociiis, & ipse præda hostium, sine imperio, & modestia habuit. ita imperatori novo plus ex malis moribus sollicitudinis, quam ex copia militum auxilii, aut bonæ spei, accedebat. Statuit tamen Metellus, quanquam & æstivorum tempus comitiorum mora imminuerat: & exspectatione eventus, civium animos intentos putabat: non prius bellum attingere, quam majorum disciplina milites laborare coegisset. nam Albinus, Auli fratris, exercitusque clade perculsus, postquam decreverat non egredi provincia, quantum temporis æstivorum in imperio fuit, plerumque milites in stativis castris habebat; nisi cum odos, aut pabuli egestas locum mutare subegerat. sed neque more militari vigiliæ ducebantur: uti cuique libebat, ab

signis aberat. lixæ permisti cum militibus diu,
nocturne vagabantur: & palantes agros vastare,
villas expugnare, pecoris, & mancipiorum prædas
certantes agere: eaque mutare cum mercatoribus
vino advecticio, & aliis talibus: præterea, frumen-
tum publice datum vendere, panem in dies merca-
ri: postremo, quæcunque dici, aut fingi queunt ig-
naviæ, luxuriæque probra, in illo exercitu cuncta
fuerunt, & alia amplius. sed in ea difficultate Metel-
lus non minus, quam in rebus hostilibus, magnum
& sapientem virum fuisse comperior: tanta tempe-
rantia inter ambitionem, sevitiæque moderatum:
namque edicto primo adjumenta ignaviæ sustu-
lisse, ne quisquam in castris panem, aut quem ali-
um cibum coctum venderet: ne lixæ exercitum se-
querentur: ne miles gregarius in castris, neve in
agmine servum, aut jumentum haberet: ceteris arte
modum statuisse: præterea transvorsis itineribus
quotidie castra movere: juxta ac si hostes adessent,
vallo atque fossa munire: vigilias crebras ponere,
& eas ipse cum legatis circuire: item in agmine
in primis modo, modo in postremis, sæpe in medio
adesse, ne quisquam ordine egrederetur: uti cum
signis frequentes incederent, miles cibum, & arma
portaret. ita prohibendo à delictis magis, quam
vindicans, exercitum brevi confirmavit. Interea
Iugurtha ubi, quæ Metellus agebat, ex nunciis ac-
cepit; simul de innocentia ejus certior Roma fa-
ctus, diffidere suis rebus, ac tum demum veram de-
ditionem facere conatus est. igitur legatos ad con-
sulem cum suppliciis mittit, qui tantummodo ipsi,
liberisque vitam peterent, alia omnia dederent
populo R. Sed Metello jam antea experimentis
cognitum erat, genus Numidarum infidum, inge-
nio mobili, novarum rerum avidum esse. itaque
legatos alium ab alio diversos aggreditur: ac paul-
latim tentando, postquam opportunos sibi cogno-
vit, multa pollicendo persuadet, uti Iugurtham
maxime vivum, sin id parum procedat, necatum
sibi traderent: ceterum palam, quæ ex voluntate
forent, regi nunciari jubet. dein ipse paucis diebus
intento atque infesto exercitu in Numidiam pro-
cedit: ubi contra belli faciem, tuguria plena homi-
num, pecora, cultoresque in agris erant: ex oppi-
dis, & mapalibus, præfecti regis obviam procede-
bant, parati frumentum dare, commeatum por-
tare,

fare, postremo omnia, quæ imperarentur, facere.
 neque Metellus iccirco minus, sed pariter ac si ho-
 stes adessent, munito agmine incedere, late explo-
 rare omnia, illa deditiois signa ostentui credere,
 & insidiis locum tentare. itaque ipse cum expedi-
 tis cohortibus, item funditorum & sagittariorum
 delecta manu apud primos erat: in postremo C.
 Marius legatus cum equitibus curabat: in utrum-
 que latus equites auxiliosos tribunis legionum, &
 præfectis cohortium dispertiverat: ut cum his per-
 mixti velites, quocunque accederent, equitatus ho-
 stium propulsarent. nam in Iugurtha tantus dolus,
 tantaque peritia locorum, & militiæ erat, ut ab-
 sens an præsens, pacem an bellum gerens pernicio-
 fior esset, in incerto haberetur. Erat haud longe
 ab eo itinere, quo Metellus pergebat oppidum Nu-
 midarum, nomine Vacca, forum rerum venalium
 totius regni maxime celebratum; ubi & incolere,
 & mercari consueverant Italici generis multi
 mortales. huc consul, simul tentandi gratia, & si
 paterentur opportunitates loci, præsidium impo-
 suit: præterea imperavit frumentum & alia quæ
 bello usui forent, comportare: ratus id, quod res
 monebat, frequentiam negotiatorum, & commea-
 tum juvaturum exercitum, & jam paratis rebus
 munimento fore. Inter hæc negotia Iugurtha in-
 pensius modo legatos supplices mittere, pacem
 rare: præter suam liberorumque vitam, omnia
 Metello dedere. quos item, uti priores, consul
 lectos ad proditionem domum mittebat: regi
 cem, quam postulabat, neque abnuere, neque p-
 liceri, & inter eas moras promissa legatorum
 pectare. Iugurtha ubi Metelli dicta cum fac-
 composuit, ac suis se artibus tentari animadvertit,
 quippe cui verbis pax nunciabatur, ceterum re
 bellum asperrum erat, urbs maxuma alienata,
 ager hostibus cognitus, animi popularium tentati;
 coactus rerum necessitudine, statuit armis certare.
 igitur, explorato hostium itinere, in spem victoriæ
 adductus, ex opportunitate loci, quam maxumas
 potest, copias omnium generum parat, ac per tra-
 mites occultos exercitum Metelli antevenit. E-
 rat in ea parte Numidiæ, quam Atherbal in divi-
 sione possederat, flumen oriens à meridie nomine
 Muthul: à quo aberat mons ferme millia passu-
 um xx. tractu pari, vastus ab natura, & huma-

no cultu : sed ex eo medio quasi collis oriebatur in immensum pertinens, vestitus oleastro, ac myrris, aliisque generibus arborum, quæ humi arido, atque arenoso gignuntur. media autem planities deserta, pænuria aquæ, præter fluminis propinqua loca. ea consita arbutis, pecore atque cultoribus frequentabatur. igitur in eo colle, quem transverso itinere porrectum docuimus, Iugurtha extenuata suorum acie confedit : elephantis, & parti copiarum pedestrium Bomilcarem præfecit ; eumque edocet, quæ ageret : ipse propior montem cum omni equitatu, & peditibus delectis suos collocat : dein singulas turmas, & manipulos circueiens monet, atque obtestatur, uti memores pristinae virtutis, & victoriae, sese, regnumque suum ab Romanorum avaritia defendant : cum his certamen fore, quos antea victos sub jugum miserint : ducem illis, non animum mutatum : quæ ab imperatore decuerint, omnia suis provisâ : locum superiorē, uti prudentes cum imperitis, ne pauciores cum pluribus, aut rudes cum bello melioribus manum conferrerent : proinde parati, intentique essent, signo dato, Romanos invadere : illum diem aut omnis labores, & victorias confirmaturum, aut maxumarum ærumnarum initium fore. ad hoc viritum, uti quemque ob militare facinus pecunia, aut honore extulerat, commonefacere beneficii sui, & eum ipsum aliis ostentare ; postremo, pro cuiusque ingenio pollicendo, munitaudo, obtestando, alium alio modo excitare : cum interim Metellus, ignarus hostium, monte degrediens cum exercitu conspiciatur. primo dubius, quidnam insolita facies ostenderet : (nam inter virgulta equi, Numidæque confederant, neque plane occultati humilitate arborum, & tamen incerti quidnam esset, cum natura loci, tum dolo ipsi, atque signa militaria, obscurati) dein, brevi cognitis insidiis, paullisper agmen constitit. ibi commutatis ordinibus, in dextro latere, quod proximum hostis erat, triplicibus subsidiis aciem instruxit : inter manipulos funditores, & sagittarios dispertit : equitatum omnem in cornibus locat ; ac pauca pro tempore milites hortatus, aciem, sicuti instruxerat, transversis principiis in planum deducit. Sed, ubi Numidas quietos, neque colle degredi animadvertit, veritus ex anni tempore, & inopia aquæ, ne siti conficeretur

exerci-

exercitus, Rutilium legatum cum expeditis cohortibus, & parte equitum præmisit ad flumen, uti locum castris ante caperet: existumans hostes crebro impetu, & transvorsis proeliis iter suum remoruros, & quoniam armis diffiderent, lassitudinem & sitim militum tentaturos. dein ipse pro re, atque loco, sicuti monte descenderat, paullatim procedere: Marium post principia habere: ipse cum sinistrae alæ equitibus esse, qui in agmine principes facti erant. At Ingurtha, ubi extremum agmen Metelli primos suos prætergressum videt, præsidio quasi duum millium peditum montem occupat, qua Metellus descenderat: ne forte cedentibus adversariis receptui, ac post munimento foret: dein, repente signo dato, hostis invadit. Numidæ alii postremos cedere: pars à sinistra, ac dextera tentare: infensi adesse, atque instare; omnibus locis Romanorum ordines conturbare. quorum etiam qui firmioribus animis obvii hostibus fuerant, ludificati incerto prælio ipsi modo eminus sauciabantur, neque contra feriendi aut conferendi manum copia erat. ante jam docti ab Ingurtha equites, ubicunque Romanorum turma insequi coeperat, non confertim, neque in unum sese recipiebant, sed alius alio quam maxime divorsi. ita numero priores, si à persequendo hostes detertere nequiverant, disiectos ab tergo, aut lateribus circumveniebant: sin opportunior fugæ collis, quam capi fuerant; eo vero consueti Numidarum equi facile inter virgulta evadere; nostros asperitas, & insolentia loci retinebat. ceterum facies totius negotii varia, incerta, foeda, atque miserabilis. dispersi a suis, pars cedere, alii insequi: neque signa neque ordines observare: ubi quemque periculum ceperat, ibi resistere, ac propulsare: arma, tela, equi, viri, hostes, cives permixti: nihil consilio, neque imperio agi: fors omnia regere. itaque multum diei processerat, cum etiam tum eventus incerto erat. denique omnibus labore, & actu languidis, Metellus, ubi videt Numidas minus instare, paullatim milites in unum conducit: ordines restituit, & cohortes legionarias quattuor adversum pedites hostium collocat. eorum magna pars superioribus locis fessa confederat. simul orare, hortari milites, ne deficerent, neu paterentur hostes fugientis vincere: neque castra esse, neque illis

munimentum ullum, quo cedentes tenderent: in armis omnia sita. Sed nec Iugurtha quidem interea quietus erat; circuire, hortari, renovare proelium, & ipse cum delectis tentare omnia: subvenire suis, hostibus dubiis instare, quos firmos cognoverat, eminus pugnando retinere. Eo modo duo imperatores, summi viri, inter se certabant: ipsi pares, ceterum opibus disparibus. nam Metello virtus militum erat, locus adversus: Iugurthæ alia omnia, præter milites, opportuna. Denique Romani, ubi intelligunt neque sibi profugium esse, neque ab hoste copiam pugnandi fieri; & jam die vesper erat, adverso colle, sicuti præceptum fuerat, evadunt. amisso loco Numidæ fusi, fugatique, pauci interiere: plerisque velocitas, & regio hostibus ignara, tuta sunt. Interea Bomilcar, quem elephantis, & parti copiarum pedestriū præfectum ab Iugurtha supra diximus, ubi eum Rutilius prætergressus est, paullatim suos in æquum locum deducit: ac dum legatus ad flumen, quo præmissus erat, festinans pergit, quietus uti res postulabat, aciem exornat: neque remittit, quid ubique hostis ageret, explorare. Postquam Rutilium confedissem jam, & animo vacuum accepit, simulque ex Iugurthæ proelio clamorem augeri, veritus ne legatus cognita re, laborantibus suis auxilio foret, aciem quam diffidens virtuti militum arte statuerat, quo hostium itineri officeret, latius porrigit; eoque modo ad Rutilii castra procedit. Romani ex improvviso pulveris vim magnam animadvertunt. nam prospectum ager arbutis confitus prohibebat. & primo rati humum aridam vento agitari: post ubi æquabilem manere, & sicuti acies movebatur, magis magisque appropinquare vident; cognita re poperantes arma capiunt, ac pro castris, sicuti imperabatur, consistunt. dein, ubi propius ventum est, utrimque magno clamore concurrunt. Numidæ tantummodo remorati, dum in elephantis auxilium putant, postquam eos impeditos ramis arborum, atque ita disiectos circumvenire vident, fugam faciunt: ac plerique, abjectis armis, collis, aut noctis, quæ jam aderat, auxilio integri abeunt. elephantum quatuor capri, reliqui omnes numero quadraginta interfecti. At Romani quamquam itinere, atque opere castrorum, & proelio fessi, lassique erant; tamen quod Metellus amplius
opinionis

opinione morabatur, instructi intentique obviam
 procedunt. nam dolus Numidarum nihil languidi,
 neque remissi patiebatur. ac primo obscura no-
 cte, postquam haud procul inter se erant, strepitu,
 veluti hostes adventarent, alteri apud alteros for-
 midinem simul, & tumultum facere: & pæne im-
 prudentia admissum facinus miserabile, ni utrin-
 que præmissi equites rem exploravissent. igitur
 pro metu gaudium exortum. milites alius alium
 læri appellant, acta edocent, atque audiunt: sua
 quisque fortia facta ad cælum fert. quippe res hu-
 manæ ita sese habent: in victoria vel ignavis glo-
 riari licet. adversæ res etiam bonos detrectant. Me-
 tellus in isdem castris quattriduo moratus, faucios
 cum cura reficit, meritos in proeliis more militiæ
 donat, universos in concione laudat, atque agit
 gratias: hortatur ad cetera quæ levia sunt, parem
 animum gerant: pro victoria satis jam pugnatum,
 reliquos labores pro præda fore. tamen interim
 transfugas, & alios opportunos, Iugurtha ubi gen-
 tium, aut quid agitarer, cum paucisne esset, an ex-
 ercitus haberet, ut sese victus gereret, exploratum
 misit. At ille sese in loca saltuosa, & natura mu-
 nita receperat: ibique cogebat exercitum numero
 hominum ampliorem, sed hebetem, infirmumque,
 agri ac pecoris magis quam belli cultorem. id ea
 gratia eveniebat, quod præter equites regiones nemo
 omnium Numida ex fuga regem sequitur: quo cu-
 jusque animus fert, eo discedunt: neque id flagiti-
 um militiæ ducitur. ita se mores habent. Igitur
 Metellus ubi videt etiam tum regis animum fero-
 cem esse; bellum renovari, quod nisi ex illius lubi-
 dine geri non posset; præterea iniquum certamen
 sibi cum hostibus; minore detrimento illos vinci,
 quam suos vincere: statuit non proeliis neque a-
 cie sed alio more bellum gerendum. itaque in
 loca Numidiæ opulentissima pergit: agros vastat:
 multa castella, & oppida, temere munita, aut sine
 præsidio capit incenditque: puberes interfici ju-
 ber, alia omnia militum præda esse. ea formidine
 multi mortales Romanis dediti obsides: frumen-
 tum & alia quæ usui forent, affatim præbita:
 ubicunque res postulabat, præsidium impositum.
 Quæ negotia multo magis, quam proelium ma-
 le pugnatum ab suis, regem terrebant. quippe cu-
 jus spes omnis in fuga sita erat, sequi cogeбatur; &

qui sua loca defendere nequiverat, in alienis bellum gerere. tamen ex inopia, quod optimum videbatur, consilium capit: exercitum plerumque in iisdem locis operiri jubet: ipse cum delectis equitibus Metellum sequitur: nocturnis, & aviis itineribus ignoratis, Romanos palantis repente aggreditur. eorum plerique inermes cadunt, multi capiuntur: nemo omnium intactus profugit: & Numidæ, prius quam ex castris subvenirentur, sicuti iussi erant, in proximos collis discedunt. Interim Romæ gaudium ingens ortum cognitis Metelli rebus: ut seque, & exercitum more majorum gereret; in adverso loco victor tamen virtute fuisset; hostium agro potiretur; Jugurtham, magnificum ex Auli socordia, spem salutis in solitudine, aut fuga coegisset habere. itaque senatus, ob ea feliciter acta, diis immortalibus supplicia decernere: civitas trepida antea, sollicita de belli eventu, læta agere: de Metello fama præclara esse. Igitur eo intentior ad victoriam niti: omnibus modis festinare: cavere tamen, necubi hosti opportunus fieret: meminisse post gloriam invidiam sequi. ita, quo clarior, eo magis anxius erat: neque post insidias Jugurthæ effuso exercitu prædari. ubi frumento, aut pabulo opus erat, cohortes cum omni equitatu præsidium agitabant: exercitus partem ipse, reliquos Marius ducebat. sed igne magis, quam præda, ager vastabatur. duobus locis haud longe inter se castra faciebant. ubi vi opus erat, cuncti aderant: ceterum, quo fuga, atque formido latius cresceret, divorsi agebant. Eo tempore Jugurtha per collis sequi: tempus, aut locum pugnae quærere: qua venturum hostem audierat, pabulum, & aquarum fontis, quorum pænuria erat, corrumpere: modo se Metello, interdum Mario ostendere; postremos in agmine tentare, ac statim in collis regredi: rursus aliis, post aliis minitari: neque proelium facere, neque otium pati, tantummodo hostem ab incepto retinere. Romanus imperator ubi se dolis fatigari videt, neque ab hoste copiam pugnandi fieri; urbem magnam, & in ea parte, qua sita erat, arcem regni, nomine Zamam, statuit oppugnare; ratus id, quod negotium poscebat, Jugurtham laborantibus suis auxilio venturum, ibique proelium fore. At ille, quæ parabantur, à perfugis edoctus, magnis itineribus Metellum antevenit: oppidanos hortat-

hortatur, moenia defendant, additis auxilio per-
 fugis: quod genus ex copiis regis, quia fallere ue-
 quibat, firmissimum erat. præterea pollicetur, in
 tempore semet cum exercitu affore. ita compo-
 sitis rebus in loca quam maxime occulta discedit;
 ac paullo post cognoscit, Marium ex itinere fru-
 mentatum cum paucis cohortibus Siccam missum.
 quod oppidum primum omnium post malam pug-
 nam ab rege defecerat. eo cum delectis equitibus
 noctu pergit, & jam egredientibus Romanis in
 porta pugnam facit: simul magna voce Siccenses
 hortatur, uti cohortes ab tergo circumveniant:
 fortunam illis præclari facinoris casum dare: si id
 fecerint, postea sese in regno, illos in libertate sine
 metu ætatem acturos. ac ni Marius signa inferre,
 atque evadere oppido properavisset, profecto cun-
 cti, aut magna pars Siccensium, fidem mutavissent.
 tanta mobilitate sese Numidæ gerunt. sed milites
 Iugurthini paullisper ab rege sustentati, postquam
 maiore vi hostes urgent, paucis amissis profugi
 discedunt. Marius ad Zamam pervenit. id oppi-
 dum in campo situm, magis opere, quam natura
 munitum erat, nullius idoneæ rei egens, armis vi-
 risque opulentum. igitur Metellus, pro tempore,
 atque loco paratis rebus, cuncta moenia exercitu
 circumvenit: legatis imperat, ubi quisque curaret.
 dein, signo dato, undique simul clamor ingens ori-
 tur. neque ea res Numidas terret; infensi, intenti-
 que sine tumultu manent: proelium incipitur. Ro-
 mani pro ingenio quisque, pars eminus glande, aut
 lapidibus pugnare: evadere alii, alii succedere, ac
 murum modo suffodere, modo scalis aggredi; cupere
 proelium manibus facere. Contra ea oppidani in
 proximos saxa volvere, fudes, pila, præterea pice
 & sulphure tela ardentia mittere. sed ne illos
 quidem, qui procul manserant, timor animi satis
 muniverat. nam plerisque jacula, tormentis, aut
 manu emissa, vulnerabant: parique periculo, sed
 fama impari, boni atque ignavi erant. Dum apud
 Zamam sic certatur, Iugurtha ex improvviso ca-
 stra hostium cum magna manu invadit: remissis,
 qui in præsidio erant, & omnia magis, quam proe-
 lium, expectantibus, portam irrumpit. at nostri,
 repentino metu perculsi, sibi quisque pro mori-
 bus consulunt: alii fugere, alii arina capere:
 magna pars vulnerati, aut occisi, ceterum ex
 omni

omni multitudine non amplius quadraginta memores nominis Romani, grege facto locum capere paullo, quam alii, editiorem: neque inde maxima vi depelli quiverunt. sed tela eminus missa remittere, pauci in pluribus minus frustrati: sin Numidæ propius accessissent, ibi vero virtutem ostendere, & eos maxima vi cedere, fundere, atque fugare. Interim Metellus, cum acerrume rem gereret, clamorem & tumultum hostilem à tergo accepit: dein, converso equo, animadvortit fugam ad se vorsum fieri. quæ res indicat popularis esse. igitur equitatum omnem ad castra propere mittit, ac statim C. Marium cum cohortibus sociorum; eumque lacrumans per amicitiam, perque reimp. obsecrat, ne quam contumeliam remanere in exercitu victore, neve hostes inultos abire sinat. ille brevi mandata efficit. Ac Iugurtha munimento castrorum impeditus, cum alii super vallum præcipitarentur, alii in angustiis ipsi sibi properantes officerent, multis amissis in loca munita sese recipit. Metellus infecto negotio, postquam nox aderat, in castra cum exercitu revortitur. Igitur postero die, prius quam ad oppugnandum egredere-tur, equitatum omnem in ea parte, qua regis adventus erat, pro castris agitare jubet: portas, & proxima loca tribunis dispertit: dein ipse pergit ad oppidum, atq; uti superiore die, murum aggreditur. Interim Iugurtha ex occulto repente nostros invadit. qui in primo locati fuerant, paulisper territi perturbantur: reliqui cito subveniunt. neque diutius Numidæ resistere quivissent, ni pedites cum equitibus permixti magnam cladem in congressu facerent: quibus illi freti, non uti equestri proelio solet, sequi, dein cedere, sed advorsis equis concurrere, implicare, ac perturbare aciem: ita expeditis peditibus suis, hostis pæne victos dare. Eodem tempore apud Zamam magna vi certabatur. ubi quisque legatus, aut tribunus curabat, eo acerrume niti, neque alius in alio magis, quam in sese, spem habere: pariterq; oppidani agere, pugnare, aut parare omnibus locis: avidius alteri alteros fauciare, quam semet tegere. clamor permixtus, hortatione, lætitia, gemitu: item strepitus armorum ad cælum ferri: tela utrimque volare. sed illi, qui moenia defensabant, ubi hostes paullulum modo pugnam remiserant, intenti proclium

proelium equestre prospectabant. eos, uti quæque
 Iugurthæ res erant, lætos modo, modo pavidos a-
 nimadverteres : ac sicuti audiri à suis, aut cerni
 possent, monere alii, alii hortari, aut manu signi-
 ficari, aut niti corporibus : huc & illuc, quasi vi-
 tabundi, aut jacentes tela, agitare. Quod ubi Ma-
 rio cognitum est (nam is in ea parte curabat)
 consulto lenius agere, ac diffidentiam rei simula-
 re: pati Numidas sine tumultu regis proelium vise-
 re. ita, illis studio suorum adstrictis, repente mag-
 na vi murum aggreditur : & jam scalis egressi mi-
 lites propè summa ceperant, cum oppidani con-
 currunt, lapides, igne, alia præterea tela ingerunt.
 nostri primo resistere : dein ubi unæ atque alteræ
 scalæ comminutæ: qui supersteterant afflicti sunt:
 ceteri quo quisque modo potuere, pauci integri,
 magna pars confecti vulneribus abeunt. deinde u-
 trimque proelium nox diremit. Metellus postquam
 videt frustra inceptum; neque oppidum capi, ne-
 que Iugurtham, nisi ex insidiis, aut suo loco pu-
 gnare facere; & jam æstatem exactam esse; ab Za-
 ma discedit; & in iis urbibus, quæ ab se defece-
 rant, satisque munitæ loco, aut moenibus erant,
 præsidia imponit, ceterum exercitum in provinci-
 am, quæ proxima est Numidiæ, hiemandi gratia
 collocat. neque id tempus ex aliorum more quie-
 ti, aut luxuriæ concedit; sed quoniam armis bel-
 lum parum procedebat, insidias regi per amicos
 tendere, & eorum perfidia pro armis uti parat. igitur
 Bomilcarem, qui Romæ cum Iugurtha fuerat,
 & inde clam, vadibus datis, de Massivæ nece, ju-
 dicium fugerat, quod ei per maxumam amicitiam
 maxuma copia fallendi erat, multis pollicitatio-
 nibus aggreditur : ac primo efficit, uti ad se col-
 loquendi gratia occultus veniat : dein fide data si
 Iugurtham vivum, aut necatum sibi tradidisset, fore,
 ut illi senatus impunitatē, & sua omnia cōcederet,
 facile Numidæ persuadet, cum ingenio infido, tum
 metuenti, ne si pax cū Romanis fieret, ipse per cō-
 ditiones ad supplicium traderetur. is, ubi primum
 opportunum fuit, Iugurtham animum, ac miseran-
 tem fortunas suas accedit: monet atque lacrumans
 obtestatur, uti aliquando sibi, liberisque, & genti
 Numidarum optime merenti, provideat : omni-
 bus proeliis sese victos, agrum vastatum, multos
 mortalis captos, occisos, regni opes cōminutas esse:

satis

fatis sæpe jam & virtutem militum, & fortunam tentatam: caveat, ne illo cunctante, Numidæ sibi consulant. his, atque talibus aliis ad deditio- nem regis animum impellit. mittuntur ad impera- torē legati, qui Iugurtham imperata facturum di- cerent, ac sine ulla pactione sese, regnumque suum in illius fidem tradere. Metellus propere cunctos senatorii ordinis ex hibernis accersiri jubet: eo- rum, atque aliorum, quos idoneos ducebat, consi- lium habet. ita more majorum, ex consilii decre- to, per legatos Iugurthæ imperat, argenti pondo ducenta millia, elephantos omnis, equorum, & ar- morum aliquantum. Quæ postquam sine mora fa- cta sunt, jubet perfugas omnis vinctos adduci. eo- rum magna pars, uti jussum erat, adducti: pauci, cum primum deditio coepit, ad Regem Bocchum in Mauritaniam abierant. Igitur Iugurtha, ubi ar- mis, virisque, & pecunia spoliatus est, cum ipse ad imperandum Tisidium vocaretur, rursus coepit flectere animum suum, & ex mala conscientia dig- na timere. denique, multis diebus per dubitatio- nem consumptis, cum modo tædio rerum adversa- rum omnia bello potiora duceret; interdum secum ipse reputaret, quam gravis casus in servitium ex regno foret; multis, magnisque præsidis nequi- quam perditis, de integro bellum sumit. & Romæ senatus, de provinciis consultus, Numidiam Metel- lo decreverat. Per idem tempus Vucæ forte C. Ma- rio, per hostias diis supplicanti, magna, atque mi- rabilia portendi haruspex dixerat: proinde, quæ animo agitabat, fretus diis ageret fortunam quam sæpissime experiretur: cuncta prospere eventura. at illum jam antea consulatus ingens cupido exa- gitabat: ad quem capiundum, præter vetustatem familiæ, alia omnia abunde erant; industria, probi- tas, militiæ magna scientia, animus belli ingens, domi modicus, libidinis, & divitiarum victor, tan- tummodo gloriæ avidus. sed is natus, & omnem pueritiam Arpini altus, ubi primum ætas militiæ patiens fuit, stipendiis faciundis, non Græca fa- cundia, neque urbanis munditiis sese exercuit: ita inter artis bonas integrum ingeniū brevi adolevit. ergo ubi primum tribunatū a populo petit, pleris- que faciē ejus ignorantibus facile notus per omnis tribus declaratur. deinde ab eo magistratu, alium post alium sibi peperit; semperq; in potestatibus eo-
modo

modo agitabar, ut ampliore, quam gerebat, dignus haberetur. tamen is ad id locorum talis vir (nam postea ambitione præceps datus est) consulatum appetere non audebat. etiam tum alios magistratus plebes, consulatum nobilitas inter se per manus tradebat. novus nemo tam clarus, neque tam egregiis factis erat, quin is indignus illo honore, & quasi pollutus haberetur. igitur, ubi Marius haruspicis dicta eodem intendere videt, quo cupido animi hortabatur; ab Metello petundi gratia missionem rogar: cui quamquam virtus, gloria, atque alia optanda bonis superabant, tamen inerat contemptor animus, & superbia, commune nobilitatis malum. itaque primum commotus insolita re, mirari ejus consilium, & quasi per amicitiam monere, ne tam prava inciperet, neu super fortunam animum gereret: non omnia omnibus cupienda esse: debere illi res suas satis placere: postremo caveret id petere a populo R. quod illi jure negaretur. Postquam hæc, atque alia talia dixit, neque animus Marii flectitur; respondit, ubi primum potuisset per negotia publica, facturum sese, quæ peteret. ac postea sæpius eadem postulanti fertur dixisse, ne festinaret abire: satis mature illum cum filio suo consulatum petiturum. is eo tempore contubernio patriæ ibidem militabat, annos natus circiter xx. quæ res Marium cum pro honore, quem affectabat, tum contra Metellum vehementer accenderat. ita cupidine, atque ira pessumis consultoribus, grassari: neque facto ullo, neque dicto abstinere, quod modo ambiciosum foret: milites, quibus in hibernis præerat, laxiore imperio, quam antea, habere: apud negotiatores, quorum magna multitudo Uricæ erat, criminose simul & magnifice de bello loqui: dimidia pars exercitus sibi permitteretur; paucis diebus Iugurtham in catenis habiturum: ab imperatore consulto trahi, quod homo inanis, & superbiæ regię, imperio nimis gauderet. quæ omnia illis eo firmiora videbantur, quod diuturnitate belli res familiaris corruperat: & animo cupienti nihil satis festinatur. Erat præterea in exercitu nostro Numida quidam, nomine Gauda, Mastanabalus filius, Masinissæ nepos, quem Micipsa testamento heredem secundum scripserat, morbis confectus, & ob eam causam mente pallulum imminuta, cui Metellus petenti more regum, mi sel-

iam juxta poneret, item postea custodiæ causa
 turmam equitum Romanorum, utrumque negave-
 rat: honorem, quod eorum modo foret, quos po-
 pulus R. reges appellavisset: præsidium, quod
 contumeliosum in eos foret, si equites Romani, sa-
 tellites Numidæ traderentur. hunc Marius anxi-
 um aggreditur, atque hortatur, ut contumeliarum
 in imperatorem cum suo auxilio poenas petat: ho-
 minem ob morbos animo parum valido secunda
 oratione extollit: illum regem, virum ingentem,
 Masinissæ nepotem esse: si Jugurtha captus, aut
 occisus foret, imperium Numidiæ sine mora habi-
 turum: id adeo mature posse evenire, si ipse con-
 sul ad bellum missus foret. itaque & illum, & equi-
 tes Romanos, milites, & negotiatores, alios ipse,
 plerosque pacis spes impellit, uti Romam ad suos
 necessarios asperere in Metellum de bello scribant,
 Marium imperatorem poscant. sic illi a multis
 mortalibus honestissima suffragatione consularis
 petebatur. simul ea tempestate plebes, nobilitate
 fusa per legem Mamiliam, novos extollebat. ita
 Mario cuncta procedere. Interim Jugurtha, post-
 quam, omissa deditio, bellum incipit, cum ma-
 gna cura parare omnia, festinare, cogere exercitum:
 civitates, quæ ab se defecerant, formidine, aut o-
 stentando præmia affectare: communire suos lo-
 cos: arma, tela, aliaque, quæ spe pacis amiserat,
 reficere, aut commercari: servitia Romanorum alli-
 cere, & eos ipsos, qui in præidiis erant, pecunia
 tentare: prorsus nihil intactum, neque quietum
 pati: cuncta agitare. igitur Vaccenses, quo Metel-
 lus initio, Jugurtha pacificante, præsidium impo-
 fuerat, fatigati regis suppliciis, neque antea volun-
 tate alienati, principes civitatis inter se conjurant:
 (nam vulgus, uti plerumque solet, & maxime Nu-
 midarum, ingenio mobili, seditiosum, atque discor-
 diosum, erat cupidum novarum rerum, quieti &
 otio adversum) dein, compositis inter se rebus, in
 diem tertium constituunt, quod is festus celebra-
 tusque per omnem Africam, ludum, & lasciviam
 magis, quam formidinem, ostentabat. sed, ubi tem-
 pus fuit, centuriones, tribunosq; militaris, & ipsum
 præfectum oppidi T. Turpilium Silanum, alius ali-
 um domos suos invitavit: eos omnis, præter Tur-
 pilium, inter epulas obtruncavit: postea milites
 palantes, inermes, quippe in tali die, ac sine impe-
 rio.

mo aggrediuntur. idem plebes facit, pars edocti ab
 nobilitate, alii studio talium rerum incitati, quos
 acta, consiliumque ignorantibus tumultus ipse, &
 res novæ satis placebant. Romani milites, impro-
 viso metu, incerti ignarique quid potissimum fa-
 cerēt, trepidare ad arcem oppidi, ubi signa, & scu-
 ta erant: præsidium hostium, portæ ante clausæ
 fugam prohibebant; ad hoc mulieres, puerique pro-
 tectis ædificiorum saxa, & alia, quæ locus præbe-
 bat, certatim mittere. ita neque caveri anceps ma-
 lum, neque a fortissimis infirmissimo generi resisti
 posse: juxta boni, malique, strenui, & imbelles
 inulti obruncari. in ea tanta asperitate, sævissi-
 mis Numidis, & oppido undique clauso, Turpilius
 præfectus unus ex omnibus Italicis profugit inta-
 ctus: id misericordiane hospitii, an pactione, an
 casu ita evenerit, parum comperimus; nisi, quia illi
 in tanto malo turpis vita integra fama potior fuit,
 improbus intestabilisque videtur. Metellus, post-
 quam de rebus Vaccæ actis comperit, paulisper
 mæstus e conspectu abit: dein, ubi ira, & ægritu-
 do permixta sunt, cum maxuma cura ultum ire in-
 jurias festinat. Legionem, cum qua hiemabat, &
 quam plurimos potest Numidas equites pariter cū
 occasu solis expeditos educit: & postera die cir-
 citer horam tertiam pervenit in quandam planiti-
 em, locis paullo superioribus circumventam. ibi
 milites fessos itineris magnitudine, & jam abnu-
 entes omnia, docet oppidum Vaccam non amplius
 mille passuum abesse: decere illos reliquum la-
 borem æquo animo pati, dum pro civibus suis,
 viris fortissimis, atque miserrimis, poenas cape-
 rent. præterea prædam benigne ostentat. sic ani-
 mis eorum arrectis, equites in primo latere, pedi-
 tes quam artissime ire, & signa occultare jubet.
 Vaccenses ubi animadvertere ad se vorsum exer-
 citum pergere, primo, ut res erat, Metellum
 esse rati, portas clausere: dein, ubi neque agros
 vastari, & eos, qui primi aderant, Numidas equites
 vident, rursus Ingurtham arbitrati, cum magno
 gaudio obvii procedunt. equites peditesque, repen-
 te signo dato, alii vulgum effusum oppido cedere,
 alii ad portas festinare; pars turres capere: ira,
 atque spes prædæ amplius, quam lassitudo, posse-
 ra Vaccenses biduum modo ex perfidia lætati-

civitas magna, & opulens poenæ cuncta, aut præde
fuit. Turpilius, quem præfectum oppidi unum ex
omnibus profugisse supra ostendimus, iussus a Me-
tello causam dicere; postquam sese parum expur-
gat, condemnatus, verberatusque capite poenas sol-
vit. nam is civis ex Latio erat. Per idem tempus
Bomilcar, cujus impulsu Iugurtha deditiorem,
quam metu deseruit, inceperat, suspectus regi, &
ipse eum suspiciens, novas res cupere: ad perniciem
ejus dolum quærere: diu noctuque fatigare ani-
mum: denique, omnia tentando, socium sibi ad-
jungit Nabdalsa, hominem nobilem, magnis opi-
bus clarum, acceptumque popularibus suis: qui
plerumque seorsum ab rege exercitum ducere, &
omnis res exsequi solitus erat, quæ Iugurthæ fes-
so, aut majoribus adstricto superaverant: ex quo il-
li gloria, opesque inventæ. igitur utriusque consilio
dies insidiis statuitur: cetera, uti res posceret, ex
tempore parari placuit. Nabdalsa ad exercitum
profectus; quem inter hiberna Romanorum iussus
habebat, ne ager inultis hostibus vastaretur. is post-
quam, magnitudine facinoris percussus, ad tempus
non venit, metusque rem impendebat, Bomilcar si-
mul cupidinibus incepta patrandi, & timore socii
anxius, ne, omisso veteri consilio, novum quære-
ret; litteras ad eum per homines fidelis mittit: in-
quis molliorem, socordiamque viri accusare: testa-
ri deos, per quos juravisset: monere, ne præmia Me-
telli in pestem suam converteret; Iugurthæ exitum
adesse: ceterum, suane, an Metelli virtute periret,
id modo agitari: proinde reputaret cum animo
suo, præmia an cruciatum mallet. sed cum eæ litte-
ræ allatæ, forte Nabdalsa, exercito corpore fessus,
in lecto quiescebat. ubi, cognitis Bomilcaris ver-
bis, primo cura, dein, uti ægrum animum solet,
somnus cepit. Erat ei Numida quidam negotiorum
curator fidus, acceptusque, & omnium consiliorum,
nisi novissimi, particeps, qui postquam allatas lit-
teras audivit, ex consuetudine ratus opera aut in-
genio suo opus esse, in tabernaculum introit: dor-
miente illo epistolam, super caput in pulvino te-
mere positam, sumit, ac perlegit; dein propere, co-
gnitis insidiis, ad regem pergit. Nabdalsa, post
paullo expectatus, ubi neque epistolam reperit, &
rem omnem, uti acta erat, ex perfugis cognovit;
primo indicem persequi conatus; postquam id fru-
stra

stra fuit, Iugurtham placandi gratia, accedit: quæ
 ipse paravisset, perfidia clientis sui facere præven-
 tum: lacrumans obtestatur per amicitiam, perque
 sua antea fideliter acta, ne super tali scelere suspe-
 ctum sese haberet. ad ea rex aliter, atq; animo ge-
 rebat, placide respondit. Bomilcare, aliisque mul-
 tis, quos socios insidiarum cognoverat, interfectis,
 iram oppresserat, ne qua ex eo negotio seditio ori-
 retur. neque post id locorum Iugurthæ dies, aut
 nox ulla quieta fuit: neque loco, neque mortali
 cuiquam, aut tempori satis credere: civis, hostisque
 juxta meruere: circûspectare omnia, & omni strepi-
 tu pavescere: alio atq; alio loco sæpe contra decus
 regium noctu requiescere: interdum somno excitus
 arreptis armis tumultû facere: ita formidine, quasi
 vecordia, exagitari. Igitur Metellus, ubi de casu
 Bomilcaris, & indicio patefacto ex perfugis co-
 gnovit; rursus tanquam ad integrum bellum cun-
 cta parat, festinatque. Marium, fatigantem de pro-
 sectione, simul & invisum, & offensum, sibi parum
 idoneum ratus, domum dimittit. & Romæ plebes,
 litteris, quæ de Metello ac Mario missæ erant, co-
 guitis, volentia de ambobus acceperat. imperato-
 ri nobilitas, quæ antea decori fuerat, invidiæ esse:
 at illi alteri generis humilitas favorem addiderat:
 ceterum in utroque magis studia partium, quam
 bona, aut mala sua, moderata. præterea seditiosi
 magistratus vulgum exagitare, Metellum omnibus
 concionibus capitis arcescere, Marii virtutem in
 majus celebrare. denique plebes sic accensa, uti o-
 pifices, agrestesque omnes, quorum res, fidesque in
 manibus litæ erant, relectis operibus frequentarent
 Marium, & sua necessaria post illius honorem du-
 cerent. ita perculsa nobilitate, post multas tempe-
 states novo homini consulatus mandatur: & postea
 populus a Tr. pl. Manlio Manino rogatus, quem
 vellet cum Iugurtha bellum gerere, frequens Mari-
 um jussit. sed senatus paullo ante Metello Numi-
 diam decreverat. ea res frustra fuit. Eodem tempo-
 re Iugurtha, amissis amicis, quorum plerisque ipse
 necaverat, ceteri formidine, pars ad Romanos, alii
 ad regem Bocchum profugerant; cum neque bellum
 geri sine administris posset, & novorum fidem in
 tanta perfidia veterum experiri periculosum duce-
 ret, varius incertusque agitabatur: neque illi res,
 neque consiliû, aut quisquam hominum satis pla-

cebat : itinera , præfectosque in dies mutare: modo adversum hostes, interdum in solitudines pergere: sæpe in fuga, at post paullo in armis spem habere: dubitare , virtuti popularium an fidei minus crederet. ita , quocunque intenderat, res adversæ erant. Sed inter eas moras repente se Metellus cum exercitu ostendit. Numidæ ab Iugurtha pro tempore parati, instructique sunt: dein proelium incipitur. qua in parte rex pugnae affuit, ibi aliquamdiu certatum : ceteri omnes ejus milites primo congressu pulsi, fugatique: Romani signorum, & armorum, & aliquanto numero hostium potiti. nam ferme Numidas in omnibus proeliis magis pedes, quam arma, tuta sunt. Ea fuga Iugurtha impensius modo rebus suis diffidens, cum perfugis, & parte equitatus in solitudines, dein Thalam pervenit, in oppidum magnum, & opulentum: ubi plerique thesauri, filiorumque ejus multus pueritiæ cultus erat. Quæ postquam Metello comperta sunt, quamquam inter Thalam flumenque proximum, in spatio millium quinquaginta, loca arida, atque vasta esse cognoverat, tamen spe patrandi belli, si ejus oppidi potitus foret, omnis asperitates supervadere ac naturam etiam vincere aggeditur, igitur omnia jumenta sarcinis levare jubet, nisi frumento dierum x. ceterum utris modo, & alia aquæ idonea portari. præterea conquirat ex agris quam plurimum potest domiti pecoris : eoque imponit vasa cujusque modi, sed pleraque lignea, collecta ex tuguriis Numidarum. ad hoc finitumis imperat, qui se post regis fugam Metello dediderant, quamplurimum quisque aquæ portaret : diem, locumque, ubi præsto forent prædicat. ipse ex flumine, quam proximam aquam oppido esse supra diximus, jumenta onerat. eo modo instructus ad Thalam proficiscitur. dein ubi ad id loci ventum, quo Numidis præceperat, & castra posita, munitaque sunt: tanta repente coelo missa vis aquæ dicitur, ut ea modo exercitui satis superque foret. præterea commeatus spe amplior: quia Numidæ, sicuti plerique in nova deditione, officia intenderant. ceterum milites religione pluvia magis usi : eaque res multum animis eorum addidit. nam rati sese diis immortalibus cære esse, dein postera die, contra opinionem Iugurthæ, ad Thalam perveniunt. oppidani, qui se loco-

rum

rum asperitate munitos crediderant, magna atque insolita re perculsi, nihilo segnius bellum parare: idem nostri facere. Sed rex nihil jam Metello infectum credens, quippe qui omnia arma, tela, loca, tempora, denique naturam ipsam, ceteris imperitantem, indultia vicerat, cum liberis, & magna parte pecuniæ ex oppido noctu profugit: neque postea in ullo loco amplius una die, aut una nocte moratus; simulabat sese negotii gratia properare; ceterum proditorem timebat, quam vitare posse celeritate putabat: nam talia consilia per orium & ex opportunitate capi. At Metellus ubi oppidanos proelio intentos, simul oppidum & operibus & loco munitum videt, vallo fossaque moenia circumvenit. dein jubet locis ex copia maxime idoneis vineas agere: superque eas aggerem jacere, & super aggerem imposuis turribus opus & ministros tutari. contra hæc oppidani festinare, parare, prorsus ab utrisque nihil reliquum fieri. denique Romani, multo ante labore proeliiisque fatigari, post dies quadraginta, quam eorum ventum erat, oppido modo positi: præda omnis & perfugis corrupta. hi postquam murum arietibus feriri, resque suas afflictas vident, aurum, argentumque, & alia, quæ prima ducuntur, domum regionem comportant: ibi vino, & epulis onerati, illaque, & domum, & semet igni corrumpunt: & quas victi ab hostibus poenas metuerant, eas ipsi volentes pependere. Sed pariter cum capta Thala legati ex oppido Lepti ad Metellum venerant, orantes uti præsidium, præfectumque eo mitteret: Hamilcarem quendam, hominem nobilem, factiosum, novis rebus studere; adversum quem neque imperia magistratum, neque leges valerent: ni id festinaret, in summo periculo suam salutem, illorum socios fore. nam Leptitani jam inde a principio belli Iugurthinum ad Bestiam consulem, & postea Romam miserant, amicitiam, societatemque rogatum. dein, ubi ea impetrata fuere, semper boni, fidelesque mansere; & cuncta a Bestia, Albino, Metelloque imperata navim fecerant: itaque ab imperatore facile, quæ petebant, adepti. Emissæ eo cohortes Ligurum quatuor, & C. Annius præfectus. id oppidum ab Sidoniis conditum est, quos accepimus profugos ob discordias civilis, navibus in eos locos venisse; ceterum situm inter duas Syrtis: quibus

nomen ex re inditum. nam duo sunt sinus prope in extrema Africa, impares magnitudine, pari natura; quorum proxima terræ præalta sunt, cetera, ut fors tulit, alta; alia in tempestate vadosa. nam ubi mare magnum esse, & sævire ventis coepit, limum, arenamque, & saxa ingentia fluctus trahunt: ita facies locorum cum ventis simul mutatur: Syrtes ab tractu nominatæ. ejus civitatis lingua modo conversa conubi Numidarum. legum, cultusque pleraque Sidonica: quæ eo facilius retinebant, quod procul ab imperio regis ætatem agebant. inter illos, & frequentem Numidiam inculti vastique loci erant. Sed, quoniam in has regiones per Leptitanorum negotia venimus, non indignum videtur, egregium, atque memorabile facinus duorum Carthaginiensium memorare. eam rem nos locus admonuit. Qua tempestate Carthaginienses pleraque Africæ imperitabant, Cyrenenses quoque magni, atque opulenti fuere. ager in medio arenosus, una specie: neque flumen, neque mons erat, qui finis eorum discerneret, quæ res eos in magno diuturnoque bello inter se habuit. postquam utrimque legionis, item classes sæpe fusæ, fugatæque, & alteri alteros aliquantum attriverant; veriti ne mox victos, victoresque defessos alius aggrederetur, per inducias sponsonem faciunt, uti certo die legati domo proficiscerentur: quo in loco inter se obvii fuissent, is communis utriusque populi finis haberetur. igitur duo fratres Carthagine missi, quibus nomen Philænis erat, maturavere iter pergere: Cyrenenses tardius iere. id socordiane, an casu acciderit, parum cognovi. ceterum solet in locis illis tempestas haud secus, atque in mari, retinere. nam, ubi per loca æqualia, & nuda gignentium ventus coortus arenam humo excitavit, ea magna vi agitata, ora, oculosque implere: ita prospectu impedito, morari iter. postquam Cyrenenses aliquanto posteriores se esse vident, & ob rem corruptam domi pœnas metuunt; criminari Carthaginienses ante tempus domo digressos; conturbare rem; denique omnia malle, quam victi abire. sed cum Pœni aliquam conditionem, tantummodo æquam, peterent, Græci optionem Carthaginiensium faciunt; uti vel illi, quos finis populo suo peterent, ibi vivi obruerentur; vel eadem conditione sese, quem in locum vellent, processuros. Philæni, conditione probata, seque,

seque, vitamque suam reipub. condonavere: ita vivi obruti. Carthaginienses in eo loco Philænis fratribus aras consecravere: alique aliis domi honores instituti. nunc ad rem redeo. I V G V R T H A postquam, amissa Thala, nihil satis firmum contra Metellum putat; per magnas solitudines cum paucis profectus, pervenit ad Gætulos, genus hominum ferum, incultumque, & eo tempore ignarum nominis Romani. eorum multitudinem in unum cogit: ac paulatim consuefacit ordines habere, signa sequi, imperium observare, item alia militaria facere. præterea regis Bocchi proximos magis muneribus, & majoribus promissis ad studium sui perducit; quibus adiutoribus regem aggressus, impellit, uti adversum Romanos bellum suscipiat. id ea gratia facilius, proniusque fuit, quod Bocchus initio huiusce belli legatos Romam misit, fœdus, & amicitiam petitem. quam rem opportunissimam incepto belli pauci impediverant, cæci avaritia, quibus omnia honesta, atque inhonesta vendere mos erat. etiam antea Iugurthæ filia Bocchi nupserat. verum ea necessitudo apud Numidas, Maurosque levis ducitur: quod singuli pro opibus, quisque quam plurimas uxores, denas alii, alii plures habeant; sed reges eo amplius. ita animus multitudine diltrahitur: nullam pro socia obtinet: pariter omnes viles sunt. Igitur in locum ambobus placitum exercitus convenit: ibi, fide data, & accepta, Iugurtha Bocchi animum oratione accendit: Romanos injustos, profunda avaritia, communes omnium hostis esse: eandem illos causam belli cum Boccho habere, quam secum, & cum aliis gentibus, lubricinam imperitandi, quibus omnia regna adversa sint: tum sese, paullo ante Carthaginienses, item regem Persen, post, uti quisque opulentissimus videatur, ita Romanis hostem fore. His, atque aliis talibus dictis, ad Cirtam oppidum iter constituunt: quod ibi Q. Metellus prædam, captivosque, & impedimēta locaverat. ita Iugurtha ratus, aut, capta urbe, operæ pretium fore; aut, si Romanus auxilio suis venisset, prælio sese certaturos. nam callidus id modo festinabat, Bocchi pacem imminuere; ne, moras agitando, aliud, quam bellum, mallet. Imperator postquam de regum societate cognovit, non temere, neque uti sæpe jam victo Iugurtha consueverat, omnibus locis pugnandi copiam facit: ceterum, haud procul ab

Circa castris munitis, reges opperitur; melius esse ratus, cognitis Mauris, quoniam is novus hostis accellerat, ex commodo pugnam facere. Interim Roma per litteras fit certior, Mario provinciam Numidiam datam. nam consulem factum ante acceperat. quibus rebus supra bonum atque honestum perculsus; neque lacrimas tenere, neque moderari linguam: vir egregius in aliis artibus, nimis molliter ægritudinem pati. quam rem alii in superbiam vortebant: alii bonum ingenium contumelia accensum esse: multi, quod jam parva victoria ex manibus eriperetur: nobis satis cognitum, illum magis honore Marii, quam injuria sua excruciatum, neque tam anxie laturum fuisse, si adempta provincia alii, quam Mario, traderetur. Igitur eo dolore impeditus, & quia stultitiæ videbatur, alienam rem periculo suo curare, legatos ad Bocchum mittit, postularum, ne sine causa hostis populo R. fieret: habere eum magnam copiam societatis, amicitiaque conjungendæ, quæ potior bello esset; quamquam opibus suis confideret, tamen non debere incerta pro certis mutare: omne bellum sumi facile, ceterum acerrime definere: non in ejusdem potestate initium ejus, & finem esse: incipere cuivis etiam ignavo licere; deponi, cum victores velint: proinde sibi, regnoque suo confuleret: neu florentis res suas cum Iugurthæ perditis misceret. Ad ea rex satis placide verba facit: sese pacem cupere, sed Iugurthæ fortunarum misereri: si eadem illi copia fieret, omnia conventura. Rursus imperator, contra postulata Bocchi, nuncios mittit. ille probare partim, alia abnuere: eo modo, sæpe ab utroque missis, remissisque nunciis, tempus procedere, & ex Merelli voluntate bellum intactum trahi. At Marius, ut supra diximus, cupientissima plebe consul factus, postquam ei provinciam Numidiam populus jussit, antea jam infestus nobilitati, tum vero multus, atque ferox instare: singulos modo, modo universos lædere: dictitare, sese consulatum ex victis illis spolia cepisse: alia præterea magnifica pro se, & illis dolentia: interim, quæ bello opus erant, prima habere: postulare legionibus supplementum: auxilia a populis, & regibus, sociisque accersire: præterea ex Latio fortissimum quemque, plerosque militia, paucos fama cognitos accire, & ambiundo

ambiundo cogere homines emeritis stipendiis secū
 proficisci. neque illi senatus, quamquam adversus
 erat, de ullo negotio negare audebat: ceterum sup-
 plementum etiam lærus decreverat: quia, neq; ple-
 be militiam volente, putabatur. & Marius, aut belli
 usum, aut studia vulgi amissurus. sed ea res frustra
 sperata. tanta lubido cum Mario eundi plerosque
 invaserat. sese quisque præda locupletē fore, victo-
 rem domum rediturum, alia hujuscemodi animis
 trahebant: & eos non paulum oratione sua Marius
 arrexerat. nam postquam, omnibus, quæ postulave-
 rat, decretis, milites scribere vult, hortandi causa,
 simul & nobilitatem, uti consueverat, exagitandi,
 concionē populi advocavit: deinde hoc modo dis-
 seruit: S C I O ego, Quirites, plerosque non isdem
 artibus imperium a vobis petere, &, postquam
 adepti sunt, gerere: primo industrios, supplices, mo-
 dicos esse, dein per ignaviam, & superbiam ætatem
 agere. sed mihi contra videtur: nam, quo pluris est
 resp. quam consulatus, aut prætura, eo majore cura
 illam administrari, quam hæc peti debere. neq; me
 fallit, quantum cum maximo beneficio vestro ne-
 gotii sustineam. bellum parare, simul & ærario par-
 cere; cogere ad militiam eos, quos nolis offendere;
 domi, forisq; omnia curare; & ea agere inter invi-
 dos, occurrentis, factiosos, opinione, Quirites, aspe-
 rius est. Ad hoc, alii si deliquere, verus nobilitas,
 majorum facta fortia, cognatorū & affinium opes,
 multæ clientelæ, omnia hæc præsidio assunt: mihi
 spes ōnes in memet sitæ; quas necesse est & virtute,
 & innocentia tutari: nam alia infirma sunt. Et illud
 intellego, Quirites, omnium ora in me conversa ef-
 se, æquos, bonosque favere: quippe benefacta mea
 reip. procedunt: nobilitatem locum invadēdi quæ-
 rere. quo mihi acius adutendum est, uti neque vos
 capiamini, & illi frustra sint. ita ad hoc ætatis a
 pueritia fui, ut omnis labores, pericula consueta
 habeam. quæ ante vestra beneficia gratuito facie-
 bam, ea uti, accepta mercede, deferam, non est con-
 siliū, Quirites. Illis difficile est in potestatibus
 temperare, qui per ambitionem sese probos simu-
 lavere: mihi, qui omnem ætatem in optunis
 artibus egi, bene facere jam ex consuetudine in-
 naturam vertit. Bellum me gerere cum Iugurtha
 iussistis: quam rem nobilitas ægerrime tulit. quæ-
 so, reputate cum animis vestris, num id mutari
 melius

melius sit, si quem ex illo globo nobilitatis ad hoc, aut aliud tale negotium mittatis, hominem veteris profapiae, ac multarum imaginum, & nullius stipendii; scilicet uti in tanta re ignarus omnium trepidet, festinet, sumat aliquem ex populo monitorem officii sui. ita plerumque evenit, uti, quem vos imperare iussistis, is sibi imperatorem alium quaerat. At ego scio, Quirites, qui, postquam consules facti sunt, acta majorum, & Graecorum militaria praecepta legere coeperint, homines praeposteri. nam gerere, quam fieri, tempore posterius, re, atque usu prius est. Comparate nunc, Quirites, cum illorum superbia me hominem novum. Quae illi audire, & legere solent, eorum partem vidi, alia egomet gessi. quae illi litteris, ea ego militando didici. nunc vos existumate, facta, an dicta pluris sint. Contemnunt novitatem meam, ego illorum ignaviam mihi fortuna, illis probra obiectantur. quamquam ego naturam unam, & communem omnium existumo, sed fortissimum quemque generosissimum esse. ac si jam ex patribus, Albini, aut Bestiae quaeri posset, mene, an illos ex se gigni maluerint: quid responsuros creditis, nisi, sese liberos quam optimos voluisse? Quod si jure despiciunt me; faciant idem majoribus suis; quibus, uti mihi, ex virtute nobilitas coepit. invident honori meo. ergo invideant labori, innocentiae, periculis etiam meis: quoniam per haec illum cepi. verum homines corrupti superbia, ita aetatem agunt, quasi honores vestros contemnant: ita hos petunt, quasi honeste vixerint. nae illi falsi sunt, qui diversissimas res pariter expectant, ignaviae voluptatem, & premia virtutis. Atque etiam cum apud vos, aut in senatu verba faciunt, pleraque oratione majores suos extollunt, eorum fortia facta memorando clariores sese putant: quod contra est. nam, quanto vita illorum praeclearior, tanto horum socordia flagitiosior. & profecto ita se res habet. majorum gloria posteris lumen est, neque bona, neque mala eorum in occulto patitur. Hujusce rei ego inopiam patior, Quirites. verum id, quod multo praeclearius est, meamet facta mihi dicere licet. nunc videte, quam iniqui sint. quod ex aliena virtute sibi arrogant, id mihi ex mea non concedunt: scilicet qui imagines non habeo, & quia mihi nova nobilitas est: quam certe peperisse melius est, quam acceptam corripisse.

pisse. Equidem ego non ignoro, si jam mihi respondere velint, abunde illis facundam, & compositam orationem fore. sed in maximo vestro beneficio, cum omnibus locis me, vosque maledictis lacerent, non placuit reticere: ne quis modestiam in conscientiam duceret. nam me quidem, *ex animi sententia*, nulla oratio lædere potest. quippe vera necesse est bene prædicet: falsam vita, moresq; mei superant. sed quoniam vestra consilia accusantur, qui mihi summum honorem, & maximum negotium imposuistis: etiam atque etiam reputate, num id poenitendum sit. Non possum, fidei causa, imagines, neque triumphos, aut consulatus majorum meorum ostentare: at, si res postulet, hastas, vexillum, phaleras, alia dona militaria, præterea cicatrices advorso corpore. hæ sunt meæ imagines, hæc nobilitas, non hereditate relicta, ut illa illis, sed quæ ego plurimis meis laboribus, & periculis quæsi. Non sunt composita verba mea: parum id facio: ipsa se virtus satis ostendit: illis artificio opus est, ut turpia facta oratione regant. neque litteras Græcas didici. parum placebat eas discere, quippe quæ ad virtutem doctoribus nihil profuerunt. at illa multo optima reip. doctus sum, hostis ferire, præsidia agitare, nihil metuere, nisi turpem famam; hiemem, & æstatem juxta pati, humi requiescere; eodem tempore inopiam, & laborem tolerare. his ego præceptis milites hortabor: neque illos arte colam, me opulenter; neque gloriam meam laborem illorum faciam. hoc est utile, hoc civile imperium. namque, cum tute per mollitiem agas, exercitum supplicio cogere, hoc est, dominum, non imperatorem esse. hæc, atque talia majores vestri faciundo, seque, reinque publicam celebravere. quis nobilitas freta, ipsa dissimilis moribus, nos illorum æmulos contemnit; & omnis honores, non ex merito, sed quasi debitos, a vobis repetit. ceterum homines superbissimi procul errant. Majores eorum omnia, quæ licebat, illis reliquere, divitias, imagines, memoriam sui præclaram: virtutem non reliquere; neque poterant: ea sola neque datur dono, neque accipitur. Sordidum me, & incultis moribus ajunt; quia parum scite convivium exorno, neque histrionem ullum, neque pluris pretii coquum, quam villicum, habeo. quæ mihi lubet confiteri, Quirites. nam & ex parente meo, & ex aliis sancti

sanctis viris ita accepi, munditias mulieribus, viris laborem convenire, omnibusque bonis oportere plus gloriæ, quam divitarum esse; arma, non suppellectilem, decori esse. Quin ergo, quod juvat, quod carum æstumant, id semper faciant: ament, potent: ubi adolescentiam habuere, ibi senectutem agant, in conviviiis, dediti ventri, & turpissimæ parti corporis: sudorem, pulverem, & alia talia relinquant nobis, quibus illa epulis jucundiora sunt. verum non ita est. nam, ubi se flagitiis de- decoravere turpissimi viri, bonorum præmia ere- prum eunt. ita injustissime luxuria, & ignavia, pessumæ artes, illis, qui coluere eas, nihil offici- unt, reip. innoxia cladi sunt. Nunc, quoniam il- lis, quantum mores mei, non illorum flagitia pos- cebant, respondi; pauca de rep. loquar. Primum omnium de Numidia bonum habete animuni, Qui- rites; nam quæ ad hoc tempus Iugurtham tuta sunt, omnia removistis, avaritiam, imperitiam, su- perbiam. dein exercitus ibi est locorum sciens, sed mehercule magis strenuus, quam felix: nam ma- gna pars ejus avaritia, aut temeritate ducum attri- ta est. Quamobrem vos, quibus militaris ætas est, adnitimini mecum, & capeffite remp. neque quem- quam ex calamitate aliorum, aut imperatorum su- perbia metus ceperit: egomet in agmine, in proelio consultor idem, & socius periculi vobiscum adero, meque, vosque in omnibus rebus juxta geram. & profecto, diis juvantibus, omnia matura sunt, vi- ctoria, præda, laus: quæ si dubia, aut procul es- sent, tamen omnis bonos reip. subvenire decet. e- tenim nemo ignavia immortalis factus: neque quis- quam parens liberis uti æterni forent, optavit; magis, uti boni, honestique vitam exigerent. Plura dicerem Quirites, si timidis virtutem verba adde- rent: nam strenuis abunde dictum puto. Hujusce- modi oratione habita, Marius postquã plebis ani- mos arrectos videt, propere comneatu, stipendio, armis, aliisque utilibus navis ouerat: cum his A. Manlium legatum proficisci jubet. ipse interea milites scribere non more majorum, neque ex clas- sibus, sed ut cujusque libido erat, capite ceulos plerosque, id factum alii inopia honorum, alii per ambitionem consulis memorabant; quod ab eo ge- nere celebratus, auctusque erat; & homini poten- tiam quæ reperi gentissimus quisque opportunissimus,

mus,

mus, cui neque sua curæ, quippe quæ nulla sunt, & omnia cum pretio honesta videntur. Igitur Marius cum aliquanto majore numero, quam decretum erat, in Africam profectus, paucis diebus Uticam advehitur. exercitus ei traditur a P. Rutilio legato. nam Metellus conspectum Marii fugerat; ne videret ea, quæ audita animus tolerare nequiverat. Sed consul, expletis legionibus, cohortibusque auxiliariis; in agrum fertilem, & præda onustum proficiscitur. omnia ibi capta militibus donat: dein castella, & oppida natura & viris parum munita aggreditur: prælia multa, ceterum alia levia aliis locis facere. interim novi milites sine metu pugnae adesse: videre fugientis capi, aut occidi; fortissimum quemque tutissimum: armis libertatem, patriam, parentesque, & alia omnia regi; gloriam, atque divitias quæri. sic brevi spatio novi veteresque coaluere, & virtus omnium æqualis facta. At reges ubi de adventu Marii cognoverunt, diversi in locos difficiles abeunt, ita Jugurthæ placuerat, speranti, mox effusos hostis invadi posse; Romanos, sicuti plerosque, remoto metu laxius, licentiusque futuros. Metellus interea Romam profectus, contra spem suam lætissimis animis excipitur, plebi, patribusque, postquam invidia decesserat, juxta carus, Sed Marius impigre, prudenterque suorum, & hostium res pariter attendere; cognoscere quid boni utrisque, aut contra esset: explorare itinera regum; consilia, & insidias eorum antevenire: nihil apud se remissum, neque apud illos tutum pati, itaque & Gætulos, & Jugurtham, ex fociis nostris prædas agentes, sæpe aggressus in itinere fuderat, ipsumque regem haud procul ab oppido Cirra armis exuerat. Quæ postquam gloriosa modo, neque belli patrandi cognovit, statuit urbis, quæ viris, aut loco pro hostibus, & adversum se opportunissimæ erant, singulas circumvenire: ita Jugurtham aut præsidiis nudatum, si ea pateretur, aut proelio certaturum. nam Bocchus nuncios sæpe ad eum miserat, velle populi R. amicitiam, ne quid ab se hostile timeret, id simulaveritne, quo improvisus gravior accederet, an mobilitate ingenii pacem atque bellum mutare solitus, parum exploratum est. Sed consul, uti statuerat, oppida, castellaque munita adire: partim vi, alia metu, aut præmia ostentando, avertere ab

ab hostibus. ac primo mediocria gerebat, existimans Iugurtham ob suos tutandos in manus venturum. sed ubi illum procul abesse, & aliis negotiis intentum accepit; maiora, & magis aspera aggreditur tempus visum est. Erat inter ingentis solitudinis oppidum magnum, atque valens, nomine Capsa: cuius conditor Hercules Libys memorabatur. ejus cives apud Iugurtham immunes, levi imperio, & ob ea fidelissimi habebantur: muniti adversum hostes non moenibus modo, & armis, atque viris, verum etiam multo magis locorum asperitate. nam, præter oppido propinqua, alia omnia vasta incultu, egentia aquæ, infesta serpentibus: quarum vis, sicuti omnium ferarum, inopia cibi acrior: ad hoc, natura serpentium ipsa perniciosa, sit magis quam alia re accenditur. ejus potiundi Marium maxuma cupido invaserat, cum propter usum belli, tñ quia res aspera videbatur: & Metellus oppidum Thalam magna gloria ceperat, haud dissimiliter situm, munitumque: nisi quod apud Thalam non longe a moenibus aliquot fontes erant. Caspenses una modo, atque ea intra oppidū jugi aqua, cetera pluvia utebantur. id ibique, & in omni Africa, quæ procul a mari incultius agebat, eo facilius tolerabatur, quia Numidæ plerumque lacte, & ferina carne vescebantur, & neque salem, neque alia gulæ irritamenta quærebant. cibus illis adversum famem, & sitim, non libidini, neque luxuriæ erat. Igitur consul omnibus exploratis, credo diis fretus, (nam contra tantas difficultates consilio satis providere non poterat: quippe etiam frumenti inopia tentabatur, quod Numidæ pabulo pecoris magis, quam arvo, student, &, quodcumque natum fuerat, jussu regis in loca munita contulerant: ager autem aridus, & frugum vacuus ea tempestate: nam a stans extremum erat) tamen pro rei copia satis providēter exornat: pecus omne, quod superioribus diebus prædæ fuerat, equitibus auxiliariis agendum attribuit: A. Manlium legatum cum cohortibus expeditis ad oppidum Laris, ubi stipendium, & commeatum locaverat, ire jubet: se prædabundum post paucos dies eodem venturum. sic incepto suo occultato, pergit ad flumen Tanaim. ceterum in itinere quotidie pecus exercitui per centurias, item turmas æqualiter distribuerat; &, ex coriis utres uti fierent, curabat: simul & inopiam frumenti lenire,

nire, & ignaris omnibus, parare, quæ mox usui forent. denique sexto die, cum ad flumen ventum est, maxuma vis utriusque effecta. ibi castris levi munimento positis, milites cibum capere, atque, uti simul cum occasu solis egrederentur, paratos esse jubet; omnibus sarcinis abjectis, aqua modo seque, & jumenta onerare. dein, postquam tempus visum, castris egreditur: noctemque totam itinere facto confedit. idem proxima facit. dein tertia multo ante lucis adventum pervenit in locum tumultuosum, ab Capsa non amplius duum millium intervallo: ibique, quam occultissime potest, cum omnibus copiis opperitur. sed, ubi dies coepit; & Numidæ, nihil hostile metuentes, multi oppido egressi; repente omnem equitatum, & cum his velocissimos pedites cursu tendere ad Capsam, & portas obsidere jubet: deinde ipse intentus propere sequi, neque milites prædari sinere. quæ postquam oppidani cognovere, res trepidæ, metus ingens, malum improvisum, ad hoc pars civium extra moenia in hostium potestate, coegere, uti deditionem facerent. ceterum oppidum incensum: Numidæ puberes interfecti, alii omnes venundati: præda militibus divisa. id facinus contra jus belli non avaritia, neque scelere consulis admissum, sed quia locus Jugurthæ opportunus, nobis aditu difficilis, genus hominum mobile, infidum, ante neque beneficio, neque metu coercitum. Postquam tantam rem Marius sine ullo suorum incommodo patravit, magnus, & clarus antea, major, atque clarior haberi coepit: omnia non bene consulta in virtutem trahebantur. milites modesto imperio habiti, simul & locupletes, ad cælum ferre: Numidæ magis, quam mortalem, timere: postremo omnes socii atque hostes credere, illi aut mentem divinam esse, aut deorum nutu cuncta portendi. Sed consul, ubi ea res bene evenit, ad alia oppida pergitt: pauca, repugnantibus Numidis, capit: plura, deserta propter Caspensem miserrimam, igni corrumpit: luctu, atque cæde omnia complentur. denique multis locis potitus, ac plerisque exercituum incruento, aliam rem aggreditur, non eadem asperitate, qua Caspensem, ceterum haud secus difficilem. namque haud longe a flumine Mulucha, quod Jugurthæ, Bocchique regnum disjungebat, erat inter ceteram planitiem mons saxeus, mediocri castello,

satis patens, imneusumeditus, uno per angusto aditu relicto: nam omnia natura, velut opere, atque consulto, præceps. quem locum Marius, quod ibi regis thesauri erant, summa vi capere intendit: sed ea res forte, quam consilio, melius gesta: nam castello virorum, atque armorum satis magna vis, & frumenti, & fons aquæ: aggeribus, turribusque, & aliis machinationibus locus importunus: iter castellanorum angustum admodum, utrimque præcisum: vineæ cum ingenti periculo frustra agebantur. nam cum eæ paullo processerant, igni, aut lapidibus corrumpebantur. milites neque pro opere consistere, propter iniquitatem loci; neque inter vineas sine periculo administrare: optumus quisque cadere, aut fauciari; ceteris metus angere. At Marius, multis diebus, & laboribus consumptis, anxius trahere cum animo suo, omitteretne inceptum, quoniam frustra erat, an fortunam opperiretur, qua sæpe prospere usus fuerat. quæ cum multos dies, noctesque æstuans agitaret, forte quidam Ligus, ex cohortibus auxiliariis miles gregarius, castris aquatum egressus, haud procul ab latere castelli, quod adversum proeliantibus erat, animum advortit inter saxa repentes cochleas: quarum cum unam, atque alteram, dein plures peteret, studio legundi paulatim prope ad summum montis egressus est. ubi postquam solitudinem intellexit, more humanæ cupidinis ignara visundi animum vortit. & forte in eo loco grandis ilex coaluerat inter saxa paullulum modo prona, dein flexa, atque aucta in altitudinem, quo cuncta gignentium natura fert: cuius ramis modo, modo eminentibus saxi visus Ligus, castelli planitiem perscribit; quod cuncti Numidæ intenti proeliantibus aderant. exploratis omnibus, quæ mox usui fore ducebat, eodem regreditur, non temere, uti ascenderat, sed tentans omnia, & circumspiciens. itaque Marium propere adit: ista edocet: hortatur, ab ea parte, qua ipse descenderat, castellum tenter: pollicetur sese itineris periculi que ducem. Marius eum Ligure promissa ejus cognitum ex præsentibus misit: quorum, uti cuiusque ingenium erat, ita rem difficilem, aut facilem renunciavere. consulis animus tamen paullulum arrectus. itaque ex copia rubicinum, & cornicinum, quinque numero quam velocissimos delegit, & cum his, præsidio

sidio qui forent, quatuor centuriones: omnisque Liguri parere jubet: & ei negotio proximum diē constituit. sed ubi ex præcepto tempus visum; paratis, compositisque omnibus, ad locum pergit. ceterum illi qui centuriis præerant, prædocti ab duce, arma, ornatumque mutaverunt, capite, atque pedibus nudis, uti prospectus, nifusque per saxa facilius foret: super terga gladii, & scuta; verum ea Numidica ex coriis, ponderis gratia; simul & offensa quo levius streperent. igitur prægrediens Ligus, saxa, & si quæ vetustate radices eminebant, laqueis vinciebat, quibus allevati milites facilius adscenderent: interdum timidos insolentia itineris levare manu: ubi paullo asperior adscensus erat, singulos præ se inermes mittere; dein ipse cum illorum armis sequi: quæ dubia nifui videbantur, potissimum tentare: ac sæpius eadem adscendens, ac descendens, dein statim digrediens, ceteris audaciam addere. igitur diu, multumque fatigati, tandem in castellum perveniunt, desertum ab ea parte: quod omnes, sicuti aliis diebus, advorsum hostes aderant. Marius, ubi ex nunciis, quæ Ligus egerat, cognovit: quamquam tota die intentos proelio Numidas habuerat, tum vero cohortatus milites, & ipse extra vineas egressus, testudine acta succedere, & simul hostem tormentis, sagittariisque, & funditoribus eminus terrere. at Numidæ, sæpe antea vineis Romanorum subversis, item incensis, non castelli moenibus sese tutabantur; sed pro muro dies, noctesque agitare; maledicere Romanis; ac Mario vecordiā objectare, militibus nostris Iugurthæ servitium minari; secundis rebus feroces esse. Interim, Romanis omnibus, hostibusque proelio intentis, magna vi utrimque, pro gloria atq; imperio his, illis pro salute certantibus, repente à tergo signa canere: ac primo mulieres, & pueri, qui visum processerant, fingere; deinde, uti quisque muro proximus erat, postremo cuncti armati, inermesque, quod ubi accidit, eo acrius Romani instare, fundere, ac plerosque tantummodo fauciare, dein super occisorum corpora vadere, avidi gloriæ certantes murū petere; neque quemquā omnium præda morari. sic forte correcta Marii temeritas, gloriā ex culpa invenit. Ceterū, dum ea res geritur, L. Sulla quæstor cū magno equitatu in castra venit: quod tū ex Latio, & à sociis cogeret, Romæ relictus erat.

sed quoniam nos tanti viri res admonuit; idoneum visum est, de natura, cultuque ejus paucis dicere. neq; enim alio loco de Sullæ rebus dicturi sumus; & L. Sisenna optime, & diligentissime omnium, qui eas res dixere, persecutus, parum mihi libero ore locutus videtur. Igitur Sulla gentis patriciæ nobilis fuit, familia prope jam extincta majorum ignavia, litteris Græcis, atque Latinis juxta, atque doctissime eruditus, animo ingenti, cupidus voluptatum, sed gloriæ cupidior: otio luxurioso esse; tamen ab negotiis nunquam voluptas remorata, nisi quod de uxore potuit honestius consuli: facundus, callidus, & amicitia facilis: ad simulanda negotia altitudo ingenii incredibilis; multarum rerum, ac maxime pecuniæ largitor: atque illi, felicissimo omnium ante civilem victoriam, nunquam super industriam fortuna fuit; multique dubitare, fortior, an felicior esset. nam, postea quæ fecerit, incertum habeo, pudeat magis, an pigeat differere. Igitur Sulla, uti supra dictum est, postquam in Africam, atque in castra Marii cum equitatu venit, rudis antea, & ignarus belli, sollertissimus omnium in paucis tempestatibus factus est. ad hoc milites benigne appellare: multis rogantibus, aliis per se ipse dare, beneficia invitus accipere; sed ea properantius, quam æs mutuum, reddere, ipse ab nullo repetere: magis id laborare, uti illi quam plurimi deberent: joca atque seria cum humillimis agere: in operibus, in agmine, atque ad vigiliis multus adesse: neque interim, quod ambitio prava solet, consulis, aut cujusquam boni famam lædere: tantummodo neque consilio, neque manu priorem alium pati: plerosque antevenire. quibus rebus, & artibus brevi Mario, militibusq; carissimus factus. At Jugurtha postquam oppidum Capsam, aliosque locos muniros, & sibi utilis, simul & magnam pecuniam amiserat; ad Bocchum nuncios mittit, quam primum in Numidiâ copias adduceret; proelii faciundi tempus adesse. quem ubi cunctari accepit, dubium belli, atque pacis rationes trahere: rursus, uti antea, proximos ejus donis corrumpit: ipsique Mauro pollicetur Numidiæ tertiam partem, si aut Romani Africa expulsi, aut, integris suis finibus, bellum compositum foret. eo præmio illectus Bocchus cum magna multitudine Jugurtham accedit. ita, amborum exercitu conjuncto,

juncto, Marium jam in hiberna proficiscentem, vix
 decima parte die reliqua invadunt, rati noctem,
 quæ jam aderat, victis sibi munimento fore, & si
 vicissent, nullo impedimento, quia locorum scien-
 tes erant; contra Romanis utrumque casum in te-
 nebris difficiliorem fore. igitur simul consul ex
 multis de hostiû adventu cognovit; & ipsi hostes
 aderant: & prius quam exercitus aut instrui, aut
 sarcinas colligere, denique, antequam signum, aut
 imperium ullum accipere quivit, equites Mauri,
 atque Gætuli, non acie, neque ullo more proelii,
 sed catervatim, uti quosque fors conglobaverat, in
 nostros incurrunt. qui omnes trepidi improvise
 metu, attamen virtutis memores, aut arma capie-
 bant, aut capientis alios ab hostibus defensabant:
 pars equos descendere, obviam hostibus ire: pugna
 latrocinio magis, quam proelio similis fieri: sine
 signis, sine ordinibus, equites pedites permixti, cæ-
 dere alii, alii obtruncare: multi contra averfos a-
 cerrime pugnantes ab tergo circumvenire: neque
 virtus, neque arma satis tegere; quod hostes nume-
 ro plures, & undique circumfusi erant. denique
 Romani veteres, novique, & ob ea scientes belli, si
 quos locus, aut casus conjunxerat, orbes facere:
 atque ita ab omnibus partibus simul recti, & in-
 structi hostium vim sustentabant. neque in eo tam-
 que aspero negotio Marius territus, aut magis,
 quam antea, demisso animo fuit; sed cum turma
 sua, quam ex fortissimis magis, quam familiarissi-
 mis paraverat, vagari passim; ac modo laboranti-
 bus suis succurrere, modo hostis, ubi confertissi-
 mi obstiterant, invadere manu: consulere militi-
 bus, quoniam imperitare conturbatis omnibus
 non poterat. jamque dies consumptus erat, cum
 tamen barbari nihil remittere; atque, uti reges præ-
 ceperant, noctem pro se rati, acrius instare. tum
 Marius ex copia rerum consilium trahit: atque, uti
 suis receptui locus esset, collis duos propinquos
 inter se occupat. quorum in uno, castris parum am-
 plo fons aquæ magnus erat: alter usui opportu-
 nus, quia magna parte editus, & præceps, pauca
 munimenta egebat. ceterum apud aquam Sullam
 cum equitibus noctem agitare jubet. ipse milites
 dispersos paullatim, neque minus hostibus contur-
 batis, in unum contrahit: dein cunctos pleno gradu
 in collem subducit. ita reges, loci difficultate co-

acti, proelio deterrentur; neque tamen suos longius abire sinunt; sed utroque colle multitudine circumdato, effusi confedere. dein, crebris ignibus factis, plerumque noctis barbari more suo lætari, exsultare, strepere vocibus: & ipsi duces feroces, quod non fugere, ac pro victoribus agere. sed ea cuncta Romanis ex tenebris, & editioribus locis facilia visu, magnoque hortamento erant. plurimum vero Marius imperitia hostium confirmatus, quam maximum silentium haberi jubet: ne signa quidem, uti per vigilias solebant, canere: dein, ubi lux adventabat, defessis jam hostibus, ac paullo ante somno captis, de improvviso vectigalis, item cohortium, turmarum, legionum tubicines simul omnes signa canere, milites clamorem tollere, atque portis erumpere. Mauri, atque Gætuli, ignoto, atque horribili sonitu repente exciti, neque fugere, neque arma capere, neque omnino facere, aut providere quidquam poterant: ita cunctos strepitu, clamore, nullo subveniente, nostris instantibus tumultu, terrore, formidine, quasi vecordia ceperat. deniq; omnes fusi, fugatique: arma & signa militaria pleraq; capta: pluresque eo proelio, quàm omnibus superioribus, interemti. nam somno, & metu insolito impedita fuga. dein Marius, uti coeperat, in hiberna proficiscitur, quæ propter comnearum in oppidis maritumis agere decreverat: neque tamen victoria socors, aut insolens factus, sed pariter, atque in conspectu hostium, quadrato agmine incedere. Sulla cum equitatu apud dextimos, in sinistra parte A. Manlius cum funditoribus, & sagittariis, præterea cohortes Ligurum curabat: primos, & extremos cum expeditis manipulis tribunos locaverat. per fugæ, regionum scientissimis hostium iter explorabant, simul consul, quasi nullo imposito, omnia providere: apud omnis adesse, laudare; increpare merentis ipse armatus, intentusque item milites cogebar: neque secus, atque iter faceret, castra munire, excubitiū in porta cohortis ex legionibus, pro castris equites auxiliosos mittere: præterea alios super vallum in munimentis locare. vigilias ipse circuire, non tam diffidentia futuri, quæ imperavisset, quam nti militibus exaquatus cum imperatore labos volentibus esset. Et sane Marius illoque aliisque temporibus Iugurthini belli, pudore magis, quam malo, exercitum coercebat:

STROGARE

ercebat:

Muri, , iustituri,

Muri, , iustituri,

Muri, , iustituri,

Muri, , iustituri,

Muri, , iustituri,

ercebat: quod multi per ambitionem fieri aiebant: quod à pueritia consuetam duritiam, & alia, quæ ceteri misérias vocant, voluptati habuisset. nisi tamen resp. pariter, ac sævissimo imperio, bene, atque decore gesta. Igitur quarto denique die haud longe ab oppido Cirta simul undique speculatores citi sese ostendunt: qua re hostis adesse intelligitur. sed quia divorsi redeunt, alius ab alia parte, atque omnes idem significabant; consul incertus, quouam modo aciem instrueret, nullo ordine commutato, adversum omnia paratus ibidem opperitur. Igitur Iugurtham spes frustrata, qui copias in quatuor partis distribuerat, rarus ex omnibus æque aliquos ab tergo hostibus venturos. interim Sulla, quem primum hostes attigerant, cohortatus suos turmatim, & quam maxime confertis equis, ipseque aliique Mauros invadunt: ceteri in loco manentes, ab jaculis eminus emissis corpora regere, & si qui in manus venerant, obtruncare. dum eo modo equites proeliantur, Bocchus cum pedibus, quos Volux filius ejus adduxerat, neque in priore pugna in itinere morati adfuerant, postremam Romanorum aciem invadunt. tum Marius apud primos agebat, quod ibi Iugurtha cum plurimis erat. dein Numida, cognito Bocchi adventu, clam cum paucis ad pedites convortit: ibi Latine (nam apud Numantiam loqui didicerat) exclamat, nostros frustra pugnare: paullo ante Marium sua manu interfectum: simul gladium sanguine oblitum ostentans, quem in pugna, satis impigre occiso pedite nostro, cruentaverat. quod ubi milites accepere, magis atrocitate rei, quam fide nuncii, terrentur: simulque barbari animos tollere, & in perculos Romanos acrius incedere. jamque paulum à fuga aberant, cum Sulla, profligatis iis, quos adversum ierat, rediens ab latere Mauros incurrit. Bocchus statim avertitur. at Iugurtha, dum sustentare suos, & prope jam adeptam victoriam retinere cupit, circumventus ab equitibus dextra sinistra, omnibus occisis, solus inter tela hostium vitabundus erumpit. atque interim Marius, fugatis equitibus, accurrit auxilio suis, quos pelli jam acceperat. denique hostes jam undique fusi. tum spectaculum horribile in campis patentibus; sequi, fugere; occidi, capi; equi, atque viri afflicti: ac multi, vulneribus acceptis, neque fugere posse,

neque quietem pati ; niti modo, ac statim concidere: postremo omnia, qua visus erat, constrata telis, armis, cadaveribus, & inter ea humus infecta sanguine. Postea loci consul, haud dubie iam victor, pervenit in oppidum Cirtam, quo initio profectus intenderat. eo post diem quintum, quam iterum barbari male pugnaverant, legati à Boccho veniunt: qui regis verbis à Mario petivere, duos quam fidissimos ad eum mitteret; velle de suo, & de populi R. commodo cum iis disserere. ille statim L. Sullam, & A. Manlium ire jubet. qui quamquam acciti ibant; tamen placuit verba apud regem facere; ingenium aut avorsum uti flecterent, aut cupidum pacis vehementius accenderent. itaque Sulla, cuius facundia, non ætati, à Manlio concessum, pauca verba hujusmodi locutus.

R E X Bocche, magna lætitia nobis est, cum te talem virum dii monuere, uti aliquando pacem, quam bellum, malles; neu te optimum cum pessimo omnium Ingurtha miscendo commaculares; simul nobis demeres acerbam necessitudinem, pariter te errantem, & illum sceleratissimum persequi. ad hoc, populo R. jam à principio inopi, melius visum, amicos, quam servos, quærere: tutiusque rati, volentibus, quam coactis imperitare. tibi vero nulla opportunior amicitia nostra: primum quod procul absumus; in quo offensæ minimum, gratia par, ac si prope adessemus: dein, quod parentes abunde habemus, amicorum neque nobis, neque cuiquam omnium satis fuit, atque hoc utinam a principio tibi placuisset: profecto ex P. R. ad hoc tempus multo plura bona accepisses, quam mala perpessus esses. sed quoniam humanarum rerum fortuna pleraque regit; cui scilicet placuit & vim, & gratiam nostram exeperiri: nunc, quando per illam licet, festina; atque uti coepisti, perge. multa, atque opportuna habes, quo facilius errata officiis superes. postremo hoc in pectus tuum demitte, nunquam populum R. beneficiis victum esse. nam, bello quid valeat, tute scis. Ad ea Bocchus placide, & benigne simul pauca pro delicto suo verba facit: se non hostili animo, sed ob regnum tutandum arma cepisse: nam Numidiæ partem, unde Ingurtham expulerit, jure belli suam faciam: eam vastari a Mario, pati nequivisse: præterea, missis antea Romanam legatis, repulsum ab amicitia:

amicitia: ceterum vetera omittere, ac tum, si per Mariū liceret, legatos ad senatum missurum. dein, copia facta, animus barbari ab amicis flexus, quos Iugurtha, cognita legatione Sullæ, & Manlii, metuens id, quod parabatur, donis corruperat. Marius interea, exercitu in hibernaculis composito, cum expeditis cohortibus, & parte equitatus proficiscitur in loca sola, obsessum turrim regiam, quo Iugurtha perfugas omnis præsidium imposuerat. tum rursus, seu reputando, quæ sibi duobus præliis evenerant, seu admonitus ab aliis amicis, quos incorruptos Iugurtha reliquerat, ex omni copia necessariorum quinque delegit, quorum & fides cognita, & ingenia validissima erant. eos ad Marium, ac dein, si placeat, Romam legatos ire jubet: agendum rerum, & quocunque modo belli componendi licentiam ipsis permittit. illi mature ad hiberna Romanorum proficiscuntur. dein a Gætulis latronibus in itinere circumventi, spoliatique, pavidi, sine decore ad Sullam profugiunt; quem consul, in expeditionem proficiscens, pro prætore reliquerat. eos ille non pro vanis hostibus, ut meriti erant, sed accurate & liberaliter habuit. qua re barbari & famam Romanorum avaritiæ falsam, & Sullam ob munificentiam in sese amicum rati. nam etiam tum largitio multis ignota erat: munificus nemo putabatur, nisi pariter volens: dona omnia in benignitate habebantur. igitur quæstori mandata Bocchi patefaciunt: simul ab eo petunt, uti fautor, consultorque sibi adsit: copias, fidem, magnitudinem regis sui, alia, quæ aut utilia, aut benevolentia esse credebant, oratione extollunt: dein, Sulla omnia pollicito, docti quo modo apud Marium, item apud senatum verba facerent, circiter dies xl. ibidem opperiuntur. Marius postquam infecto negotio, quo intenderat, Cirtam redit, de adventu legatorum certior factus, illosque, & Sullam ab Utica venire jubet, itemque L. Bellienum prætorem Uticæ, præterea omnis undique senatorii ordinis: quibus cum mandata Bocchi cognoscit: in quibus, legatis potestas eundi Romam fit: ab cōsule interea iudiciæ postulabantur. ea Sullæ, & plerisque placere: pauci ferocius decernunt, scilicet ignari humanarum rerum, quæ fluxæ, & mobiles semper in adversa mutant. ceterum Mauri, impetratis omnibus, tres Romam profecti sunt cum

Cn. Octavio Rufone, qui quaestor stipendium in Africam portaverat: duo ad regem redeunt. ex his Bocchus cum cetera, tum maxime benignitatem, & studium Sullae accepit. Romaeque legatis ejus, postquam, errasse regem, & Iugurthae scelere lapsus, deprecati sunt, amicitiam & foedus petentibus hoc modo respondetur. Senatus & populus R. beneficii, & injuriae memor esse solet: ceterum Boccho, quoniam poenitet, delicti gratiam facit: foedus, & amicitia dabuntur, cum mernerit. Quibus rebus cognitis, Bocchus per litteras a Mario petivit, uti Sullam ad se mitteret; cujus arbitrato communibus negotiis consuleretur. is missus cum praesidio equitum, atque peditum, funditorum Balearium: praeterea iere sagittarii, & cohors Paeligna cum velitaribus armis, itineris properandi causa: neque his secus atque aliis armis, adversus tela hostium, quod ea levia sunt, muniti. sed in itinere, quinto denique die, Volux filius Bocchi, repente in campis patentibus cum mille non amplius equitibus sese ostendit: qui temere & effuse euntes, Sullae, aliisque omnibus & numerum ampliorem vero, & hostilem metum efficiebant. igitur se quisque expedire: arma, atque tela tentare, intendere: timor aliquantus, sed spes amplior, quippe victoribus, & adversum eos, quos sepe vicerant. interim equites, exploratum praemissi, rem, uti erat, quietam nunciant. Volux adveniens quaestorem appellat: se a patre Boccho obviam illis simul, & praesidio missum. dein eum, & proximum diem sine metu conjuncti eunt. post, ubi castra locata, & diei vesper erat; repente Maurus, incerto vultu pavens, ad Sullam accurrit; a speculatoribus cognitum, Iugurtham haud procul abesse; simul, uti noctu clam secum profugerent, rogat, atque hortatur. ille animo feroci negat se totiens fuscum Numidam pertimescere: virtuti suorum satis credere: etiam si certa pestis adesset, mansurum potius, quam, proditis quos ducebat, turpi fuga incertae, ac forsitan post paulo morbo interiturae vitae parceret. ceterum ab eodem monitus, uti noctu profiscerentur, consilium adprobat: ac statim milites caenatos esse in castris, ignisque quam creberrimos fieri, dein prima vigilia silentio egredi jubet. Iamque nocturno itinere fessis omnibus, Sulla pariter cum ortu solis castra metabatur; cum equites Mauri nunciant, Iugurtham,

Iugurtham, circiter duum milliū intervallo, ante
 eos confedisse. quod postquam auditum est; tum
 vero ingens metus nostros invadit: credere se pro-
 ditos a Voluce, & insidiis circumventos. ac fuere
 qui dicerent manu vindicandum, neque apud il-
 lum tantum scelus inultum relinquendum. At Sul-
 la, quamquam eadem existimabat, tamen ab in-
 juria Maurum prohibet: suos hortatur, uti fortem
 animum gererent: sæpe ante paucis strenuis advor-
 sus multitudinem bene pugnatum: quanto sibi in
 proelio minus pepercissent, tanto tutiores fore: nec
 decere quemquam qui manus armaverit, ab iner-
 mis pedibus auxilium petere, & in maximo om-
 nium metu nudum, & cæcum corpus ad hostis vor-
 tere. dein Volucem, quoniam hostilia facerēt, Io-
 vem maximum obtestatus, uti sceleris, atque perfidi-
 æ Bocchi testis adesset, castris abire jubet. Ille
 lacrumans orare, ne ea crederet: nihil dolo factum,
 ac magis calliditate Iugurthæ; cui videlicet specu-
 lanti iter suum cognitum esset: ceterum, quoniam
 neque ingentem multitudinem haberet; & spes, o-
 pesque ejus ex patre suo penderent; credere illum
 nihil palam ausurum, cum ipse filius testis adesset:
 quare optimum factum videri, per media ejus ca-
 stra palam transire; sese, vel præmissis, vel ibidem
 relictis Mauris, solum cum Sulla iturum. ea res, uti
 in tali negotio, probata: ac statim profecti, quia de
 improvviso accesserant, dubio, atque hæsitante Iu-
 gurtha, incolumes transeunt. dein paucis diebus,
 quo ire intenderant, perventum est. Ibi cum Boc-
 cho Numida quidam Aspar nomine, multum, &
 familiariter agebat, præmissus ab Iugurtha, post-
 quam Sullam accitum audierat, orator, & subdole
 speculator Bocchi consilia: præterea Dabar, Mas-
 sugradæ filius, ex gente Masinissæ, ceterum mater-
 no genere impar, nam pater ejus ex concubina or-
 tus erat, Mauro ob ingenii multa bona carus, ac-
 ceptusque: quem Bocchus fidum esse Romanis mul-
 tis antea tempestatibus expertus, illico ad Sullam
 nuntiatum mittit, paratum sese facere, quæ popu-
 lus R. vellet: colloquio diem, locum, tempus ipse
 deligeret: consulta sese omnia cum illo integra
 habere: neu Iugurthæ legatum pertimesceret; quo
 res communis licentius gereretur; nam ab insidiis
 ejus aliter caveri nequivilse. Sed ego comperior,
 Bocchum magis Punica fide, quam ob ea, quæ

prædica dab in

equumpe

abgrædumbe

p inoyui qvp in

et f f f f f f f f

in f f f f f f f f

prædicabat, simul Romanos, & Numidam spe pacis
attinuisse: multumque cum animo suo volvere so-
litum, Ingurtham Romanis, an illi Sullam trade-
ret: lubricinam adversum nos, metum pro nobis
suasisse. Igitur Sulla respondit, pauca se coram
Aspare locuturum, cetera occulte, nullo, aut quam
paucissimis præsentibus: simul edocet, quæ sibi
responderentur. Postquam, sicuti voluerant, con-
gressi; dicit se missum a consule venisse quæsitum
ab eo, pacem, an bellum agiturus foret. tum
rex, uti præceptum fuerat, post diem decimum re-
dire jubet; ac nihil etiam nunc decrevisse, sed il-
lo die responsurum. Dein ambo in castra sua di-
gressi. sed ubi plerumque noctis processit; Sulla a
Boccho occulte accersitur: ab utroque tantummo-
do fidi interpretes adhibentur. præterea Dabar in-
ternuncius, sanctus vir, *ex sententia* ambobus ju-
rat; ac statim rex sic incipit: Nunquam ego ratus
sum fore, uti rex maximus in hac terra, & omnium,
quos novi opulentissimus, privato homini gratiam
deberem. & hercule Sulla, ante te cognitum, mul-
tis orantibus aliis ultro egomet opem tuli, nullius
indigui: id imminutum, quod ceteri dolere solent,
ego lætor. fuerit mihi pretium, eguisse aliquando
tuæ amicitiae; quæ apud animum meum nihil carius
habeo. id adeo experiri licet: arma, viros, pecuniam,
postremo quidquid animo lubet, sume, utere: &
quoad vives, nunquam tibi redditam gratiam pu-
taveris: semper apud me integra erit: denique nihil
me sciente frustra voles. nam, uti ego existumo, re-
gem armis, quam munificentia, vinci, minus flagi-
tiosum. ceterum de rep. vestra, cujus curator huc
missus es, paucis accipe. Bellum ego populo R. ne-
que feci, neque factum unquam volui: finis meos
adversum armatos armis tutus sum. id omitto: quan-
do vobis ita placet, gerite, uti vultis, cum Ingurtha
bellum: ego flumen Mulucham, quod inter me &
Micipsam fuit, non egrediar, neque id intrare In-
gurtham sinum. præterea, si quid meque vobisque
dignum petiveris, haud repulsus abibis. Ad ea Sul-
la pro se breviter, & modice, de pace, & de com-
munibus rebus multis disseruit. denique regi pate-
fecit, quod polliceatur, senatum & populum R.
quoniam armis amplius valuissent, non in gratia
habituros: faciundum aliquid quod illorum magis,
quam sua, retulisse videretur: id adeo in promptu
esse

esse ; quoniam copiam Iugurthæ haberet : quem si Romanis tradidisset, fore uti illi plurimum deberetur : amicitiam, foedus , Numidiæ partem , quam nunc peteret , tunc ultro adventuram. Rex primum negitare ; cognationem, affinitatem, præterea foedus intervenisse : ad hoc meruere , ne fluxa fide usus popularium animos averteret : quibus & Iugurtha carus , & Romani invisi essent. denique sæpius fatigatus, lenitur , & ex voluntate Sullæ omnia se facturum promittit . ceterum ad simulandam pacem, cuius Numida defessus bello, avidissimus, quæ utilia visa , constituunt. ita , composito dolo , digrediuntur. At rex postero die Asparem, Iugurthæ legatum , appellat : dicitque sibi per Dabarem ex Sulla cognitum , posse conditionibus bellum componi : quamobrem regis sui sententiam exquireret. ille lætus in castra Iugurthæ proficiscitur. dein ab illo cuncta edoctus , properato itinere , post diem octavum redit ad Bocchum ; & ei nunciat , Iugurtham cupere omnia, quæ imperarentur, facere ; sed Mario parum fidere : sæpe antea cum imperatoribus Romanis pacem conventam, frustra fuisse : ceterum Bocchus , si ambobus consultum , & ratam pacem vellet, daret operam, uti una ab omnibus, quasi de pace , in colloquium veniretur , ibique sibi Sullam traderet : cum talem virum in potestate habuisset, tum fore, uti iussu S. P. Q. R. foedus fieret ; neque hominem nobile non sua ignavia , sed ob rempublicam in hostium potestate relictum iri. Hæc Maurus secum ipse diu volvens , tandem promisit. ceterum dolo an vere cunctatus , parum comperimus. Sed plerumque regis voluntates, ut vehementes , sic mobiles , sæpe ipsæ sibi adversæ. Postea, tempore & loco constituto, in colloquium uti de pace veniretur , Bocchus Sullam modo , modo Iugurthæ legatum appellare : benigne habere : idem ambobus polliceri. illi pariter læti, ac spei bonæ pleni esse. sed nocte ea , quæ proxima fuit ante diem colloquio decretum, Maurus adhibitis amicis, ac statim immutata voluntate, remotis ceteris dicitur secum ipse multum agitavisse, vultu, colore, ac motu corporis pariter atque animo varius : quæ scilicet, tacente ipso , occulta oris patefecisse. tamen postremo Sullam accersi jubet ; & ex illius sententia Numidæ insidias tendit. deinde , ubi dies advenit , & ei nunciatum est , Iugurtham haud procul abesse ;

cum paucis amicis, & quæstore nostro, quasi obvi-
us honoris causa procedit in tumulum facillu-
mum visu insidiantibus. eodem Numida cum ple-
risque necessariis suis inermis, uti dictum erat, ac-
cedit: ac statim signo dato, undique simul ex infi-
diis invaditur. ceteri obruncati: Iugurtha Sullæ
vinctus traditur, & ab eo ad Marium deductus. Per
idem tempus adversum Gallos ab ducibus nostris
Q. Scipione, & M. Manlio male pugnatum. quo
metu Italia omnis contremuerat. illique, & usque
ad nostram memoriam Romani sic habuere, alia
omnia virtuti suæ prona esse; cum Gallis pro sa-
lute, non de gloria certari. Sed postquam bellum
in Numidia confectum, & Iugurtham Romam vin-
ctum adduci nunciatum est; Marius consul ab-
sens factus est; & ei decreta provincia Gallia: is-
que Kalendis Ianuar. magna gloria consul trium-
phavit. Ex ea tempestate spes, atque opes civita-
tis in illo fixæ erant.

C. SAL-

C. SALLVSTII

CRISPI

HISTORIARUM

LIB. I.

D*Onatus & Pomp. Meßalinus.*
Res populi R. M. Lepido, Q. Catulo COSS.
ac deinde militiæ & domi gestas composui.

Servius & Acron.

Cato Romani generis disertissimus multa paucis absolvit.

Victorinus.

Fannius vere.

Servius.

Nos in tanta doctissimorum hominum copia.

Arustianus.

Neque me diversa pars in civilibus armis movit a vero.

Priscianus.

Nobis primæ dissensiones vitio humani ingenii evenere: quod inquires, atque indomitum, semper in certamine libertatis, aut gloriæ, aut dominationis agit.

Idem.

Nam a primordio urbis ad bellum Persi Macedonicum.

Victorinus & Augustinus.

Res Romana plurimum imperio valuit, Ser. Sulpitio & M. Marcello COSS. omni Gallia cis Rhenum, atque inter mare nostrum, atque Oceanum, nisi quæ à paludibus invia fuit, perdomita. Optumis autem moribus, & maxima concordia egit populus R. inter secundum atque postremum bellum Carthaginiense.

Augustinus.

At discordia, & avaritia, atque ambitio, & cetera secundis rebus oriri sueta mala, post Carthaginis exscidium maxime aucta sunt. nam injuriæ v alidiorum, & obeas discessio plebis a patribus, aliæque

aliæque dissensiones domi fuere jam inde à principio: neque amplius quam regibus exactis, dum metus a Tarquinio & bellum grave cum Etruria positum est, æquo & modesto jure agitatum: dein, ferili imperio patres plebem exercere; de vita atque tergo regio more consulere; agro pellere, & ceteris expertibus, soli in imperio agere. quibus sævitias, & maxime feneratoris onere oppressa plebes, cum assiduis bellis tributum simul & militiam toleraret, armata montem sacrum, atque Aventinum infedit. tumque trib. pl. & alia sibi jura paravit. discordiarum & certaminis utrinque finis fuit secundum bellum Punicum.

Agellius & Augustinus.

Postquam, remoto metu Punico, simultates exercere vacuum fuit, plurimæ turbæ, seditiones, & ad postremum bella civilia orta sunt: dum pauci potentes quorum in gratia plerique concesserant, sub honesto patrum aut plebis nomine dominationes affectabant, bonique & mali cives appellati, non ob merita in rempublicam, omnibus pariter corruptis, sed uti quisque locupletissimus, & injuria validior, quia præsentia defendebat, pro bono ducebatur. ex quo tempore majorum mores non paullatim ut antea, sed torrentis modo præcipitati: adeo juvenus luxu atque avaritia corrupta est, ut merito dicatur, genitos esse, qui neque ipsi habere possent res familiares, neque alios pati.

Agellius.

Igitur venditis proscriptorum bonis, aut dilargitis.

Idem.

Id bellum excitabat metus Pompeji victoris Hiempsaem in regnum restituentis.

Donatus & Arusianus.

Maximeque ferocia regis Mithridatis in tempore bellaturi.

Carisus.

Quin lenones & vinarii laniique, quorum præterea vulgus in dies usum habet, precio compositi.

Arusianus.

Genus armis ferox, & servitii insolitum.

M. Aemilij Lepidi Cos. ad P. R. oratio contra Sullam.

Clementia & probitas vestra, Quirites, quibus per ceteras gentis maximi, & clari estis, plurimum
timoris

timoris mihi faciunt, adversus tyrannidem L. Sullae: ne aut ipsi, nefanda quæ aestumatis, ea parum credendo de aliis, circumveniamini: præsertim cū illi spes omnis in scelere atque perfidia sit; neque se aliter tutum putet, quam si pejor arque intestabilior metu vestro fuerit, quo captivis libertatis curam miseria eximat: aut si provideritis, in tutandis periculis magis, quam in ulciscendo teneamini. Satellites quidem ejus, homines maximi nominis, non minus optimis majorum exemplis, nequeo satis mirari, dominationis in vos, servitium suum mercedem dant: & utrumque per injuriam malunt, quam optumo jure liberi agere: præclara Brutorum, atque Æmiliorum & Lutatorum proles, geniti ad ea, quæ majores virtute peperere, subvertenda. nam quid a Pyrrho, Hannibale, Philippoque & Antiocho defensum est aliud, quam libertas, & suæ cuique sedes; neu cui, nisi legibus, pareremus? quæ cuncta sævus iste Romulus, quasi ab externis rapta, tenet, non tot exercituum clade, neque consulis, & aliorū principum, quos fortuna belli consumpserat, satiatus; sed tum crudelior, cum plerosque secundæ res in miserationem ex ira verunt. quin solus omnium, post memoriā hominum, supplicia in post futuros composuit: quīs prius injuria quam vita certa esset: pravissimeque per sceleris immanitatem adhuc tutus fuit; dum vos, metu gravioris servitii, a repetunda libertate terremini. Agendum atque obviam eundum est, Quirites; ne spolia vestra penes illum sint: non prolatandum, neque votis paranda auxilia; nisi forte speratis, per tadium jam, aut pudorem tyrannidis, esse eum per scelus occupata, periculosius dimissurum. at ille eo processit, uti nihil gloriosum, nisi tutum, & omnia retinendæ dominationis honesta existimet. itaque illa quies, & otium cum libertate, quæ multi probi potius, quam laborem cum honoribus, capellebant, nulla sunt. hac tempestate serviundum, aut imperitandum: habendus metus est, aut faciendus, Quirites. nam, quid ultra? quæve humana superant, aut divina impolluta sunt? populus Romanus paulo ante gentium moderator, exutus imperio, gloria, jure, agitandi inops, despectusque, ne servilia quidem alimenta reliqua habet. Sociorum, & Latii magna vis, civitate pro multis, & egregiis factis, a vobis data, per unum prohiben-

tur : & plebis innoxiae patrias sedes occupavere pauci satellites, mercedē scelerum. Leges, judicia, ærarium, provinciæ, reges, penes unū; deniq; necis, civium, & vitæ licentia. simul humanas hostias vidistis, & sepulcra infecta sanguine civili. Estne viris reliqui aliud, quam solvere injuriam, aut mori per virtutem? quoniam quidem unum omnibus finem natura vel ferro septis statuit: neque quisquam extremam necessitatem nihil ausus, nisi muliebri ingenio, expectat. Verum ego seditiosus, uti Sulla ait, qui præmia turbarum queror; & bellum cupiens, quia jura pacis repeto. scilicet, quia non aliter salvi, satisque tuti in imperio eritis, nisi Vettius Picens, scriba Cornelius, aliena bene parata prodegerint: nisi approbaveritis omnis proscriptiones innoxiorum, ob divitias: cruciatus virorum illustrium; vastam urbem fuga, & cædibus; bona civium miserorum, quasi Cimbricam prædam, venum, aut dono datam. At objectas mihi possessiones ex bonis proscriptorum. quod quidem scelerum illius vel maximum est, non me, neque quemquam omnium satis tutum fuisse, si recte faceremus. atque illa quæ tum formidine mercatus sum, precio soluto, jure, dominis tamen restituo: neque pari consilium est, ullam ex civibus prædam esse. satis illa fuerint, que rabie contracta, toleravimus, manus conferentes inter se Romanos exercitus, & arma ab eternis in nosmet versa. scelerum & contumeliarum omnium finis fit. quorum adeo Sullam non poenitet, uti, & facta in gloria numeret, & si liceat, avidius fecerit. Neque jam, quid existimetis de illo, sed quantum vos audeatis vereor: ne, alius alium principem expectantes, ante capiamini, non opibus ejus, quæ fuitiles corruptæ sunt, sed vestra socordia, quam captum iri licet, & quam audeat tam videri felicem: nam præter satellites commaculatos, quis eadem vult; aut quis non omnia mutata, præter victoriam? scilicet milites: quorum sanguine, Tarulæ, Scyroque, pessumis servorum, divitiæ partæ sunt. an, quibus prælatus in magistratibus capiundis Fufidius, ancilla turpis, honorum omnium de-honestamentum? itaque maximam mihi fiduciam parit victor exercitus, cui per tot vulnera & labores, nihil præter tyrannum quæsitum est. nisi forte tribuniciam potestatem eversum profecti sunt

per

per arma, conditam a maioribus suis; utique jura & judicia sibimet extorquerent: egregia scilicet mercede, cum relegati in paludes & silvam, contumeliam atque invidiam suam, præmia penes paucos intellegerent. quare igitur tanto agmine atque animis incedit? quia secundæ res mire sunt vitiis obtentui: quibus labefactatis, quam formidatus antea est, tam contemnetur. nisi forte specie concordiae & pacis, quæ sceleri & parricidio suo nomina indidit: neque aliter populo Romano esse belli finem ait, nisi maneat expulsa agris plebes, præda civilis acerbissima, jus, judiciumque omnium rerum penes se, quod populi Romani fuit. quæ, si vobis pax, & concordia intelliguntur, maxima turbamenta reipub. atque exitia probate: annuite legibus impositis: accipite otium cum servitio: & tradite exemplum posteris ad populum Romanum fuimet sanguinis cæde circumveniendum. mihi, quamquam per hoc summum imperium satis quæsitum erat nomini majorum, dignitati, atque etiam præsidio; tamen non fuit consilium, privatas opes facere; potiorque visa est periculosa libertas, quieto servitio. Quæ si probatis, adeste Quirites; &, bene juvantibus diis, M. Æmilium Consulem ducem & authorem sequimini ad recipiendam libertatem.

Nonius, irritare, provocare.

Tunc vero & posci. cum ceteri ejusdē causæ ducem senatus rati, maximo gaudio bellum irritare. *Priscianus lib. x.*

Curionem quæsit, uti adolescentior, & populi suffragiis integer, ætati concederet Mamerci.

Servius lib. ix.

Philippus qui ætate & consilio ceteros anteibat. *Oratio L. Philippi contra Lepidum.*

Maxume vellem P. C. remp. quietam esse, aut in periculis, promptissimo quoque defendi. denique prava incepta consultoribus noxæ esse. sed contra seditionibus omnia turbata sunt, & ab iis, quos prohibere magis decebat. postremo quæ pessimi & stultissimi decrevere, ea bonis & sapientibus faciunda sunt. nam bellum atque arma, quamquam vobis invisa, tamen, quia Lepido placent, sumenda sunt. nisi forte cui pacem præstare, & bellum pari consilium est. Prô, dii boni, qui hanc urbem, omnia cura, adhuc regitis; M. Æmilius omnium

flagitiosorum postremus, qui, pejor an ignavior sit, deliberari non potest; exercitum opprimundæ libertatis habet, & se e contempto metuendum efficit: vos mullantes, & retractantes verbis, & vatum carminibus, pacem optatis magis quam defenditis: neque intellegitis mollitia decretorum, vobis dignitatem, illi metum detrahi. atque id jure: quoniam ex rapinis consularum, ob seditionem provinciam cum exercitu adeptus est. quid ille ob benefacta cepisset, cujus sceleribus tanta præmia tribuistis? At scilicet, ii, qui ad postremum usque, legatos, pacem, concordiam, & alia hujusmodi decreverunt, gratiam ab eo peperere. imo despecti & indigni rep. habiti, prædæ loco æstuantur: quippe metu pacem repetentes, quo habitam amiserant. Equidem a principio, cum Etruriam conjurare, proscriptos accersiri; largitionibus rem publicam lacerari videbam; maturandum putabam, & Catuli consilia cum paucis secutus sum. ceterum illi, qui gentis Æmiliæ benefacta extollebant, & ignoscendo populi Romani magnitudinem auxisse, nusquam etiam tum Lepidum progressum videbant; cum privata arma opprimundæ libertatis cepisset, quisque opes, aut patrocinia quærendo, consilium publicum corruerunt. at tum erat Lepidus latro cum calonibus, & paucis sicariis, quorum nemo non diurna mercede vitam mutaverit: nunc est proconsul cum imperio, non empto, sed dato a vobis, cum legatis adhuc jure parentibus: & ad eum concurrere homines omnium ordinum corruptissimi, flagrant inopia & cupidinibus, scelerum conscientia exagitati: quibus quies, in seditionibus, in pace, turbæ sunt: hi tumultum ex tumultu, bellum ex bello ferunt. Saturnini olim, post Sulpicii, dein Marii, Damasippique, nunc Lepidi satellites. præterea Etruria, atque omnes reliquæ belli arrectæ: Hispaniæ armis sollicitatæ: Mithridates in latere vectigalium nostrorum, quibus adhuc sustentamur, diem bello circumspicit: quin, præter idoneum ducem, nihil abest ad subvertendum imperium. quod ego vos oro, atque obsecro P.C. ut animadvortatis; neu patiamini licentiam scelerum, quasi rabiem, ad integros contactu procedere. nam, ubi malos præmia sequuntur, haud facile quisquam gratuito bonus est. An expectatis dum exercitus adversus admoto, ferro, atque flamma urbem invadat? quod

ubidu

gratig

stigia

spiqn

dund

Si

spiqn

dund

quod multo propius est ab eo, quo agitatur, statu, quam ex pace & concordia ad arma civilia: quæ ille adversum divina & humana omnia cepit, non pro sua, aut quorum simulat injuria, sed legum ac libertatis subvertendæ. angitur enim, ac laceratur animi cupidine, & noxarum metu, expers consilii, inquires; hæc atque illa tentans, metuit otium, odit bellum; luxu atque licentia carendum videt, atque interim abutitur vestra socordia. neque mihi satis consilii, metum, an ignaviam, an dementiam eam appellem: qui videmini intenta mala quasi fulmen optare se quisque ne attingat, sed prohibere ne conari quidem. & quæso considerare quam conversa rerum natura sit. antea malum publicum, occulte, auxilia palam instruebantur, & eo boni malos facile anteibant. nunc pax, & concordia disturbantur palam; defenduntur occulte: quibus illa placent, in armis sunt; vos, in metu. quid exspectatis? nisi forte pudet, aut piget recte facere. an Lepidi mandata animos movent? qui placere ait sua cuique reddi, & aliena tenet; belli jura rescindi, cum ipse armis cogat: civitatem confirmari, quæ ademptam negat: concordiae gratia plebei tribuniciam potestatem restitui, ex qua omnes discordiae accensæ. Pellume omnium, atque impudentissimæ, tibine egestas civium, & luctus curæ sunt, cui nihil est domi, nisi armis partum, aut per injuriam? alterum consulatum petis, quasi primum reddideris: bello concordiam quæris, quo parta disturbatur: nostri proditor, istis invidus, hostis omnium bonorum, ut te neque hominum, neque deorum pudet, quos præsidia aut perjurio violasti! qui, quando talis es, maneat in sententia, & retineas arma, te hortor: neu prolataudis seditionibus inquires ipse, nos in solitudine retineas. neque te provinciae, neque leges, neque dii penates civem patiuntur. perge, qua coepisti, ut quæ maturime merita invenias. vos autem patres C. quousque cunctando remp. intutam pariemini, & verbis arma tentabitis? delectus adversum vos habitus; pecuniæ publice, & privatim extortæ, præsidia deducta atque imposita; ex lubricine leges imperantur: cum interim vos legatos & decreta paratis. & quanto mehercule avidius pacem petieritis, tanto bellum acrius erit; cum intellet se metu magis, quam æquo & bono sustentatum. nam, qui turbas, & cæ-

dem civium odisse ait, & ob id armato Lepido vos inermos retinet; quæ victis toleranda sunt, ea, cum facere possitis, patiamini potius censeret. ita illi a vobis pacem, vobis ab illo bellum suadent. Hæc si placent; si tanta torpedio animos oppressit, uti obli-ri scelerum Ciunæ, cujus in urbem reditu, decus, atque ordines omnes interierunt, nihilo minus vos, atque conjuges, & liberos, Lepido permissuri sitis; quid opus decretis? quid auxilio Catuli? quin is & alii boni remp. frustra curant. agite, uti lubet; parate vobis Cethegi, atque alia proditorum patrocinia, qui rapinas & incendia instaurare cupiunt, & rursus advorsum deos penates manus armare. sin libertas & bella magis placent: decernite digna nomine, & augete ingenium viris fortibus. adest novus exercitus, & ad hoc, coloniæ veterum milium, nobilitas omnis, duces optimi; fortuna meliores sequitur. jam illa, quæ collecta sunt socordia nostra, dilabentur. Quare ita censeo, quoniam Lepidus exercitum privato consilio, paratum cum pessumis, & hostibus reip. contra hujus ordinis auctoritatem ad urbem ducit; uti Appius Claudius interrex cum Q. Catulo proconsule, & ceteris quibus imperium est, urbi præsidio sint; operamque dent ne quid resp. detrimenti capiat.

Carissus lib. 11.

Uti Lepidus, & Catulus decretis exercitiis maturume proficiscerentur.

Servius. Marius Victorinus in Ciceronem.

M. Lepido cum omnibus copiis Italia pulso, segnior neque minus gravis, sed multiplex cura patres exercebat.

Arsianus Messus.

Obviam ire, & commori hostibus.

Carissus lib. 111.

Lepidus poenitens consilii.

Nonius, Competere, rei cujusque meminisse aut constanter valere.

Sic vero quasi formidine attonitus, neque animo, neque auribus, aut lingua competere.

Arsianus.

Prudens omnium quæ senatus censuerat.

Festus.

Magnis operibus profectus, obsidium cepit, per L. Catilinam legatum.

Priscianus lib. x. Arcessivit, inquit est, lacecessivit.

Domitium

Domitium proconsulem ex citeriori Hispania
cum omnibus copiis, quas paraverat, arcessivit.

Carisius lib. i. aliter pro alias.

Sanctus aliter, & ingenio validus.

Servius lib. xi. Aeneidos. Arusianus Messus.

Gens raro egressa finis suos.

Priscianus lib. x.

Nisi cum ira belli desenuisset.

Arusianus Messus.

Maturaverunt exercitum Dyrrhachium cogere.

Nonius. Servius ad xi. Aeneidos.

Illo profectus, vicos, castellaque incendere, &
fuga cultorum deserta, igni vastare: neque elato
aut securo esse animo, meru gentis ad furta belli
peridoneæ.

Donatus ad Phormionem Terentii.

Liberis ejus avunculus erat.

Arusianus Messus.

Nihil ob tantam mercedem sibi abnuituros.

Carisius lib. i. aliter pro alias.

Infantum aliter sua sententia, atque aliarum mi-
lierum.

Idem lib. ii. Asper Sallustianæ historiae commentario,
Recens nunc adverbium, nunc nomen esse docet: potest
esse & temporis, ut hic,

Recens scripsi.

Donatus Phorm. act. v. scena viii.

Solis viis.

Priscianus lib. x. Servius ii. Georg. Virg. Diomed.
lib. i. cap. iiii.

Inssu Metelli cornicines occanuerunt.

Priscianus lib. x.

Nexuit carenæ modo.

Arusianus Messus.

Doctus militiam.

Priscianus lib. x.

Neque se recipere aut instruere prælio quivere.

Idem lib. iiii.

Equi sine rectore exterriti, aut faucii consternant-

Priscianus lib. v.

Occupatusque collis editissimus apud Hiler-
dam: & cum multa opera circumdata.

Priscianus lib. xviii. regule pro requiei.

At inde nulla munitionis, aut requie mora, pro-
cessit ad oppidum.

Caris. lib. i.

Agreste.

M. Fabius Victorinus de invent. Ciceronis lib. 1.

Ardebat omnis Hispania citerior.

Nonius.

* & ponere validam urbem multos dies restan-
tem pugnando vicit.

Agellius lib. 10. c. 26. Nonius Marcellus.

Itaque Sertorius, levi præsidio relicto in Mau-
ritania, nactus obscuram noctem, æstu secundo, fur-
tivaque celeritate, vitare proelium in transgressu
conatus est.

Idem ibidem.

Transgressos omnis, recipit mons Ballera, præ-
ceptus a Lusitanis.

Idem.

Earum aliæ paullulum progressæ, nimio simul
& incerto onere, cum pavor corpora agitaverat,
deprimebantur.

Servius VIII. Æneidos Arusianus Messus.

Locū editiorem, quam victoribus decebat, capit.
Nonius.

Et mox Fufidius adveniens cum legionibus, post-
quam tantas asperitates, haud facilem pugnantis
vadum, cuncta hosti quā suis opportuniore videt.

Servius Fuldaus. Messus.

Cum Sertorius neque erumperet, tam levi copia
navibus fugam maturabat.

Arusianus.

Itineris eorum Metellus per litteras guarus.

Priscianus. Nonius.

Itaque Servilius ægrom Tarenti collegam prior
transgressus, iter vortit ad Corycum urbem inclu-
tam: pastusque nemore, in quo crocum gignitur.

Priscianus.

Ad Olympum atque Phaselida.

Idem.

Apud Corycum.

Idem. Servius ad 1. Æneidos.

Apud Lethe oppidum, cui nomē oblivionis con-
diderant.

Idem. Priscianus.

Repulsus a Lethe oppido.

Idem.

Apud Mutinam.

Idem.

Apud

Apud Præneste locatus.

Messius.

Medio diei.

Idem.

Quietam a bellis civitatem.

Idem.

Militiæ peritus.

Nonius. Servius.

Sertorius portis turbam morantibus, & nullo, ut in terrore solet, generis aut imperii discrimine, per calorum corpora, ad medium quasi deiusuper adstantium manibus in murum attollitur.

Priscianus lib. xv.

Neque detrusus aliquotiens terretur.

Idem.

Dubitavit acie pars.

Carisius,

Quos inter maxime.

Carisius.

Rumore primo.

Servius lib. iv. Æneidos: Ambire significat, & rogare. Sallustius in Iugurtha. Quos ego audio ambire, fatigare vos singulos. Dicebatur & ambio illum pro rogo. Sallust. in i. Idem fecere &c.

Idem fecere Octavius & Q. Cæpio sine gravi cuiusquam expectatione, neque sane ambitu publici.

Idem.

Cum aræ & alia diis sacrata supplicum sanguine fœdarentur.

Idem ad illud xi. Æneidos.

-----per everſæ genitor ſumantia Trojæ

Excidia obteſtor.

Postremo ipsos colonos per miseras & incerta humani generis orare.

Idem.

Ea paucis quibus peritria & verum ingenium est abnuentibus.

Idem ad xii. Æneidos.

Perpenna tam paucis profectus vera est æstima-

C. SALLVSTII

CRISPI

HISTORIARUM

LIBER II.

Agellius lib. xiiii. cap. xviii. Nonius: Faciem totius corporis formam, ὡς ὅσῳ ὅσῳ, id est, os, posuit antiquitas prudens; ut ab aspectu species, & a fingendo figura, ita a factura corporis facies. Sallust. hist. lib. ii. Sardinia &c. Isidorus.

Sardinia in Africo mari facie vestigii humani, in orientem, quam in occidentem latior prominet, *Solinus.*

Inde Ichnusa appellata.

Nonius, lavit pro lavat.

Dubium an insula sit, quod Euri, atque Austri superjactis fluctibus, circumlavit.

Notat Agellius lib. x. cap. xx. Sallustium proprietatis in verbis retinentissimum consuetudini concessisse, & privilegium, quod de Cn. Pompeii Magni patris reditu ferebatur, legem appellasse.

Nam Sullam consulem de reditu ejus legem ferentem ex composito trib. pl. C. Herennius prohibuerat.

Carisius. Asper, procul, inquit, est e loco.

Nam procul, & diversis ex regionibus.

Carisius ibidem. Asper, ait, vetuste obviam fuere, adverbio quam nomine uti maluit.

Obviam fuere.

Messus.

Vrbe, patriaue extorres.

Idem.

Genus militum fuetum a pueritia latrocinii.

Pri/cianus lib. v. & vi. Turiam dixit, qui accusativus generis masculini est, non neutri.

Inter læva moenium, & dextrum flumen Turiam, quod Valentiam parvo intervallo præterfluit.

Do-

Donatus Phorm. act. 1. sc. 111. & Hecyr. actu. 1v. sc. 1v. Nonius. Fiducia est audacia. Servius.

Ita fiducia, quam argumentis, purgatiores dimittuntur.

Arustianus.

Antequam regressus Sertorius instrueret pugnae suos.

Idem.

Ipse animi atrox.

Idem.

Copiis integra.

Nonius, dicere est promittere.

Eodem anno in Macedonia C. Curio, principio veris cum exercitu profectus in Dardaniam, quibus potuit modis dictas pecunias coëgit.

Arustianus.

Post, ubi fiducia nimius,

Priscianus lib. vi.

Sed ipsi ferunt taurum ex grege, quem prope litora regebat Corfa nomine Ligus mulier.

Isidorus lib. 14. cap. 6. Nam quædam Corfa nomine Ligus mulier cum taurum ex grege, quæ prope litora regebat, transnatare solitum, atque per intervalla corpore aucto remeare videret, cupiens scire incognita sibi pabula, taurum a ceteris degredientem, usque ad insulam navigio profecta est. Cujus regressu insulæ fertilitatem cognoscentes Ligures, ratibus eo profecti sunt, eamque nomine mulieris auctoris & ducis appellaverunt.

Donatus actu 1v. sc. 11. Andrie.

Ne illa tauro prata sint.

Priscianus lib. vi. Servius.

Dædalum ex Sicilia profectum, cum Minois fugeret iram, atque opes.

Priscianus lib. i.

Quem ex Mauritania rex Leptasta proditiōis infimulatum cum custodibus miserat.

Priscianus lib. x.

Quos advorsum multi ex Bithynia volentes occurrere, falsum filium arguituri.

Messus.

Vt actione desisteret.

Carisius lib. 11.

Vespera.

Priscianus lib. x.

Ar

Argentum mutuum arcessivit.

Priscianus lib. vi.

Eam deditionem senatus, per nuncios Orellis cognitam, approbat.

Idem, ibidem.

Nisi qua flumen Lurda Tauro monte defluens.

Arustianus. Servius lib. i. Æneidos.

Frugum, pabulique lætus ager.

Messus.

Neque virgines nuptum a parentibus mittebantur, sed ipsæ belli promptissimos delegebant.

Donatus Phor. act. i. Sc. ii.

Modestus ad omnia alia, nisi ad dominationem.

Carissus lib. ii.

Noctu, dique stationes, & vigilias tentare.

Priscianus lib. vii. & Nonius.

At Lucillum regis cura machinata fames brevi fatigabat. Multique commeatus interierant insidiis latronum.

Priscianus lib. viii.

Namque primum Iasonem novo itinere maris Ætæe hospitis domum violasse.

Priscianus lib. v.

Tartessum Hispaniæ civitatem, quam nunc Tyrî mutato nomine Gadir habent.

Priscianus lib. x. Soluerat autem est solitus fuerat.

Neque subsidiis, uti soluerat, compositis.

Idem ibidem.

Neque inermos ex proelio viros quemquam agnoturum.

Arustianus. Nonius in Gravis.

Ea continentia vir gravis, & nulla arte cuiquam inferior.

Arustianus.

Omnes qui circum sunt, præminent altitudinis millium passuum duorum.

Donatus.

* & Poeni ferunt adversus A. N. C. M.

Priscianus lib. vi.

Quia corpore, & lingua percitum, & inquietem, nomine histrionis vix sani, Barbulejum appellabant.

Idem xv.

Audaciter.

Nonius: obsequium neut. genere, obsequela fere.

Ibi Fimbriana seditione qui regi per obsequelam oratio.

orationis, & maxime odium Sullæ, graves, carique erant.

Nonius, deturbare.

Moenibus deturbat.

Idem.

Emuris canes sportis demittebant.

Idem.

Ad hoc rumoribus, adversa in pravitatem; secunda in casum; fortunam in temeritatem declinando corrumpabant.

Macrobius Saturnal. lib. 111. cap. x111. Nonius. Sospiter lib. 1.

At Metellus in ulteriorem Hispaniam post annum regressus; magna gloria concurrentium undique virile & muliebre secus, per vias ac tecta omnium visebatur: cum quæstor C. Urbinus, alique, cognita voluntate, eum ad cenam invitaverant; ultra Romanorum, & mortalium etiam morem curabant, exornatis ædibus per aulæa & insignia, scenisque ad ostentationem histrionum fabricatis; simul croco sparsa humus, & alia, in modum templi celeberrimi. præterea cum sedenti transfenna demissum Victoriæ simulacrum cum machinato strepitu tonitruum coronam capiti imponebat: tunc venienti ture quasi deo supplicabatur. toga picta plerumque amiculo erat ei accumbenti: epulæ quæsitissimæ; neque per omnem modo provinciam, sed trans maria, ex Mauritania volucrum, & ferarum incognita antea plura genera. quibus rebus, aliquantam partem gloriæ dempserat, maxime apud veteres & sanctos viros, superba illa, gravia, indigna R. imperio existimantes.

Nonius.

Ruuntque pars magna suismet, aut proxumoris telis, ceteri vice pecorum obtruncabantur.

Idem.

Occurrere duci, & proelium accendere, adeo, uti Metello in sagum, Hirtulejo in brachium tela venirent.

Idem.

Avidisque ita, promptisque ducibus, uti Metellus ictu tragulæ fauciaretur.

Donatus actu v. scena 11. And.

Sed Metellus in vulnere.

Nonius.

Primo incidit forte per noctem in renunculo piscantis,

Idem.

Idem in Piratica navicula.

Ad hoc pauca piraticæ adjungit ætænavaria navigia.
Arustianus.

Omnia sacrata corpora in ratem imposuisse.
Idem.

Suos equites hortatus vado transmittit.

Donatus Adelph. act. 111. sc. 11.

Ictu eorum qui in flumine ruebant, necabantur.
Arustianus.

Circumventi dextra, unde ferrum erat, saxa, aut quid tale capiti affligebant.

Donatus ad Phorm. act. 1. sc. 1v.

Sed Metellus in ulteriore provincia.

Nonius, Nomen positum pro adverbio.

Immane quantum animi exarsere.

Servius F. Ursini.

At illi quibus res incognita erat, ivere cuncti ad portas incognita tendere.

Servius Fuldianus.

Murum ab angulo dextri lateris ad paludem haud procul remotam duxit.

C. SALLUSTII

CRISPI

HISTORIARUM

LIBER III.

Macrobius lib. 1. capite 1v. Saturnal. Nonius.

Exaudiri que sonus Bacchanaliorum.

Priscianus lib. x. Nonius.

Diversa, uti solet rebus perditis, capessunt. namque alii fiducia gnaritatis locorum occultam fugam sparsi; alii, globis eruptionem tentavere.

Idem lib. vi. Probus Catholicis.

Vnus constitit in agro Lucano, gnarus loci, nomine Publipor.

Priscianus lib. vi.

Male jam assuetum ad omnis vis controversiarum.

Idem lib. x.

Coniuratione claudit.

Nonius in Mador.

Quasi par in oppido festinatio, & ingens terror erat, ne ex latere nova munimenta madore infirmarentur: nam moenia oppidi stagnabant, redundantibus cloacis aduerso aestu maris.

Priscianus lib. vi.

Equis, & armis decoribus cultus.

Idem.

Dedecores, inultiq; terga ab hostibus cedeabantur.

Idem lib. viii. Nonius in Calvitur.

Contra ille calui ratus quærebat num somnio thesaurus portenderetur.

Priscianus lib. x.

Parte consumpta, reliqua cadaverum ad diuturnitatem usus fallerent.

Epistola Cn. Pompeji ad Senatum.

Si advorsus vos, patriamque, & deos penates, totiens labores & pericula suscepissem, quotiens a prima adolescentia ductu meo scelestissimi hostes fusi, & vobis salus quæsita est: nihil amplius in absentem me statuissetis, quam adhuc agitis P. C. quem contra ætatem projectum ad bellum sævissimum, cum exercitu optume merito, quantum est in vobis, fame, miserruma omnium morte, confecistis. Hac in spe populus R. liberos suos ad bellum misit, hæc sunt præmia pro vulneribus, & totiens ob remp. fuso sanguine? fessus scribundo, mittundoq; legatos, omnis opes & spes privatas meas consumpsi: cum interim a vobis per triennium vix annuus sumptus datus est. per deos immortalis, utrum censetis me vicem ærarii præstare, an exercitum sine frumento & stipendio habere posse? equidem fateor me ad hoc bellum majore studio, quam consilio, profectum: quippe qui nomine modo imperii a vobis accepto, diebus quadraginta exercitum paravi; hostisque in cervicibus jam Italiæ agentis ab Alpibus in Hispaniam summovi. per eas, iter aliud atque Hannibal, nobis opportunius patefeci. recepi Galliam, Pyrenæum, Lacetaniam, Illegertum: & primum impetum Sertorii victoris novis quidem militibus, & multo paucioribus sustinui: hiememque in castris inter sævissimos hostis, non per oppida, neque ex ambitione mea, egi. quid dein proelia, aut expeditiones hibernas, oppida excisa, aut recepta enumerem? quando

res

.igi.

c 25 2

c 52 2

.121.

c 119 2

res plus valent quam verba. castra hostium apud Sucronem capta, & proelium apud flumē Durium, & dux hostium C. Herennius cum urbe Valenia, & exercitu deleti, satis clara vobis sunt. pro quīs, o grati patres, egestatem, & famem redditis. itaque meo & hostium exercitui par conditio est. namque stipendium neutri datur: victor uterque in Italiam venire potest. quod, ego vos moneo, quaesoque, ut animadvortatis, neu cogatis necessitatibus privatim mihi consulere. Hispaniam citeriorem, quæ non ab hostibus tenetur, nos aut Sertorius ad internecionem vastavimus; præter maritimas civitates, quæ ultro nobis sumptui, onerique. Gallia superiore anno Metelli exercitum stipendio frumentoque aluit: & nunc malis fructibus, ipsa vix agitat. ego non rem familiarem modo, verum etiam fidem consumpsi. reliqui vos estis: qui nisi subvenitis, invito & prædicente me, exercitus, hinc, & cum eo omne bellum Hispaniæ in Italiam transgredietur.

Nonius, Grave est multum.

Namque his, præter solita vitiosis magistratibus, cum per omnem provinciam infecunditate biennii proximi grave pretium fructibus esset.

Idem, Satias pro satietas.

Hi saltibus occupatis tum externorum agros invasere: frumentique ex inopia gravi satias facta.

Idem, gliscit est congelascit, colligitur, ignescit, crescit.

Neque jam sustineri poterat immensum aucto mari, & vento gliscenti.

Idem, Munia, officia.

Ac tum maxime, uti solet extremis in rebus, sibi quisque carissimum domi recordari, cunctique omnium ordinum extrema munia sequi.

Idem in voce Faselus, & Myoparo.

Et forte in navigando cohors una, grandi faselo vecta, a ceteris deerravit, marique placido a duobus prædonum myoparonibus circumventa.

Idem, & Carisus lib. 1.

Eum, atque Metrophanem senatus magna industria perquirebat, cum per tot scaphas, quas ad ostia cum paucis fidis percunctatum miserant.

Idem.

Duos quam maximos utres levi tabulæ subiecit: qua super omni corpore quietus invicem tractu pedis quasi gubernator existeret: ea inter molem, atque

atque insulam mari vitabundus classem hostium,
ad oppidum pervenit.

Idem, & Arustianus Messus.

Nam qui enare conati fuerant, icti saepe ferra-
mentis navium, aut vulnerati a suis, aut afflicti
alveos undarum vi, multato foede corpore, postre-
mo tamen periere.

Nonius.

Nam tertia tunc erat; & sublima nebula coelum
obscurabat.

Idem.

Illum nautis forum.

Oratio M. Lepidi tr. pl. ad plebem.

Si Quirites, parum existimaretis, quid inter ius a
majoribus relictum vobis, & hoc a Sulla paratum
servitium interesset, multis mihi differendum fuis-
set, docendumque quas ob injurias, & quotiens a
patribus armata plebes secessisset; utique vindices
paravisset omnis juris sui tribunos pleb. nunc hor-
tari modo reliquum est, & ire primum via, qua ca-
pellundam arbitror libertatem. neque me praeterit
quantas opes nobilitatis solus, impotens, inani spe-
cie magistratus, pellere dominatione incipiam;
quantoque tutius factio noxiorum agat quam soli
innocentes. sed praeter spem bonam ex vobis, quae
metum vicit, statui certaminis advorsa, pro liber-
tate potiora esse forti viro, quam omnino non cer-
tavisse. quamquam omnes alii creati pro jure ve-
stro vim cuncta, & imperia sua gratia, aut spe, aut
praemiis in vos convortere; meliusque habent, mer-
cede delinquere, quam gratis recte facere. itaque
omnes concessere jam in paucorum dominatione,
qui per militare nomen, aeternum, exercitus, regna,
provincias occupavere, & arcem habent ex spoliis
vestris; cum interim more pecorum vos multitudo
singulis habendos, fruendosque praebetis, exsuta
omnibus, quae majores reliquere: nisi quia vosmet
ipsi per suffragia, ut praesides olim, nunc dominos
destinatis. itaque concessere illuc omnes: & mox si
veltra receperitis, ad vos redibunt plerique. rarus
enim animus est ad ea, quae placent, defendenda. ce-
tera validiorum sunt. an dubium habetis, ne office-
re quid vobis uno animo pergentibus possit, quos
languidos socordesque pertinuere? nisi forte C.
Cotta ex factione media consul, aliter quam metu,
jura quaedam tribunis pleb. restituit: & quamquam

L. Sicinius

L. Sicius primus de potestate trib. loqui ausus, mustantibus vobis circumventus erat: tamen prius illi invidiam metuere, quam vos injuriæ pertæsum est. quod ego nequeo satis mirari Quirites. nam spem frustra fuisse intellexistis. Sulla mortuo, qui scelestum imposuerat servitium, finem mali credebatis. ortus est longe sævior Catulus. tumultus intercessit Bruto, & Æmilio Mamerco C O S S. dein C. Curio ad exitium usq; insontis tribuni dominatus est. Lucullus superiore anno quantis animis ierit in L. Quinctium, vidistis: quantæ deniq; nunc mihi turbæ cōcitantur. quæ profecto incassum agerentur, si, prius quam vos serviundi finem, illi dominationis facturi erant: præsertim cum his civilibus armis dicta alia, sed certatum utrimque de dominatione in vobis sit. itaque cetera ex licentia, aut odio, aut avaritia in tempus arferere. permanfit una res modo, quæ utrimque quæsitæ est: & erepta in posterum vis tribunicia, telum a maioribus libertati paratum. quod ego vos moneo, quæsoque, ut animadvertatis: neu nomina rerum ad ignaviæ mutantes, otium pro servitio appelletis. quo iam ipso frui, si vera & honesta flagitium superaverit, non est conditio: fuisset; si omnino quiessetis. nunc animum advortite: & , nisi viceritis, quoniam omnis injuria gravitate tutior est, artius habebunt. quid censes igitur? aliquis vestrum subjecerit. Primum omnium, omittendum morem hunc quem agitis, impigræ linguæ, animi ignavi, non ultra cōcionis locum memores libertatis. dein ne vos ad virilia illa vocem, quo tribunis plebei mandando patriciū magistratum, libera ab auctoribus patriciis suffragia majores vestri paravere: quamvis Quirites in vobis sit, ut, quæ julla nunc pro aliis toleratis, pro vobis agere aut non agere certe possitis. Iovem aut alium quem deum consultorem expectatis? magna illa consulum imperia & patrum decreta, vos exsequendo rata efficiis Quirites: ultroque licentiam in vos auctum, atque adjutum properatis. neque ego vos ultum injurias hortor; magis uti requiem capiatis: neque discordias, uti illi criminantur, sed earum finem volens jure gentium res repeto: & , si pertinaciter retinebunt, non arma, neque secessionem, tantummodo ne amplius sanguinem vestrum præbeatis censeo. gerant, habeantque

antque suo modo imperia; querant triumphos: Mithridatem, Sertorium & reliquias exfulum persequantur cum imaginibus suis. absit periculum & labos, quibus nulla pars fructus est; nisi forte repentina ista frumentaria lege munia vestra pensantur. qua tamen quinis modis libertatem omnium aestumavere, qui profecto non amplius possunt alimentis carceris. namque ut illis exiguitate mors prohibetur; senescunt vires: sic neque absolvit cura familiari tam parva res; & ignavissimi quiq; tenuissima spe frustrantur: quæ tamen quamvis ampla, quoniam servitii pretium ostendatur, cuius torpedinis erat decipi & vestrarum rerum ultro injuria gratiam debere? namque alio modo, neque valent in universos, neq; conabuntur. cavendus tamen dolus est. itaque simul comparant delinimenta, & differunt vos in adventum Cn. Pompeji: quæ ipsum ubi pertinuere, sublatum in cervices suas, mox demto metu lacerant. neque eos pudet vindices, uti se ferunt, libertatis, tot viros sine uno, aut remittere injuriam non audere, aut jus non posse defendere. mihi quidem satis spectatum est, Pompejum tantæ gloriæ adolescentem malle principem volentibus vobis esse, quam illis dominationis socium, auctoremque in primis fore tribuniciæ potestatis. verum, Quirites, antea singuli cives in pluribus, non in uno cuncti præsidia habebatis: neque mortalium quisquam dare, aut eripere, talia unus poterat. itaque verborum satis dictum est. neque enim ignorantia res claudit verum occupavit vos nescio quæ torpido, quia neque gloria movemini, neque flagitio; cunctaque præsentī ignavia mutastis: abunde libertatem rati, quia tergis abstinetur, & huc ire licet atque illuc, munere ditium dominorum. atque hæc eadem non sunt agrestibus; sed cæduntur inter potentium inimicitias, donoque dantur in provincias magistratibus. ita pugnatur, & vincitur a paucis: plebes, quodcunque accidit, pro victa est: & in dies magis erit: si quidem majore cura dominationem illi rerinuerint, quam vos repetiveritis libertatem.

Messus.

Postquam egressus angustias.

Ex eodem.

Ad Cyzicum perrexit firmatus animi.

Idem, & Servius.

Vt sustinere corpora plerique nequeuntes, fessi,
arma sua quisque stantes incumberent.

Nonius.

Ac statim fugitivi, contra praeceptum ducis, ra-
pere ad stuprum virgines, matronasque.

Servius.

Quibus a Sertorio triplices insidiae per idoneos
saltus positae erant: prima, quae fonte venientes
exciperet.

Arusianus.

Ingens ipse virium, atque animi.

Idem.

Locum nullum nisi in quo armati institissent.

Nonius, Pugio est brevis gladius.

At Oppius postquam orans nihil proficiebat, ti-
mide veste relictum pugionem expedire conatus, a
Cottra, Vulscioque impeditur.

Idem.

Castrisque collatis, pugna tamen ingenio loci pro-
hibebatur.

Nonius.

Sed Pompejus a prima adolescētia, sermone fau-
zorū, similem fore se credens Alexandro regi, fa-
cta, consultaque ejus quidem aemulus erat.

Arusianus.

Dubius consilii.

Idem.

Post reditum eorum, quibus senatus belli Lepi-
dani gratiam fecerat.

Nonius.

Quod ubi frustra tentatum est, socordius ire mi-
lites occoepere, non aptis armis, uti in principio,
laxiore agmine.

Idem.

Atque eum Curio laudatum, accensumque pre-
miorum spe, quibus cum optavisset, ire jubet.

Idem.

Eodem tempore Lentulus duplici acie locum e-
ditum multo sanguine suorum defensus, postquam
ex sarcinis paludamenta aditari, & delectae cohor-
tes intelligi coepere.

Priscia-

EX SARVINIS

205 IN IIII 20

302 IN IIII 302 302 30

EX SARVINIS 205 IN IIII 20

EX SARVINIS 205 IN IIII 20

205 IN IIII 205 IN IIII 20

Priscianus lib. xiv.

Si nihil ante adventum suum inter plebem & patres convenisset, coram se daturum operam.

Arustianus.

Fine inguinum ingrediuntur mare.

Idem.

M. Antonius perdundæ pecuniæ genitus, vacuusque curis, nisi instantibus.

Idem.

Muros successerant.

Nonius. Servius.

Saxaque ingentia, & axe vinctæ trabes per primum incitabantur, axibusque eminebant in modum ericii militaris veruta binum pedum.

Arustianus.

Octavium mitem, & captum pedibus.

Nonius. Servius.

Igitur discubuerunt. Sertorius inferior in medio, super eum L. Fabius Hispaniensis senator ex proscriptis, in summo Antonius, & infra, scriba Sertorii Versius: & alter scriba Mæcenus in imo; medicus inter Tarquitium, & dominum Perpernam.

Nonius.

Quarum unam epistolam forte cum servo nacti prædatores Valeriani scorpione in castra misere.

C. SALLVSTII CRISPI

HISTORIARVM

LIBER IV.

Agellius lib. xviii cap. iv.

At Cn. Lentulus patriciæ gentis, collega ejus, cui cognomentum Clodiano fuit, perincertum stolidior, an vanior, legem de pecunia, quam Sulla emtoribus bonorum remiserat, exigunda, promulgavit.

Priscianus lib. ix. & x.

Omnes, quibus ætas senectō corpore, animus militaris erat.

Idem lib. ix.

Dein lenita jam ira, postero die liberalibus verbis permulcti sunt.

Idem ibidem.

Implicitæ rates ministeria prohibebant.

Idem lib. x.

Igitur legiones pridie in monte positas arcessivit.

Arusianus.

Anxius animi, atque incertus.

Idem.

Magnam exorsus orationem.

Idem.

Impotens, & nimius animi est.

Priscianus lib. viii. Obsideo & assideo activa sunt, faciunt enim assideor & obsideor.

Amisumque assideri sine proeliis audiebat.

Festus.

Qui quidem mos, uti tabes, in urbem conjectus.

Servius. Carisus lib. i.

Castella custodias thesaurorum in deditionem acciperentur.

Diomedes lib. i. cap. iv.

Reliqua cadavera salita.

REX MITHRIDATES

REGI ARSACI S.

Omnes qui secundis rebus suis ad belli societatem orantur, considerare debent, liceat ne tum pacem agere. dein quod quæritur, satisne pium, tutum, gloriosum, an indecorum sit. Tibi, perpetua pace frui liceret, nisi hostes opportuni, & scelestissimi. egregia fama, si Romanos oppresseris, futura est. neque petere audeam societatem: & frustra mala mea cum tuis bonis misceri sperem. atque ea, quæ te morari posse videntur, ira in Tigranem recentis belli, & meæ res parum prosperæ, si vera æstimare voles, maxime hortabuntur. ille enim obnoxius, qualem tu voles, societatem accipiet: mihi fortuna, multis rebus ereptis, usum dedit bene suadendi

dendi : & , quod florentibus optabile est , ego non validissimus præbeo exemplum quo rectius tua componas. namque Romanis cum nationibus, populis , regibus cunctis , una & ea vetus causa bel-landi est, cupido profunda imperii, & divitiarum: qua primum cum rege Macedonum Philippo bellum sumpserunt. dum a Carthaginiensibus premebantur, amicitiam simulantes, ei subvenientem Antiochum concessione Asiæ per dolum avertere : ac mox a Philippo Antiochus , omni cis Tauri agro, & decem millibus talentorum spoliatus est. Persen deinde Philippi filium , post multa & varia certamina , apud Samothracas deos acceptum in fidem, callidi, & repertoires perfidiæ, quia pacto vitam dederant, insomniis occidere. Eumenum, cuius amicitiam gloriose ostendant , initio prodidere Antiocho, pacis mercedem ; post Attalum custodem agrum captivi sumptibus & contumeliis ex rege miserrimum servorum effecere : simulatoque impio testamento, filium ejus Aristonicum , quia patrium regnum petiverat, hostium more per triumphum duxere : Asia ab ipsis obsessa est : postremo totam Bithyniam, Nicomede mortuo, diripere , cum filius Nusæ quam reginam appellaverant , genitus haud dubie esset. nam quid ego me appellem ? quem dis-junctum undique regnis , & tetrarchiis ab imperio eorum, quia fama erat divitem , neque serviturus esse , per Nicomedem bello laceſſiverunt ; scelere eorum , haud ignarum, & ea, quæ accidere, testum antea , Cretenses solos omnium liberos ea pestate, & regem Ptolomæum. atque ego ultus injurias, Nicomedem Bythynia expuli; Asianq; filium regis Antiochi recepi, & Græciæ dem grave servitium. incepta mea postremus servorum Archelaus , exercitu prodito , impedivit : illique, quos ignavia aut prava calliditas , uti meis laboribus tuti essent, armis abstinuit, acerbissimas poenas solvunt. Ptolomæus precio diem belli prolata. Cretenses impugnati semel jam , neque finem nisi excidio habituri . equidem cum mihi ob ipsorum interna mala dilata proelia magis , quam pacem datam intellegerem ; abnunte Tigraue, qui mea dicta fero probat, te remoto procul, omnibus aliis obnoxiiis, rursus tamen bellum coepi: Marcumque Cottam Romanum ducem apud Chalcedona terra fudi : mari exui classe pulcerrima.

apud Cyzicum magno cum exercitu, in obsidione moranti frumentum defuit, nullo circumadnente: simul hiems mari prohibebat. ita, sine vi hostium regredi coactus in patrium regnum, naufragiis apud Param, & Heracleam, militum optimos cum classibus amisi. restituto deinde apud Cabira exercitu, & variis inter me atque Lucillum proeliis, inopia rursus ambos incessit. illi suberat regnum Ariobarzani bello intactum: ego vastatis circum omnibus locis, in Armeniam concessi: secutique Romani non me, sed morem suum omnia regna subvertendi, quia multitudinem artis locis pugna prohibere, imprudentiam Tigranis pro victoria ostendant. nunc quæso considera, nobis oppressis utrum firmiorem te ad resistendum, an finem belli futurum putes? scio equidem tibi magnas opes, virorum, armorum, & auri esse: &, ea re a nobis ad societatem, ab illis ad prædam peteris. ceterum consilium est Tigranis, regno integro, meis militibus belli prudentibus, procul ab domo, parvo labore per nostra corpora bellum conficere: quando neque vincere, neque vinci sine tuo periculo possumus. An ignoras Romanos, postquam ad occidentem pergentibus finem Oceanus fecit, arma huc convertisse? neque quicquam a principio nisi raptum habere, domum, conjuges, agros, imperium? convenas, olim sine patria, sine parentibus, peste conditos orbis terrarum: quibus non humana ulla, neque divina obstant, quin socios, amicos procul, juxtaque sitos, inopes potentisque trahant, excidantque; omniaque non serva & maxime regna hostilia ducant. namque pauci libertatem, pars magna justos dominos volunt: nos suspecti sumus æmuli, & in tempore vindices affuturi. Tu vero, cui Selencia maxima urbium, regnumque Persidis inclitis divitiis est, quid ab illis, nisi dolum in præsens, & postea bellum expectas? Romani in omnis arma habent, acerruma in eos quibus victis spolia maxuma sunt, audeudo & fallendo, & bella ex bellis serendo, magni facti. per hunc morem extinguunt omnia, aut occidunt: quod difficile non est, si tu Mesopotamia, nos Armenia circumgredimur exercitum sine frumento, sine auxiliis; fortuna autem nostris vitiis adhuc incolumis. neque illa fama sequetur auxilio profectum magnis regibus, latrones gentium oppressisse. quod uti facias moneo,

moneo, hortorque; neu malis perniciē nostrā unū
imperium prolatare, quam societate victor fieri.

Nonius de mutata declinatione, Carisius lib. 1.

Curio Vulcanaliorum die ibidem moratus.

Arusianus.

Scalas pares moenium altitudine.

Idem.

Diffidere inter se cœpere, neque in medium con-
sultare,

Nonius, Volentia quæ plebs vellet.

Multisque suspicionibus volentia plebi facturus
videbatur.

Idem, Componere conjungere.

Suspectusque fuit, incertum vero an per negle-
gentiam, societatem prædarum cum larronibus
composuisse.

Arusianus.

Collegam minorem, & sui cultorem expectans.

*Nonius, Codicaria naves quæ in flumine usui esse pos-
sunt.*

Quam maximis itineribus per regnum Ariobar-
zanis contendit, ad flumen Euphratem, qua in par-
te Cappadocia ab Armenia disjungitur. & quanquā
ad id naves codicarię occulto per hiemem fabrica-
tæ aderant.

Idem.

Qui prætergrediebantur equites cataphracti, fer-
rea omni specie.

Idem.

Cum interim, lumine etiam tum incerto, du-
Galliæ mulieres conventum vitantes ad menstrui
solvenda montem ascendunt.

Idem, Demoliri est diruere.

Pluteosque rescindit, ac munitiones demolitur,
locoque summo potitur.

Arusianus.

Exercitum dimisit ut primum Alpes degressus
est.

Idem.

Tetrarchas, regesque territō animi firmavit.

Nonius.

Simul eos, & cunctos jam inclinatos laxitate lo-
ci, plures cohortes, atque omnes, uti in secunda re,
pariter acre invadunt.

Nonius, Parma est scutum breve.

Hi locorum pergnari, & soliti necere ex vimini-
bus

nibus vasa agrestia, ibi tum, quod inopia scuto-
rum fuerat, ad eam artem se quisque in formam
parmæ equestris armabat.

Carisus lib. 1. Servius.

De pecore coria recens detracta, quasi glutino
adolefcebant.

Arustianus.

Avidior modo properandi Factus.

Idem.

Consilii æger.

Nonius, Invitare est repleri.

Reversi postero die, multa, quæ properantes de-
seruerant in castris, nacti, cum se ibi cibo, vinoque
læti invitarent.

Idem, Hiare, aperire.

Atque hiavit humus multa, vasta & profunda.

Nonius.

Rursus jumenta nacti ad oppidum ire contem-
dunt.

Arustianus.

Vbi se laniata navigia fundo emergunt.

Idem.

Tum vero Bithyni propinquant jam amnem
Tratanium.

Nonius.

Eos qui hoc malum publicum clandestinis con-
siliis comparaverunt.

Idem, Patibulum est crux.

In quibus notissimus quisque, aut malo dependens
verberabatur, aut immutilato corpore improbi pa-
tibulo eminens affigebatur.

Messius.

Ad Siciliam vergens faucibus, non amplius pa-
tet millibus v. & xxx.

Idem.

Clausi lateribus pedem.

Probus Catholicis.

Naphthas.

C. SAL-

C. SALLVSTII
CRISPIHISTORIARUM
LIBER. V.*Priscianus lib. xviii.*

At Lucullus, audito Q. Marcium Regem pro cō-
sule per Lycaoniam cum tribus legionibus in Ci-
liciam tendere.

Idem ibidem.

Legiones Valerianæ comperto, lege Gabinia Bi-
thyniam, & Pontum consuli datam; missos esse.

Arusianus.

Regem averfabatur.

Nonius.

Ceteri negotia sequebantur familiaria legato-
rum, aut tribunorum; & pars sua comnearibus
mercatis.

Arusianus.

Et uxori ejus frater erat.

Priscianus lib. xviii.

Sæpe celebritatem nominis intellego timentem

Idem ibidem.

Video ingentia dona quæsitum ire properantem

Arusianus.

Nam si Pompejo quid humani evenisset.

Nonius. Arusianus. Servius.

Quibus de causis Sullam in victoria dictatore,
equo descendere, sibi uni assurgere de sella, caput
aperire solitum.

IN SEQUENTIBUS
LIBRORVM TITVLI COR-
RVP T I S V N T A P V D
G R A M M A T I C O S.*Festus.*

Ne intumiendi po

subli-

publicibus cavata
sent.

Nonius.

Cujus duas insulas propinquas inter se, & decem
stadium procul a Gadibus sitas, constabat suapte
ingenio alimenta mortalibus gignere.

Iunius Phylarg. ad Georg. Virgili.

Serum bellum in angustiis futurum.

C. SALLUSTII CRISPI FRAGMENTA, NON ADSCRIPTO HI- STORIÆ, AVT LIBRI NV- MERO, A GRAMMATI- CIS ALLATA.

Arusianus.

Illi tertio mense pervenere in Pontum multo ce-
lerius spe Mithridatis.

Donatus act. 11. sc. 11.

Ergo senati decreto serviundumne sit.

Suetonius de claris gram. cap. XIV.

Pompejus oris improbi, animoque inverecundo.

Isidorus lib. XI. in voce Alvus. Serv. lib. 111.

Æneid.

Simulans sibi alvum purgari.

Charisius lib. 11.

Fecit ut nunciis confestim lugubribus.

Priscianus lib. XIV.

Communem habitum transgressus.

Seneca lib. XX. epist. CXV.

Inter arma civilia æqui boni famam petit.

Donatus ad And. Terentii act. 1. sc. 11.

Haud impigre, neque inultus occiditur.

Idem ad Eunuch. act. IV. sc. 111.

Festinantibus in summa inopia patribus.

Isidorus lib. XVIII.

Hostes oppressi, aut delapsi forent.

Seneca lib. XX epist. CXV.

Exercitum argento fecit.

Isidorus

Isidorus lib. xix. Servius.

Togam paludamento mutavit.

Seneca.

Hiero rex Syracusanorum bellum fecit.

Servius ad iv. Æneidos.

Ibi triennio frustra trito.

Oratio C. Cotta Consulis ad populum.

Quirites, multa mihi pericula domi, militiæ multa adversa fuere; quorum alia toleravi, partim repuli deorum auxiliis, & virtute mea: in quibus omnibus, neque animus negotio defuit, neque decretis labos. malæ, secundæque res, opes non ingenium mihi mutabant, at contra in his miseriis cuncta mecum fortuna deferuere. præterea senectus, per se gravis, curam duplicat: cui misero, senecta jam ætate, ne mortem quidem honestam sperare licet. nam, si parricida vestri sum, & his genitus hic deos Penates meos, patriamque, & summum imperium vilia habeo: quis mihi vivo cruciatus fatis est, aut quæ poena mortuo? cum omnia memorata apud inferos supplicia scelere meo vici. a prima adolescentia in ore vestro, privatus, & in magistratibus egi: qui lingua, qui consilio meo, qui pecunia voluere, usi sunt: neque ego callidam facundiam, neque ingenium ad malefaciendam exercui: avidissimus privatæ gratiæ maximas inimicitias pro republica suscepi; qui victus cum illa simul, cum egens alienæ opis, plura mala expectarem; vos, Quirites, rursus mihi patriam, deos Penates, cum ingenti dignitate dedistis. Pro quibus beneficiis, vix satis gratus videar, si singulis animam, quam nequeo, concesserim. nam vita & mors jura naturæ sunt: uti sine dedecore cum civibus, fama & fortunis integer agas, id dono datur atque accipitur. Consules nos fecistis, Quirites; domi, bellicque impeditissima rep. namque Imperatores Hispaniæ, stipendium, milites, arma, frumentum poscunt: & id res cogit: quoniam post defectionem sociorum, & Sertorii per montis fugam, neque manu certare possunt, neque utilia parare. exercitus in Asia Ciliciaque ob nimias opes Mithridatis aluntur: Macedonia plena hostium est: nec minus Italiæ maritima, & provinciarum: cum interim vectigalia parva, & bellis incerta, vix partem sumptuum sustinent: ita classe, qua commeatus vehebatur, minore quam antea navigamus. hæc si dolo aut socordia nostra

nostra cōtracta sunt, agite & uti lubet ita suppli-
cium sumite: si cōmunis fortuna asperior est, qua-
re indigna vobis, nobisque, & rep. incipitis? Atque
ego cuius ætati mors propior est, non deprecor, si
quid ea vobis incommodi demitur: neque mors in-
genuo corpori honestius, quam pro vestra salute fi-
nem vitæ fecerit. Adsum eni C. Cotta consul, fa-
cio quod sæpe maiores asperis bellis fecere; voveo,
dedoque me pro rep. quā deinde cui mandetis cir-
cumspicite: nam talem honorem bonus nemo vo-
let, cū fortunæ, & pacis, & belli ab aliis acti ratio
reddenda, aut turpiter moriendum sit. tantummo-
do in animis habetote, non me ob scelus, aut ava-
ritiā cēsum, sed volentem pro maxumis beneficiis
animam dono dedisse. Per vos igitur, Quirites, &
gloriam majorum, tolerate advorsa, & consulite
reip. multa cura summo imperio inest, multi in-
gentes labores: quos nequiquam abnuitis, & pacis
opulentiam quæritis: cum omnes provinciæ, regna,
maria, terræque aspera, aut fessa bellis sint.

Isidorus.

Germani intectum renonibus corpus tegunt.

Arustianus.

Nude pons in oppidum pertinens explicatur.

Donatus.

Et ei voce magna vehementer gratluabantur.

Servius.

Et Marius victus duplicaverat bellum.

Rufinianus.

Atque eos a tergo incurrerunt.

Priscianus.

In hunc modum disseruit.

Donatus.

Inde ortus sermo percunctantibus utrimque, Sa-
tin salvæ, quam grati ducibus suis, quantis fami-
liaribus copiis auferentur.

Seneca.

Fugam nostris fecere.

Ideen.

Quæ audita Panormitanos dedere Romanis fecere.

Isidorus. Servius. x.

Quo cupidius in ore ducis sese quisque bonum,
& strenuum ostentantes.

Isidorus. Servius.

Ventis per cava terræ citatis, rupti aliquot mon-
tes, tumultique sedere,

Prisci-

Priscianus.

Vbi multa nefande casu super ausi, atque passi.

Carisius.

Saguntium.

Martianus.

Tota autē insula modica, & cultoribus inanis est.

Arusianus.

Immodicus animi.

Servius.

Pugnam illam pro omine belli futuram.

Idem.

Tantum antiquitatis, curæque majoribus pro Italica gente fuit.

Agratius.

Opprobrii gratia.

Diomedes lib. 11.

Maximis ducibus, fortibus strenuisq; ministris.

Donatus.

Non repugnantibus modo, sed ne deditis quidem A. B. C. M.

Servius.

In silva Sila fuerunt.

Diomedes.

In munda injecta corpora.

Probus.

Apollinis filia & Cyrenes.

Servius.

Ne simplici quidem morte moriebantur.

Donatus.

Cum prædixero positum insulæ.

Idem.

Cujus adversa voluntate, colloquio militibus permisso, corruptio facta paucorum, & exercitus Sullæ datus est.

Augustinus.

A Graccho seditiones graves ortæ.

Quintilianus lib. 1v. cap. 11.

M. Atilius Palicanus humili loco, Picens, loquax magis quam facundus.

Donatus.

Insolens vera accipiundi.

Idem.

Quæ pecunia ad Hispaniense bellum Metello facta erat.

Probus.

Curubis.

Idem.

nostra cōtracta sunt, agite & uti lubet ita suppli-
cium sumite: si cōmunis fortuna asperior est, qua-
re indigna vobis, nobisque, & rep. incipitis? Atque
ego cuius ætati mors propior est, non deprecor, si
quid ea vobis incommodi demitur: neque mors in-
genuo corpori honestius, quam pro vestra salute fi-
nem vitæ fecerit. Adsum eni C. Cotta consul, fa-
cio quod sæpe maiores asperis bellis fecere; voveo,
dedoque me pro rep. quā deinde cui mandetis cir-
cumspicite: nam talem honorem bonus nemo vo-
let, cū fortunæ, & pacis, & belli ab aliis acti ratio
reddenda, aut turpiter moriendum sit. tantummo-
do in animis habetote, non me ob scelus, aut ava-
ritiā cēsum, sed volentem pro maxumis beneficiis
animam dono dedisse. Per vos igitur, Quirites, &
gloriam majorum, tolerate adversa, & consulite
reip. multa cura summo imperio inest, multi in-
gentes labores: quos nequiquam abnuitis, & pacis
opulentiam quæritis: cum omnes provinciæ, regna,
maria, terræque aspera, aut fessa bellis sint.

Isidorus.

Germani intectum renonibus corpus tegunt.

Arustianus.

Nude pons in oppidum pertinens explicatur.

Donatus.

Et ei voce magna vehementer gratluabantur.

Servius.

Et Marius victus duplicaverat bellum,

Rufinianus.

Atque eos a tergo incurrerunt.

Priscianus.

In hunc modum differuit.

Donatus.

Inde ortus sermo percunctantibus utrimque, Sa-
tin salvæ, quam grati ducibus suis, quantis fami-
liaribus copiis angerentur.

Seneca.

Fugam nostris fecere.

Ideoz.

Que audita Panormitanos dedere Romanis fecere.

Isidorus. Servius. x.

Quo cupidius in ore ducis sese quisque bonum,
& strenuum ostentantes.

Isidorus. Servius.

Ventis per cava terræ citatis, rupti aliquot mon-
tes, tumulique sedere,

Prisci-

Priscianus.

Vbi multa nefande casu super ausi, atque passi.

Carisius.

Saguntium.

Martianus.

Tota autē insula modica, & cultoribus inanis est.

Arusianus.

Immodicus animi.

Servius.

Pugnam illam pro omine belli futuram.

Idem.

Tantum antiquitatis, curæque majoribus pro Italica gente fuit.

Agratius.

Opprobrii gratia.

Diomedes lib. 11.

Maximis ducibus, fortibus strenuisq; ministris.

Donatus.

Non repugnantibus modo, sed ne deditis quidem A. B. C. M.

Servius.

In silva Sila fuerunt.

Diomedes.

In muda injecta corpora.

Probus.

Apollinis filia & Cyrenes.

Servius.

Ne simplici quidem morte moriebantur.

Donatus.

Cum prædixero positum insulæ.

Idem.

Cujus adversa voluntate, colloquio militibus permisso, corruptio facta paucorum, & exercitus Sullæ datus est.

Augustinus.

A Graccho seditiones graves ortæ.

Quintilianus lib. 1v. cap. 11.

M. Atilius Palicanus humili loco, Picens, loquax magis quam facundus.

Donatus.

Insolens vera accipiundi.

Idem.

Quæ pecunia ad Hispaniense bellum Metello facta erat.

Probus.

Curubis.

Idem.

Idem.

Tharros.

Idem.

Camifos.

Sergius.

Luces.

Servius.

Primam modo Iapydiam ingressus.

Idem.

Carbo turpi formidine Italiam, atque exercitum deseruit.

Donatus.

Quæ pacta in conventionem non præstitissent.

Servius.

Crebritate fluctuum ut Aquilo solet.

Quintilianus lib. viii. cap. iiii.

Mithridates corpore ingenti perinde armatus.

Victorinus. Servius.

Tyrannumque, & Cinnam appellantes.

Acron.

Nomenque Danubium habet.

Donatus.

Cui nisi pariter obviam iretur.

Idem.

Septimium, neque animo, neque lingua satis competentem.

Quintilianus.

Vulgus amat fieri.

Quintilianus.

Non poenitendum.

Vegetius lib. i. cap. ix. Iohan. Saresb.

Pompejus cum alacribus saltu, cum velocibus cursu, cum validis veste certabat. neque enim ille aliter potuisset par esse Sertorio, nisi se, & milites frequentibus exercitiis præparavisset ad proelia.

Lactantius.

Cicero caninam facundiam, ut Appianus inquit, exercuit.

Servius.

Primus Græcorum Achilles.

Diomedes.

Cupientissimus legis.

Agellius.

Magna gloria tribunus militum in Hispania T. Didio imperante, magno usu bello Marfico, paratum militum, & armorum fuit, multa quoque tum ductus
ejus

ejus curata, primo per ignobilitatem, deinde per invidiam scriptorum celebrata sunt. cominus faciem suam ostentabat, aliquot advorsis cicatricibus, & effosso oculo. quo ille dehonestamento corporis maxime lætabatur: neque illis anxius, quia reliqua gloriosius retinebat.

Lactantius & Isidorus.

Curetes quia principes intellegendi divina fuerunt, vetustatem ut cetera in majus componentem altores Iovis celebravisse: inde Rhegium nominatum.

Isidorus.

Italiam conjunctam Siciliae constat fuisse: sed medium spatium aut per humilitatem obrutum est aquis, aut propter angustiam scissum.

Servius.

Pompejus devictis Hispanis trophæa in Pyrenæis jugis constituit.

Donatus.

Atque edita undique tribus tamen cum muris, & magnis turribus.

Idem.

Et in proeliis actu promptus.

Idem.

Pactione amisso Publio legato.

Servius. Priscianus. Macrobius.

Ipsam Mare Ponticum dulcius quam cetera.

Servius.

Equis paria operimenta erant: quæ lintea ferreis laminis in modum plumæ adnexuerant.

Idem.

Rebus supra vorum fluentibus.

Idem.

Aenum, & Maroneam, & viam militarem.

Idem.

Impediebant jussa nautarum.

Donatus.

Nihil socordia claudebat.

Idem.

Ut tanta repente mutatio non sine deo videretur.

Idem.

In ore gentibus agens, populo, civitati.

Idem.

Pressi undique multitudine.

Idem.

Hunc igitur redarguit Tarquinius.

K

Servius

Servius.

Dein campi Themyscirii ; quos habuere Amazones a Thanai flumine incertum quamobré digressæ.

Idem.

Vbi eum tota concione ab exercitu cogit discedere , dicit se ejus opera non usurum ; eumque ab

Idem.

(armis dimittit.

Et Metello procul agente longa spes auxiliorum.

Idem.

More equestris proelii sumptis tergis atque reditis, & egressi ad faciliores ictus loco cedebant.

Idem.

Castra sine vulnere introitum.

Idem, & Donatus.

Multos tamen ab adolescentia bonos insultavito

Servius.

Cosa.

Idem.

Equis, atque armis insignibus.

Idem.

Fessus in Pamphyliam se receperat.

Quintilianus.

Profectus quidam Ligus ad requisita naturæ.

Servius.

Apud latera certos collocaverat.

Idem.

Apertæ portæ, repleta arva cultoribus.

Idem.

Hispaniam sibi antiquam patriam esse.

Idem.

Lyciæ, Pisidiæque agros despectantem.

Idem.

Sorte ductos fusti necat.

Idem.

Omnis Italia coacta in angustias scinditur in duo promontoria, Bruttium, & Salentinum.

Idem.

Italia plana ac mollis.

Idem, & Scholiastes Iuvenalis.

Qua tempestate ex Ponto vis piscium erupit.

Servius.

Introrsus prima Asiæ Bithynia est, multis antea nominibus appellata. ipsa enim est & major Phry-

Idem.

(gia.

Sed Mithridates extrema pueritia regnum ingressus matre veneno interfectus.

Idem.

Idem.

Exercitum vertere.

Idem.

Creta alior est qua parte spectat Orientem.

Idem, & Philargyrus.

Se regibus devoveat, & post eos vitam refutans
adeo illis ingenita est sanctitas regii nominis.

Joannes Grammat.

Dum inferior omni via grassaretur.

Pompejus in artem Donati.

Narbone concilia Gallorum.

Donatus.

Post defectionem sociorum & Latii.

Idem.

Ad Iovis mandem nostra.

Idem.

Morbi graves ob inediam insolita vescentibus.

Idem.

Atque ea cogentes non coactos scelestos magis
quam miseros distringi.

Idem.

Gravi bello, qui prohibitori venerant focii, fri-
(gere.

Idem.

Nam quidem Pyrrho, Hannibali, æquor & terra.

Idem.

Nam Sullæ dominationem audebat.

Idem.

Neque est defensus dominationum Sullæ.

Servius.

Neu quis miles neve pro milite.

Idem.

Ex insolentia avidus malefaciendi.

Idem.

Tergis vinciebant.

Idem.

Charybdis quæ forte illata naufragia sorbens
gurgitibus occultis milia sexaginta Tauromenita-
na ad littora trahit.

Hieronimus in Habacuc.

Saguntini fide atque ærunnis incluti per morta-
lium studium majores quā opibus, quippe quīs er-
jam tum semirutæ mænia, domus intectæ, parietesq;
templorum ambusti manus Punicas ostentabant.

Philargyrus in 1111. Georg. Virgil.

Apud Corduennos anomum & alii leves odo-
res gignuntur.

Idem.

Quem trans stagnum omnis usque ad flumen,

Idem.

Repente incautos agros invasit.

Acron.

Belli sane sciens.

Glossæ Iuvenalis.

Namque omnium ferocissimi ad hoc tempus Achæi atque Tauri sunt, quod, quantum conjicio, locorum egestate rapto vivere coacti.

Acron.

Atque ipse cultus rei.

Servius Fuldaus.

Triplici fluctu.

Idem.

Charybdi mare vorticosum.

Idem.

Sed ubi tempore anni mare classibus patefactum est.

Idem.

Sane bonus ea tempestate contra pericula & ambitionem.

Idem.

Simul immanis hominum vis ex locis invasere patentes, cum & pacis modo effusas.

Idem.

Genua patrum advolvuntur.

Idem.

Perrexere in Hispaniam an Sardiniam.

Idem.

Quæ mapalia sunt circumjecta civitati, suburbana ædificia.

Idem.

Et onere turrium incertis navibus.

Idem.

Traditur fugam in longinqua Oceani agitavisse.

Servius ad primum Æneidos.

Ad mutandum modo in melius servitium.

Idem ibidem.

Magna vis hominum convenerat agris pulsa aut civitate ejecta.

Idem ad Eclogam quintam.

Cum murum hostium successisset pœnas dederat.

Idem.

Quippe vasta Italia rapinis, fuga, cædibus.

Idem ad viii. Æneidos.

Hi sunt qui secundum pocula & alias res aureas
diis sacrata instrumenta convivio mereantur. 2

Idem ad ix.

In secunda festinas cohortes composuerat.

Idem ad x.

Iam repente visus sævire Tagus.

Idem.

Exuant armis equisque.

Idem.

Solas festinate.

Idem.

Lusitaniæ gravem civitatem,

Idem.

Ex parte cohortium præcipere instructa, & sta-
tiones locatæ pro castris.

Idem.

Bellum quibus posset conditionibus desineret.

Idem.

In quibus longissimo ævo plura de bonis falsa in
deterius composuit.

Idem.

Cultu corporis ornata egregio.

Acron in Horatium.

At Sertorius vacuus hieme augere copias.

Servius.

Sin vis obsistat, ferro quam fame æquius peri-
turos.

Idem.

Confedit in valle virgulta nemorosaque.]

Idem.

Paululum requietis militibus.

Idem.

Qui nullo certo exilio vagabantur.

Idem.

Nubes fœdare lumen.

Idem.

Sanctus alia.

Idem.

Geronis.

Idem.

Quæ causa fuerat novandis rebus.

Statii interpres.

Radice[m] montis excessit.

Idem.

Vt res magis quam verba gererentur, liberos pa-
rentesque in muris locaverant.

fulaverant. atque illi certamini conscii inter se
juxta seditionem erant. Crixo & gentis ejusdem
Gallis atque Germanis obviam ire & ultro offerre
pugnam cupientibus contra Sparracum.

INCERTA,

Quo Historiarum Libro

E T

Quibus verbis a Sallu-
stio posita.

A Gell. lib. 10. cap. VII.

Omniū fluminum quæ in maria quæ
imperium Romanum est fluunt, quam Græci
ἐἰς τὸν Ὠκεανὸν appellant, maximum esse Nilum
consentitur; proxima magnitudine esse Histrum
scripsit Sallustius.

Seneca.

Ex omnibus quæ tractavimus, Æbuti Liberalis,
potest videri nihil tam necessarium, aut magis, ut
ait Sallustius, cum cura dicendum, quam quod in
Idem. (manibus est.

Turbinum motus vagus est, & disiectus, &, ut
Sallustii verbis utar, vorticofus; cometarum au-
tem, compositus, & certum iter carpens.

Idem.

Sallustius, auctor certissimus, asserit Tigrim, &
Eufratem uno fonte manare in Armenia, qui per
diversa euntes longius dividantur spatio medio
relieto multorum milium, quæ tamen terra, quæ
ab ipsis ambitur, Mesopotamia dicitur.

Servius & Isidorus.

Pelorum promontorium Siciliæ respiciens Aquil-
lonē juxta Sallustium dictum a gubernatore Han-
nibalis illic sepulto, qui fuerat occisus per ignorā-
tiam regis, cum se ejus dolo crederet esse deceptum.
Servius.

Aristæus, ut Sallustius docet, post Ianianum a
canibus Actæonem filium, matris instinctu Thebas
reliquit, & Ceam insulam tenuit, primo adhuc ho-
minibus vacuam: postea, ea relicta, cum Dædalo
in Sar-

in Sardiniam transivit, post delatus est Cumas.

Idem.

Sallustius duces laudat, qui victoriam incruento exercitu deportarunt.

Idem.

Cares insularum populi fuerunt, piraticam exercentes, famosi, victi a Minoe, ut Sallustius, & Thucydides tradunt.

Idem.

A Troja Capys Campaniam, Helenus Macedoniam, alii Sardiniam, secundum Sallustium, tenuerunt.

Idem.

Dardania à Dardano Iovis & Electrae filio, aut secundum Sallustium, à Mida Dardanorum rege, qui Phrygiam tenuit.

Idem.

Sallustius Scyllam saxum esse dicit simile formae celebratae procul visentibus.

Idem.

In Sicilia est Enceladus, Othus in Creta, secundum Sallustium.

Idem.

Sallustius ait Hispanorum morem fuisse ut in bella euntibus juvenibus parentum facta memorarentur à matribus.

Idem.

Orion, juxta Sallustium, oritur juxta solis aestivi impulsus.

Idem.

In Flaminia est civitas quae Cale dicitur, & in Gallia hoc nomine, quam Sallustius à Perperna captam commemorat.

Idem.

Getae sunt Mysii, quos Sallustius à Lucullo dici esse superatos.

Idem.

Trojanorum tempore invadendarum terrarum causa fuerat navigatio, ut Sallustius meminuit.

Idem.

Curribus falcatis usos esse antiquos, Livius & Sallustius docent.

Idem.

Vices significant pugnam, quia per vicissitudinem pugnabatur, ut inquit Sallustius.

Idem.

Creta medio jacet insula Ponto, id est, secundum Sallustium

Salka

Sallustium, procul a continenti.

Idem.

Primo mense veris dicitur novum ver, secundo ver adultum, tertio præcept: sicut etiam Sallustius dicit ubique, nova æstas, adulta, præcept.

Acron.

Sallustius in Historiis tradit Sertorium victum voluisse fugere ad insulas fortunatas.

Servius.

Insulas fortunatas Sallustius inclutas esse ait Homeri carminibus.

Nonius.

Proximum dicebant veteres, non solum adhærens, & adjunctum, verum etiam longe remotum, si tamen inter duo discreta nihil medium existisset. Virg. Æn. lib. v.

Proximus huic, longo sed proximus intervallo, Insequitur Salus. ---- Ita & Sallustius in situ Ponti, de promontoriis Paphlagonum, & quod *ἡμεῖς μέτωπον* appellavit, posuit.

Festus Avienus.

*Interrogasti si tenes, Maotici
Situs quis esset æquoris. Sallustium
Novam id dedisse, dicta & ejus omnibus
Præjudicata auctoritatis ducier,
Non abnuebam.*

Servius ad 111. Æneidos.

Porro ab Eoo fluctu curvatus in arcum. In arcus similitudinem. sic de Ponto Sallustius, Vnde hic tulit colorem, nam speciem efficit Scythici arcus.

Servius.

---- *Freta lata relucens.* Lata autem ideo quia se angustiae Pontici oris illic dilatant, ut dicit Sallustius. *Comment. in Horatium.* (stius.

Teia autem dicta est a Teio Anacreontis Poetae Lyrici oppido, quod in Paphlagonia esse Sallustius indicat, cum de situ Pontico loquitur.

Hieronym. de locis Heb.

Porro Sallustius auctor certissimus asserit tam Tygris quam Euphratis in Armenia fontes demonstrari.

Servius.

Cum multi evaserint Trojanum periculum, ut Capys qui Campaniam tenuit, ut Helenus qui ut alii Sardiniam secundum Sallustium.

Tertull. de anima.

Tamen vulgata jam res est gentilium proprietatum. Comici Phrygas timidos illudunt. Sallustius vanos Mauros, & feroces Dalmatas pulsat.
Hieronym. advers. Ruf.

Sallustianus Calpurnius.

Idem ibidem.

Calpurniani discipuli.

Int. Rufinianus de schematis lexeos.

Sarcasmus, Chleuasmo proxima est, & similis figura, qua adversariorum facta, cum exacerbatione admissi eorum laceessimus. ut apud Sallustium de Syllæ crudelitate. Vt in M. Mario cum fracta prius crura per artus expiraret.

Glossa in Iuvenalem.

Mesopotameni homines effrenatæ libidinis sunt, ut Sallustius meminit in utroque sexu.

Eadem glossa.

Antonius ille trium Antoniorum corruptor, ille Sallustius qui oræ maritimæ qua Romanum esset imperium contrarius piratis. Si omnes socios & maxime Græcos Asiaticos ac Siculos fortunis omnibus spoliaverunt.

Plutarchus.

Σαλλυστίῳ δὲ θαυμάζω τότε πρῶτον ὠφθαλμοῖς καὶ μήλῳ λέγουντες. εἰ μήτε πρότερον τῶν Ῥωμαίων ὅτι νικήσαντες Ἀντίοχον ὤετο, μήτε τῶν Ἰνδιάνων ὅτι πρὸς ὀρχομενῶν, καὶ περὶ χαιρώνειον Ἀρχελάῳ μεμαχήμενος, ἐγνωκέναι κάμηλον. Id est: Sallustium demiror, qui autumat tum primum visos Romanis Camelos, quod neque olim illos qui duce Scipione Antiocham devicerunt, neque hos qui ad Orchomenum & Chæronæam certaverunt cum Archelao, nosse putaverit Camelum.

Σαλλυστίῳ δὲ μὲν ἐν φησὶ, χαλσπῶς διεκθῆναι τὸς στρατιώτας πρὸς αὐτὸν, εὐθύς δὲ ἀρχὴ τῶ πολέμου, πρὸς κυζίκῳ, καὶ πάλιν πρὸς Ἀμισῶ δύο χειμῶνας ἐξῆς ἐν χάρκι διαγαγεῖν ἀναγκασθέντας. Ac Sallustius quidem fuisse milites jam inde à principio male ait in eum (Lucillum) animatos, quod ad Cyzicum & iterum ad Amisum duas hiemes eos in castris continuisset.

Orationes duæ

153

AD C. CÆSAREM,

Sallustio adscriptæ.

A D

C. CÆSAREM

De Republica ordinanda

ORATIO I.

Populus R. antea obtinebat, regna, atque imperia, fortunam dono dare, item alia, quæ per mortalis avide cupiuntur: quia & apud indignos sæpe erant, quasi per lubricum data; neque cuiquam incorrupta permanerant. sed rex docuit id verum esse, quod in carminibus Appius ait, Fabrum esse suæ quemque fortunæ: atque in te maxime, qui tantum alios prætergressus es, ut prius defessi sint homines laudando facta tua, quam tu laude digna faciendo. ceterum ut fabricata, sic virtute parta, quæ magna industria haberi decet: ne incuria deformetur, aut corruant infirmata. nemo enim alteri imperium volens concedit: & quamvis bonus, atque clemens sit, qui plus potest; tamen, quia malo esse licet, formidatur. id evenit, quia plerique rerum potentes perverse consulunt: & eo se munitiores putant quo illi, quibus imperitant, nequiores fuere. at contra id eniti decet; cum ipse bonus, atque strenuus sis, uti quamoptimum imperites. nã pessimus quisque asperrime rectorē patitur. sed tibi hoc gravius est, quæ ante te omnibus, armis parta componere. bellum aliorum pace mollius gessisti: ad hoc victores prædā petunt, victi cives sunt. inter has difficultates evadendum est tibi, atque in posterum firmanda resp. nō armis modo, neque adversum hostes, sed, quod multo majus, multoque asperius est, bonis pacis artribus. ergo omnes magna mediocrique sapientia res huc vocat: quæ

quæ quisque optima potest, uti dicat. ac mihi sic videtur; qualicunque modo tu victoriam composueris, ita alia omnia futura. sed jam, quo melius, faciliusque constituas, paucis, quæ me animus monet, accipe. Bellum tibi fuit imperator, cum homine claro, magnis opibus, avido potentiae, majore fortuna, quam sapientia: quem secuti sunt pauci, per suam injuriam tibi inimici: item quos affinitas, aut alia necessitudo, traxit. nam particeps dominationis neque fuit quisquam; neque, si pari potuisset, urbis terrarum bello concussus foret. cetera multitudo, vulgi more magis, quam judicio, post alius alium, quasi prudentiorem, secuti. Per idem tempus maledictis iniquorum occupanda reip. in spem adducti homines, quibus omnia probro, ac luxuria polluta erant, concurrere in castra tua: & aperte quietis morrem, rapinas, postremo omnia, quæ corruptus animus jubebat, minitari. ex quibus magna pars, ubi neque creditum condonare, neque te civibus, sicuti hostibus, uti vident, defluxere: pauci restitere, quibus majus otium in castris quam Romæ, futurum erat: tanta vis creditorum impendebat. sed ob easdem causas, immane dictu est, quanti, & quam multi mortales postea ad Pompejum discesserint: eoque per omne tempus belli quasi sacro, atque in spoliato fano debitores usi. Igitur, quoniam tibi victori de bello, atque pace, agitandum est; hoc uti civiliter deponas, illa ut quam justissima, & diuturna sit: de te ipso primum, quia compositurus es, quod optimum factu est, existima. equidem ego cuncta imperia crudelia, magis acerba, quam diuturna, arbitror, neque quemquam a multis metnendum esse, quin ad eum ex multis formido recidat: eam vitam bellum æternum atque anceps gerere: quoniam neque adversus, neque ab iergo, aut lateribus tutus sis, semper in periculo, aut metu agites. contra, qui benignitate, & clementia imperium temperavere, his læta & candida omnia visa, etiam hostes æquiores, quam alii cives. an qui me his dictis corruptorem victoriæ tuæ, nimisque in victos bona voluntate prædicent? scilicet quod ea, quæ eternis nationibus, natura hostibus, nosque majoresque nostri sæpe tribuere, ea civibus danda arbitror: neque barbaro ritu cæde cædem, & sanguine sanguinem expiandum. an illa, quæ paullo ante hoc bellum in Cn. Pompejum

pejam victoriamque Syllanam increpabantur, ob-
livio abstulit? interfecit Domitium, Carbonem,
Brutum, alios item non armatos, neque in proelio
belli jure, sed postea supplices per summum scelus
interfectos: plebem Romanam in villa publica pe-
coris modo conscissam. heu quam illa occulta ci-
vium funera, & repentinæ cædes in parentum, aut
liberorum suum, fuga mulierum, & puerorum,
vastatio domorum: ante partam a te victoriam o-
mnia sæva, atque crudelia erant, ad quæ te illi ii-
dem hortantur: & scilicet id certatum esse utrius-
que vestrum arbitrio, injuriæ uti fierent: neque re-
ceptam, sed captam a te remp. & ea causa exer-
citus stipendiis confectis, optimos, & veterrimos
omnium adversum fratres, parentesque, alii liberos
armis contendere; ut ex alienis malis deterrimi
mortales ventri, atque profundæ libidini sumptus
quærerent; atque essent opprobria victoriæ, quo-
rum flagitiis commacularetur bonorum laus. ne-
que enim te præteriri puto, quali quisque eorum
more, aut modestia, etiam tum dubia victoria, sese
gesserit; quoque modo in belli administratione
scorta, aut convivia, exercuerint nonnulli; quorum
ætas ne per otium quidē tales voluptates sine de-
decore attigerit. De bello satis dictum. De pace
firmanda quoniam tuque, & omnes tui agitaris:
primum id, quæso, considera, quale id sit, de quo
consultas: ita, bonis, malisque dimotis, patenti via
ad verum perges. Ego sic existumo; quoniam orta
omnia intereunt, qua tempestate urbi Romanæ fa-
tum excidii adventarit, cives cum civibus manus
conferturos, ita defessos, & exsanguis regi, aut na-
tioni prædæ futuros. aliter non orbis terrarum, ne-
quæ cunctæ gentes conglobatæ, movere, aut con-
tundere queunt hoc imperium. firmanda igitur
sunt concordia bona, & discordia mala expellen-
da. id ita eveniet, si sumptuum, & rapinarum licen-
tiam dempseris; non ad vetera instituta revocans,
quæ, jampridem corruptis moribus, ludibrio sunt;
sed si suam cuique rem familiarem, & finem sump-
tum statueris: quoniam is incessit mos, homi-
nes adolescentuli, sua, atque aliena consumere, ni-
hil libidini, atque aliis rogantibus denegare, pul-
cherrimum putent; eam virtutem, & magnitudinem
animi, pudorem, atque modestiam pro fœcordia
æstiment, ergo animus ferox, prava via ingressus,
ubi

ubi consuetudo non suppetunt, fertur accensus in socios modo, modo in cives: movere composita, & res novas veteribus acquirit. quare tollendus fenerator in posterum; uti suas quisque res curemus. ea vera, atque simplex via est, magistratum populo, non creditori, gerere; & magnitudinem animi in addendo, non demendo reip. ostendere. atque ego scio, quam aspera hæc res in principio futura sit, præsertim iis, qui se in victoria licentius liberiusque, quam artius, futuros credebant: quorum si saluti potius, quam lubidini, consules: illosque nosque & socios in pace firma constitues. si eadem studia, artesque juventuti erunt: nè ista egregia tua fama simul cum urbe Roma brevi concideret, postremo sapientes pacis causa bellum gerunt, laborem spe otii sustentant. nisi illam firmam efficias, vinci, an vicisse, quid retulit? quare capesse per deos remp. & omnia aspera, uti soles, pervade. namque aut tu mederi potes; aut omittenda est cura omnibus. neque quisquam te ad crudeles poenas, aut acerba iudicia, invocat, quibus civitas vastatur magis, quam corrigitur; sed ut pravas artes, malasque lubidines, ab juventute prohibeas. ea vero clementia erit, consuluisse, ne immerito cives patria expellerentur; retinuisse ab stultitia, & falsis voluptatibus; pacem, concordiamque stabilivisse: non, si, flagitiis obsecutus, delicta perpessus, præsens gaudium cum mox futuro malo concesseris. Ac mihi animus, quibus rebus alii timent, maxime erectus est, negotii magnitudine: & quia tibi terræ, & maria simul omnia componenda sunt, (quippe res parvas tantum ingenium attingere nequit) magnæ curæ magna merces est. Igitur provideas oportet, uti plebes, largitionibus, & publico frumento, corrupta, habeat negotia sua, quibus ab malo publico detineatur: juvenus probitati, & industriæ, non sumptibus, neque divitiis, studeat. id ita eveniet, si pecuniæ, quæ maxima omnium perniciēs est, usum, atque decus dempseris. nam sæpe ego cum animo meo reputans, quibus quisque rebus clarissimi viri magnitudinem invenissent; quæ res populos, nationesve, magnis auctoribus auxissent; ac deinde quibus causis amplissima regna, & imperia corruissent: eadem semper bona, atque mala reperiēbam, omnesque victores divitias contempnere, & victos cupivisse, neque aliter quisquam

quam extollere sese, & divina mortalis attingere potest, nisi, omiſſis pecuniæ, & corporis gaudiis, animo indulgens, non aſſentando, neque concupita præbendo, perversam gratiam gratificans; sed in labore, patientia, bonisque præceptis, & factis fortibus exercitando. nam domum, aut villam exstruere, eamque figuis, aulæis, aliisque operibus exornare, & omnia potius, quam semet viſendum efficere; id est non divitias decori habere, sed ipsum illis flagitio esse. porro ii, quibus bis die ventrem onerare, nullam noctem sine scorto quiescere mos est; ubi animum, quem dominari decebat, servitio oppressere, nequaquam eo postea heberi, atque claudo pro exercitio uti volunt. nam imprudentia pleraque, & se præcipitant. verum hæc, & omnia mala pariter cum honore pecuniæ desinent, si neque magistratus, neque alia vulgo cupienda venalia erunt. Ad hoc providendum est, quonam modo Italia, atque provinciæ tutiores fiant: id quod factum haud obscurum est. nam iidem omnia vastant, suas deferendo domos, & per injuriam alienas occupando. item ne, uti adhuc, militia injusta, aut inæqualis sit: cum alii triginta, pars nullum stipendium faciet: & frumentum id, quod antea præmium ignaviæ fuit, per municipia, & colonias illis dare conveniet, cum stipendiis emeritis domos reverterint. Quæ reipublicæ necessaria, tibi que gloriosa rarus sum, quam paucissimis absolvi. non pejus videtur pauca nunc de facto meo differere. Plerique mortales ad judicandum satis ingenii habent, aut simulant: veruntamen ad reprehendenda aliena facta, aut dicta ardet omnibus animus; vix satis apertum os, aut lingua prompta videtur, quæ meditata pectore evolvet: quibus me subjectum haud poenitet, magis reticuisse pigeret. nam, sive hac, seu meliore alia via perges: a me quidem pro virili parte dictum, & adjutum fuerit. Reliquum est, optare, uti, quæ tibi placuerint, ea dii immortales approbent, beneque evenire sinant.

AD C.

A D. C. CÆSAREM

De Republ. Ordinanda,

O R A T I O I I.

SCIO ego, quam difficile, atque asperum factum sit, consilium dare regi, aut imperatori; postremo cuiquā mortali, cuius opes in excelsis sunt: quippe cum & illis consultorum copiae adsunt; neque de futuro quisquam satis callidus, satisque prudens sit. quine iam saepe prava magis, quam bona consilia prospere eveniunt: quia plerasque res fortuna ex lubricine sua agitat. Sed mihi studium fuit adolescentulo rempublicam capeffere: atque in ea cognoscenda multam, magnamque curā habui: non ita, ut magistratum modo caperem, quem multi malis artibus adepti erant: sed etiam ut rempublicam domi, militiaeque, quantumque armis, viris, opulentia posset, cognitum haberem. itaque mihi multa cum animo agitante consilium fuit, famam, modestiamque meam post nam dignitatem habere, & cuius rei lubet periculum facere, dum quid tibi ex eo gloriae accederet, idque non temere, aut ex fortuna tua, decrevi; sed quia in te, praeter ceteras, artem unam egregie mirabilem comperi, semper tibi maiorem in adversis, quam in secundis rebus animum esse. sed per ceteros mortales illa res clarior est, quod & prius defessi sint homines laudando atque admirando munificentiam tuam, quam tu faciendo, quae gloria digna essent. equidem mihi decretum est, nihil tam ex alto reperiri posse, quod non cogitanti tibi in promptu sit. neque ego, quae visa sunt, de rep. tibi scripsi, quia mihi consilium, atque ingenium meum amplius aequo probaretur: sed inter labores militiae, interque praelia, victorias, imperium, statui admonendum te de negotiis urbanis. namque, tibi si id modo in pectore consilii est, ut te ab inimicorum impetu vindices, quoque modo contra adversum consulē beneficia populi retineas: indigna virtute tua cogites. sin in te ille animus est, qui jam a principio nobilitatis factionem disturbavit; plebem Rom. ex gravi servitute in libertatē restituit;

in

in prætura inimicorum arma inermis disjecit; domi militiæque tanta, & tam præclara facinora fecit, ut ne inimici quidem queri quidquam audeant, nisi de magnitudine tua: quin accipe tu ea, quæ dicam de summa reipub. quæ profecto aut tu vera invenies, aut certe haud procul a vero. Sed, quoniam Cn. Pompejus aut animi pravitate, aut quia nihil maluit, quam quod tibi obesset, ita lapsus est, ut hostibus tela in manus jaceret: quibus ille rebus *remp.* conturbavit, eisdem tibi restituenda est. Primum omnium, summam potestatem moderandi, de vectigalibus, sumptibus, judiciis, senatoribus paucis tradidit; plebem Romanam, cujus antea summa potestas erat, nosque his quidem legibus in servitute reliquit. judicia, tamen, sicut antea, tribus ordinibus tradita sunt, tamen iidem illi factiosi regunt, dant, adimunt, quæ lubet: innocentes circumveniunt: suos ad honorem extollunt. non facinus, non probum, aut flagitium obstat, quo minus magistratus capiant: quod commodum est, trahunt, rapiunt: postremo, tanquam urbe capta, lubricine, ac licentia sua, pro legibus utuntur. Ac me quidem mediocris dolor angeret, si virtute partam victoriam more suo per servitium exercerent. sed homines inertissimi, quorum omnis vis, virtusque in lingua sita est, forte, atque alterius socordia dominationem oblatam insolentes agitant. nam, quæ seditio, ac dissensio civilis tot tamque illustres familias ab stirpe evertit? aut quorum umquam victoria animus tam præceps, tamque immoderatus fuit? L. Sulla, cui omnia in victoria lege belli licuerunt, tamen, a Sulpicio hostium partes muniri intellegebat, tamen, paucis interfectis, ceteros beneficiis, quam merui, retinere maluit. at hercule nunc cum Catone, L. Domitio, ceterisque ejusdem factionis, quadraginta senatores, multi præterea cum spe bona adolescentes, sicuti hostiæ, mactari sunt: cum interea opportunissima genera hominum tot miserrum civium sanguine satiari nequiverunt: non orbi liberi, non parentes exacta ætate, non gemitus virorum, luctus mulierum immanem eorum animum inflexit: quin, acerbius in dies male faciundo, ac dicundo, dignitate alios, alios civitate eversum irent. Nam, quid ego de te dicam, cujus contumeliam homines ignavissimi vita sua commutare volunt? scilicet neque illis tantæ voluptati est (ra-

metu insperantibus accidit) dominatio, quanto
maiori tua dignitas: qui optatius habent, ex tua
calamitate periculum libertatis facere, quam per te
populi R. imperium maximum ex magno fieri. quo
magis tibi etiam atque etiam animo prospicien-
dum est, quonam modo rem stabilias, communi-
asque. mihi quidem quæ mens suppetit, eloqui
non dubitabo. ceterum tui erit ingenii probare,
quæ vera, atque utilia factu putes. In duas partes
ego civitatem divisam arbitror, sicut a maioribus
accepi, in patres, & plebem. antea in patribus
summa auctoritas erat, vis multo maxuma in ple-
be. itaque sæpius in civitate secessio fuit. semper-
que nobilitatis opes deminutæ sunt, & jus populi
amplificatum. sed plebes eo libere agitabat; quia
nullius potentia super leges erat; neque divitiis,
aut superbia, sed bona fama, factisque fortibus no-
bilis ignobilem anteibat: humilimus quisque in
armis, aut militia, nullius honestæ rei egens, satis
sibi, satisque patriæ, erat. sed, ubi eos paullatim
expulsos agris, inertia, atque inopia incertas do-
mos habere subegit: coepere alienas opes petere,
libertatem suam cum republica venalem habere.
ita paullatim populus, qui dominus erat, & cunctis
gentibus imperitabat, dilapsus est: &, pro com-
muni imperio, privatam sibi quisque servitutem
peperit. hæc igitur multitudo primum malis mori-
bus imbuta, deinde in artes, vitasque varias dis-
palata, nullo modo inter se congruens, parum mi-
hi quidem idonea videtur ad capeffendam rempub.
ceterum, additis novis civibus, magna me spes te-
net, fore, ut omnes expergiscantur ad libertatem:
quippe cum illis libertatis retinendæ, tum his ser-
vitutis amittendæ cura orietur. hos ego censeo,
permixtos cum veteribus novos, in coloniis con-
stituas, ita & res militaris opulentior erit, & ple-
bes bonis negotiis impedita malum publicum fa-
cere desinet. Sed non inscius, neque imprudens
sum, cum ea res agitur; quæ sævitia, quæve tem-
pestates hominum nobilium futuræ sint, cum in-
dignabuntur omnia funditus misceri, antiquis ci-
vibus hanc servitutem imponi, regnum denique ex
libera civitate futurum, ubi unius munere multi-
tudo ingens in civitatem pervenerit. equidem ego
sic apud animum meum statuo, malum facinus in
se committere, qui incommodo reip. gratiam sibi
conciliet,

conciliet. ubi bonum publicum etiam privatim
 usui est : id vero dubitare aggredi, socordiae, atque
 ignaviae ducit. M. Livio Druso semper consilium
 fuit, in tribunatu summa ope niti pro nobilitate:
 neque ullam rem in principio agere intendit, nisi
 illi auctores fierent homines factiosi, quibus dolus,
 atque malitia, fide cariora erant. ubi intellexe-
 runt, per unum hominem maximum beneficium
 multis mortalibus dari : videlicet & sibi quisque
 conscius, malo atque infido animo esse, de M. Li-
 vio Druso juxta, ac de se, existimaverunt. itaque
 metu, ne per tantam gratiam solus rerum potire-
 tur, contra eam nixi, sua ipsius consilia disturba-
 verunt. quo tibi imperator majore cura fideque
 amici, & multa praesidia paranda sunt. hostem ad-
 versum opprimere, strenuo homini haud difficile
 est; occulta pericula neque facere, neque vitare,
 bonis in promptu est. Igitur, ubi eos in civitatem
 adduxeris; quoniam quidem renovata plebes erit,
 in ea re maxime animum exercitato, ut colantur
 boni mores; concordia inter veteres, & novos, co-
 alescat. sed multo maximum bonum patriae, civi-
 bus, tibi, liberis, postremo humanae genti, pepere-
 ris, si studium pecuniae aut sustuleris, aut, quoad
 res feret, minueris. aliter neque privata res, neque
 publica, neque domi, neque militiae, regi potest. nam
 ubi cupido divitiarum invasit; neque disciplina,
 neque artes bonae, neque ingenium ullum satis pol-
 let: quin animus magis, aut minus mature, postre-
 mo tamen succumbit. Saepe jam audiui, qui reges,
 quae civitates, & nationes, per opulentiam magna
 imperia amiserint, quae per virtutem inopes cepe-
 rant. id adeo haud mirandum est. nam, ubi bonus
 deteriorem divitiis magis clarum, magisque acce-
 ptum videt; primo aestuat, multaque in pectore vol-
 vit: sed, ubi gloria honorem magis in dies, virtutem
 opulentia vincit; animus ad voluptatem a vero de-
 ficit. quippe gloria industria alitur: ubi eam dem-
 pseris, ipsa per se virtus amara, atque aspera est. po-
 stremo, ubi divitiae clarae habentur, ibi omnia bo-
 na vilia sunt, fides, probitas, pudor, pudicitia. nam
 ad virtutem una, & ardua via est: ad pecuniam, qua
 cuique lubet, nititur: & malis, & bonis rebus ea
 creatur. ergo in primis auctoritatem pecuniae de-
 mito: neque de capite, neque de honore ex copiis
 quisquam magis, aut minus judicaverit; si neque

prætor, neque consul, ex opulentia, verum ex digni-
 tate, creetur. sed de magistratu facile populi judi-
 cium sit, iudices a paucis probari, regnum est; ex
 pecunia legi, inhonestum. quare omnes primæ clas-
 sis judicare placet, sed numero plures, quam judi-
 cant. neque Rhodios, neque alias civitates un-
 quam suorum iudiciorum poenituit: ubi promiscue
 dives, & pauper, ut cuique fors tulit, de maximis
 rebus juxta, ac de minimis disceptat. sed de ma-
 gistratibus creandis haud mihi quidē absurde pla-
 cet lex, quam C. Gracchus in tribunatu promulga-
 verat; ut ex confusis quinque classibus forte cen-
 turiae vocarentur. ita coæquari dignitate, pecunia,
 virtute anteire alius alium properabit. nec ego ma-
 gna remedia contra divitias statuo. nam perinde
 omnes res laudantur, atque appetuntur, ut earum
 rerum usus est: malitia præmiis exercetur. ubi ea
 dempseris, nemo omnium gratuito malus est. cete-
 rum avaritia bellua fera, immanis, intoleranda est:
 quo intendit, oppida, agros, fana, atque domos va-
 stat: divina cum humanis permiscet: neque exer-
 citus, neque moenia obstant, quo minus vi sua pe-
 netret: fama, pudicitia, liberis, patria, atque paren-
 tibus cunctos mortales spoliatur. verum, si pecuniæ
 decus ademeris; magna illa vis avaritiæ facile bo-
 nis moribus vincetur. atque hæc ita sese habere ta-
 met si omnes æqui, atque iniqui memorent: tamen
 tibi cum factione nobilitatis haud mediocriter cer-
 tandum est: cujus si dolum caveris, alia omnia in-
 proclivierunt. nam hi, si virtute satis valerent,
 magis æmuli bonorum, quam invidi, essent. quia
 desidia, & inertia, & stupor eos, atque torpido, in-
 vasit; strepunt, obtrestant, alienam famam suam
 dedecus existimant. Sed, quid ego plura, quasi de
 ignotis memorem? M. Bibuli fortitudo, atque ani-
 mi vis in consulatum erupit: hebes lingua, magis
 malus, quam callidus ingenio. quid ille audeat, cui
 consularis maximum imperium maximo dedeco-
 ri fuit? An L. Domitii magna vis est, cujus nullum
 membrum a flagitio aut facinore vacat? lingua va-
 na, manus cruentæ, pedes fugaces; quæ honeste no-
 minari nequeunt, inhonestissima. Unius tamen
 M. Catonis ingenium versutum, loquax, callidum
 haud contemno. parantur hæc disciplina Græco-
 rum. sed virtus, vigilantia, labos, apud Græcos nul-
 li sunt, quippe cum domi libertatem suam per-
 mernant.

inertiam amiserint; censesne eorum præceptis imperium haberi posse? Reliqui de factione sunt inertissimi nobiles: in quibus, sicut in statua, præter nomen, nihil est additamenti. L. Postumius, & M. Favonius, mihi videntur quasi magnæ navis supervacua onera esse, ubi salvi pervenire visi sunt: si quid adversi coortum est, de illis potissimum jactura sit; quia pretii minimi sunt. Quoniam nunc, ut mihi videor, de plebe renovanda, corrigendaque disserui: de senatu, quæ tibi agenda videntur, dicam. Postquam mihi ætas ingeniumque adolevit, haud ferme armis, atque equis corpus exercui, sed animum in litteris, quod natura firmitus erat in laboribus, habui. atque ego in ea vita multa legendo, atque audiendo ita comperi, omnia regna, civitates, nationes usque eo prosperum imperium habuisse, dum apud eos vera consilia valuerunt: ubicunque gratia, timor, voluptas, ea corrumpere; post paullo imminutæ opes, deinde ademptum imperiū, postremo servitus imposita est. equidem ego sic apud animum meum statuo; cuicunque in sua civitate amplior, illustriorque locus, quam aliis est, ei magnam curam esse reip. nam ceteris, salva urbe, tantummodo libertas tuta est: qui per virtutem sibi divitias, decus, honorem, pepererunt; ubi paulum inclinata resp. agitari coepit, multipliciter animus curis, atque laboribus fatigatur; aut gloriam, aut libertatem, aut rem familiarem, defensat: omnibus locis adest, festinat: quanto in secundis rebus florentior fuit, tanto in adversis asperius, magisque anxie agitatur. Igitur, ubi plebes senatui, sicut corpus animo, obedit, ejusque consilia exsequitur: patres consilio valere decet, populo supervacanea est calliditas. itaque majores nostri, cum bellis asperimis premerentur, equis, viris, pecunia amissa, nunquam defessi sunt armati de imperio certare: non inopia ærarii, non vis hostium, non adversa res ingentem eorum animum subegit, quin, quæ virtute ceperant, simul cum anima retinereut. atque ea magis fortibus consiliis; quam bonis proeliis, patrata sunt. quippe apud illos una resp. erat, ei consulebant; factio contra hostes parabatur: corpus, atque ingenium, patriæ, non suæ quisque potentia, exercitabat. at hoc tempore contra, homines nobiles, quorum animos socordia, atque ignavia, invasit, ignari laboris, hostium, militia, domi factione in-

structi, per superbiam cunctis gentibus moderantur. itaque patres, quorum consilio antea dubia resp. stabiliebatur, oppressi, ex aliena libidine huc atque illuc fluctuantes agitantur: interdum alia, deinde alia, decernunt: uti eorum, qui dominantur, similitas, ac arrogantia fert, ita bonum malumque publicum existimant. quod si aut libertas æqua omnium, aut sententia obscurior esset; maioribus opibus resp. & minus potens nobilitas esset. sed, quoniam coequari gratiam omnium difficile est; quippe cum illis majorum virtus partam reliquerit gloriam, dignitatem, clientelas: cetera multitudo pleraque iniustitia, sit sententia eorum a metu libera. ita occulto sibi quisque alterius potentia carior erit. libertas juxta bonis, & malis, strehvis, & ignavis optabilis est. verum eam plerique metu deserunt, stultissimi mortales, quod, in certamine dubium est, quorsum accidat, id per inertiam in se, quasi victi, recipiunt. Igitur duabus rebus confirmari posse senatum puto: si numero auctus per tabellam sententiam feret. tabella obtentui erit, quo magis animo libero facere audeat: in multitudine, & presidii plus, & usus amplior est. nam fere, his tempestatibus, alii judiciis publicis, alii privatis suis atque amicorum negotiis implicari, haud sane reip. consiliis adfuerunt: neque eos magis occupatio, quam superba imperia distingere. homines nobiles cum paucis senatoriis, quos additamenta factionis habent, quaecunque libuit probare, reprehendere, decernere, ea uti libido tulit, fecere. verum ubi, numero senatorum aucto, per tabellam sententiae dicentur; illi superbiam suam dimittent, ubi iis obediendum erit, quibus antea crudelissime imperitabant. Forfitan, imperator, perlectis litteris decernes, quem numerum senatorum fieri placeat; quoque modo in multa, & varia officia distribuatur; & quoniam judicia primæ classis mittenda putem, quæ descriptio, qui numerus in quoque genere futurus sit, ea mihi omnia generatim describere haud difficile factu fuit: sed prius laborandum visum est de summa consilii, idque tibi probandum verum esse. si hoc itinere uti decreveris; cetera in promptu erunt. volo ego consilium meum prudens, maximeque usui esse. nam ubicunque tibi res prospere cedit, ibi mihi bona fama eveniet. Sed me illa magis cupido exercet, ut quocunque mo-

do, & quamprimum resp. adjuvetur, libertatem gloria clariorem habeo. atque ego te oro, hortorque, ne clarissimus imperator, Gallica gente subacta, populi R. summum, atque invictum imperium tabescere vetustate, ac per summam discordiam dilabi, patiaris. profecto, si id accidat, neq; tibi nox, neque dies curam animi sedaverit; quin insomniis excitus; furibundus, atque amens alienata mente feraris. namque mihi pro vero constar, omnium mortalium vitam divino numine invisi: neque bonum, neque malum facinus cujusquam pro nihilo haberi: sed ex natura diversa præmia bonos, malosque sequi. interea forte ea tardius procedunt: suus cuique animus ex conscientia spem præbet. Quod si tecum patria, atq; parentes possent loqui, scilicet hæc tibi dicerent: O Cæsar, nos te genuimus fortissimi viri in optima urbe, decus, præsidiumque nobis, hostibus terrorem. quæ multis laboribus, & periculis ceperamus, ea tibi nascenti cum anima simul tradidimus, patriam maxumam in terris, domum, familiamque in patria clarissimam, præterea bonas artes, honestas divitias; postremo omnia honestamenta pacis, & præmia belli: pro his amplissimis beneficiis non flagitium à te, neque malum facinus, petimus; sed uti libertatem everfam restituas. qua re patrata, profecto per gentes omnes fama virtutis tuæ volitabit. namque hac tempestate, tametsi domi, militiæque præclara facinora egisti; tamen gloria tua cum multis viris fortibus æqualis est: si vero urbem amplissimo nomine, & maximo imperio, prope jam ab occasu restitueris; quis te clarior, quis major, in terris fuerit? quippe si morbo jam, aut fato huic imperio secus accidat: cui dubium est, quin per orbem terrarum vastitas, bella, cædes, oriantur? quod si tibi bona lubido fuerit, patriæ, parentibus gratificandi; postero tempore, rep. restituta, super omnis mortalis gloria agnita, tuæque unius mors vita clarior erit: nam vivos interdum fortuna, sæpe invidia, fatigat: ubi anima naturæ cessit, demptis obrectatoribus ipsa se virtus magis magisque extollit. Quæ mihi utilia factu visa sunt, quæque tibi usui fore credidi, quam paucissimis potui, perscripsi. ceterum deos immortales obtestor, ut, quocunque modo ages, ea res tibi, rei que pub. prospere eveniat.

C. SAL-

-111-

-111-

-111-

-111-

-111-

C. SALLUSTII CRISPI

In M. Tullium Ciceronem

DECLAMATIO.

Graviter, & iniquo animo, maledicta tua patere, M. Tulli, si te scirem iudicio magis, quam morbo animi, petulantia ista uti. sed, quoniam in te neq; modum, neq; modestiam ullam animadverto; respondebo tibi: ut, si quam maledicendo voluptatem cepisti, eam male audiendo amittas. Vbi querar? quos implorem, P. C. diripi remp. atque audacissimo cuique esse perfidiæ? an apud populum R. qui ita largitionibus corruptus est, ut sese, ac fortunas suas, venales habeat? an apud vos, P. C. quorum auctoritas turpissimo cuique, & sceleratissimo, ludibrio est? ubi M. Tullius leges, iudicia populi R. defendit, atque in hoc ordine ita moderatur, quasi unus reliquus ex familia viri clarissimi, Scipionis Africani, ac non repticius, ac citus, ac paullo ante infusus huic urbi civis. An vero, M. Tulli, facta, ac dicta, tua obscura sunt? an non ita a pueritia vixisti, ut nihil flagitiosum corpori tuo putares, quod alteri collibuisse? scilicet, istam immoderatam eloquentiam apud M. Pisonem non pudicitiae jactura perdidicisti? itaque, minime mirandum est, si eam flagitiose vendas, quam turpissime parasti. Verum, ut opinor, splendor domesticus tibi animos attollit; uxor sacrilega, ac perjuriis delibuta; filia matris pellex, tibi jucundior, atque obsequentior, quam parenti par est. domum ipsam tuam vi, & rapinis, funestam tibi actuis, comparasti: videlicet ut nos commonefacias, quam conversa sit resp. cum in ea domo habitas, homo flagitiosissime, quæ P. Crassi, viri consularis, fuit. Atque hæc cum ita sint; tamen Cicero se dicit in consilio deorum immortalium fuisse; inde missum huic urbi, civibusque custodem, absque carnificis nomine, qui civitatis incommodum in gloriam

riam suam ponit : quasi vero non illius conjura-
 tionis causa fuerit consulatus tuus, & iccirco resp.
 disiecta eo tempore, quo te custodem habebat. Sed,
 ut opinor, illa te magis extollunt, quæ post consu-
 latum cum Terentia uxore de rep. consuluisti: cum
 legis Plautiæ judicia domi faciebaris: ex conjuratis
 alios morti, alios pecunia condemnabas : cum tibi
 alius Tusculanum, alius Pompejanam villam ædi-
 ficabat, alius domum emebat : qui vero nihil pote-
 rat, is erat calumniæ proximus, is aut domum tu-
 am oppugnatum venerat, aut insidias senatui fece-
 rat, denique de eo tibi compertum erat. Quæ si tibi
 falsa objicio; redde rationem, quantum patrimonii
 acceperis, quid tibi litibus accreverit, qua ex pecu-
 nia domum paraveris, Tusculanum, & Pompeja-
 num infinito sumptu ædificaveris. aut, si retices; cui
 dubium potest esse, quin opulentiam istam ex san-
 guine, & visceribus civium paraveris? Verum, ut
 opinor, homo novus Arpinas, ex C. Marii familia,
 ejus virtutem imitatur; contemnit similitudinem ho-
 minum nobilium; populi R. curam habet, neque
 terrore, neque gratia, commoveretur, Illud vero
 amicitiae tantum, ac virtutis est animi? immo vero
 homo levissimus, supplex inimicis, amicis contu-
 meliosus, modo harum, modo illarum partiū, fidus
 nemi, levissimus senator, mercenarius patronus,
 cujus nulla pars corporis a turpitudine vacat : lin-
 gua vana, manus rapacissimæ, gula immensa, pedes
 fugaces; quæ honeste nominari non possunt, inho-
 nestissima. Atque is, cum ejusmodi sit, tamen au-
 det dicere : *O fortunatam natam me consule Ro-*
manæ! Te consule fortunatam, Cicero? immo
 vero infelicem, & miseram, quæ crudelissimam
 proscriptionem civium perpessa est; cum tu, pertur-
 bata rep. metu perculsos omnes bonos parere cru-
 delitati tuæ cogebas; cum omnia judicia, omnes
 leges in tua libidine erant; cum tu, sublata lege
 Porcia, erepta libertate, omnium nostrum vitæ, ne-
 cisque potestatem ad te unum revocaveras. Atqui
 parum est, quod impune fecisti: verum etiam com-
 memorando exprobras; neque licet oblivisci servi-
 tutis suæ. Egeris, oro te Cicero, perfeceris quod
 libet : satis est perpeños esse : etiamne aures no-
 stras odio tuo onerabis? etiamne molestissimis ver-
 bis insectabere? *Cedant arma togæ, concedat laurea*
linguæ. Quasi vero togatus, & non armatus, ea
 quæ

que gloriaris, confeceris; atque inter te, Sullamque dictatorem, præter nomen imperii, quidquam interfuerit. Sed, quid ego plura de tua insolentia commemorem? quem Minerva omnes artes edocuit, Iuppiter optumus maxumus in consilio deorum admisit, Italia exfulem humeris suis reportavit. Oro te, Romule Arpinas, qui egregia tua virtute omnes Paullos, Fabios, Scipiones, superasti; quem tandem locum in hac civitate obtines? quæ tibi partes reip. placent? quem amicum, quem inimicum, habes? cui in civitate fecisti insidias, auxillaris. quo jure, cum de exsilio tuo Dyrrarchio redisti, eum sequeris? quos tyrannos appellabas, eorum nunc potentiae faves. qui tibi ante optimates videbantur, eosdem nunc dementes, ac furiosos, vocas. Vatini causam agis: de Sextio male existumas: Bibulum petulantissimis verbis lædis: laudas Cæsarem; quem maxime odisti, ei maxime obsequeris: aliud stans, aliud sedens, de rep. sentis: his maledicis, illos odisti; levissime transfuga, neque in hac, neque in illa parte fidem habes.

DE PRÆCEDENTI
ORATIONE SIC QVINTILIANVS LIB. IV.
CAP. I.

Quid? non Sallustius directo ad Ciceronem, in quem dicebat, usus est principio, & quidem protinus? Graviter & iniquo animo maledicta tua pateret M. Tulli. &c.

IN

IN SALLUSTIUM

Declamatio,

QVÆ CICERONI

FALSO TRIBVITVR.

EA demum magna voluptas est, Crispe Sallusti, æqualem, ac parem verbis vitam agere; neque quidquam tam obscenum dicere, cui non ab initio pueritiæ omni genere facinoris ætas tua respondeat, ut omnis oratio moribus consonet. neque enim, qui ita vivit, ut tu; aliter, ac tu, loqui potest; neque, qui tam illoto sermone utitur, vita honestior est. Quo me vertam, P. C. ? unde initium sumam ? majus enim mihi dicendi onus imponitur, quo notior est uterque nostrum. quod si aut de mea vita, atque actibus nostris, huic conviciatori respondero, invidia gloriam consequetur: aut, si hujus facta, mores, omnem ætatem, nudavero; in idem vitium incidam procacitatis quod huic objicio. id vos, si forte offendimini, justius huic, quam mihi, succensere debetis, qui initium introduxit. ego dabo operam, ut & pro me minimo cum fastidio respondeam, & in hunc minime mentitus esse videar. Scio me, P. C. in respondendo non habere magnam expectationem, quod nullum vos sciatis novum crimen in Sallustium audituros, sed omnia vetera cognituros, quæ & meæ, & vestræ jam, & ipsius aures calent. verum eo magis odisse debetis hominem, qui ne incipiens quidem peccare minimis rebus posuit rudimentum, sed ita ingressus est, ut neque ab alio vinci possit, neque ipse se omnino reliqua ætate præterire. itaque nihil aliud studet, nisi, ut lutulentus sus, cum quovis velitari. longe vero fallitur opinione. nō enim procacitate linguæ vitæ sordes eluuntur: sed est quædam calumnia, quam unusquisque nostrum testante animo suo fert, de eo, qui falsum crimen bonis obstat. quod si vita istius memoriam vicerit: aliam,
P. C.

P. C. non ex oratione ejus, sed ex moribus spectare debetis. jam dabo operam, quam maxime poterō, ut breve id faciam. neque hæc altercatio nostra vobis inutilis erit, P. C. plerumque enim resp. privatis crescit inimicitia; ubi nemo civis, qualis sit vir, potest latere. Primum igitur, quoniam omnium majores Crispus Sallustius ad unum exemplum, & regulam quærit, velim mihi respondeat, numquid, ii, quos protulit, Scipiones, & Metelli, ante fuerint aut opinionis, aut gloriæ, quam eos res gestæ suæ, & vita innocentissime acta, commendavit? quod si hoc fuit illis initium nominis, & dignitatis, cur non æque de nobis existimeretur; cuius & res gestæ illustres sunt, & vita integerrime acta; quasi vero tu sis ab illis viris, Sallusti, oriū: quod si esses; nonnullos jam tuæ turpitudinis pigeret. ego meis majoribus virtute mea præluxi: ut, si prius noti non fuerint, a me accipiant initium memoriæ suæ: tu tuis vita, quam turpiter egisti, magnas offudisti tenebras; ut, etiam si fuerint egregii cives, certe venerint in oblivionem. quare noli mihi antiquos viros objectare. satius est enim me meis rebus gestis florere, quam majorum opinione niti; & ita vivere, ut ego sum posteris meis nobilitatis initium, & virtutis exemplum. Neque me cum iis conferri decet, P. C. qui jam decesserunt, omnique odio carent, & invidia; sed cum iis, qui mecum una in republica versati sunt. Sed, si fuerim aut in honoribus petendis nimis ambitiosus; (non hanc dico popularem ambitionem, cujus me principem confiteor, sed illam perniciosam contra leges, cujus primos ordines Sallustius duxit;) aut in gerendis magistratibus, aut in judicandis maleficiis tam severus; aut in tuenda republica tam vigilans; quam tu proscriptionem vocas: credo quod non omnes tui similes incolumes in hac urbe vixissent. at quanto meliore loco respublica tuenda staret, si tu, par ac similis scelestorum civium, una cum illis adnumeratus esses! An ego tunc falso scripsi, *Cedant arma togæ*; qui togatus armatos, & pace bellum oppressi? An illud mentitus sum, *Fortunata me consule Romam*: qui tantum intestinum bellum, & domesticum urbis incendium exstinxim? Neque te tui piget, homo levissime, cum ea culpas, quæ in historiis mihi gloriæ ducis? An turpius est, P. C. scribe mentiri, quam illum palam

palam hoc ordine dicentem? Nam, quod meam æ-
 tatem increpuiſti: tantum me abeſſe puto ab impu-
 dicitia, quantum tu abes a pudicitia. Sed, quid ego
 de te plura querar? Quid enim mentiri turpe du-
 ces, qui mihi anſus ſis eloquentiam ut vitium ob-
 jicere? cuius ſemper nocens eguiſti patrociniſ. an
 ullum exiſtimas poſſe fieri civem egregium, qui
 non his artibus & diſciplinis ſit eruditus? an nlla
 alia putas eſſe rudimenta, & incunabula virtutis,
 quibus animi ad gloriæ cupiditatem aluntur? Sed
 minime mirum eſt, P. C. ſi homo, qui deſidiæ, ac
 luxuriæ plenus ſit, hæc ut nova, atque inuſitata mi-
 ratur. Nam, quod iſta inuſitata rabie petulanter in
 uxorem, & in filiam meam invaſiſti, quæ facilius
 mulieres ſe a viris abſtinerent, quam tu vir a viris;
 ſatis docte, ac perite, feciſti: non enim me ſperaviſti
 mutuam tibi gratiam relaturum, & viciffim tuas
 compellaturum. unus enim ſatis es materię habens:
 neq; quidquã turpius eſt domi tuæ, quam tu. Multũ
 te vero opinio fallit, qui mihi putaſti parare invi-
 diam ex mea re familiari; quæ multo mihi minor
 eſt, quam habere dignus ſim: atque utinam ne tan-
 ta quidem eſſet, quanta eſt: ut potius amici mei vi-
 verent, quam ego teſtamentiſ eorum locupletior
 eſſem. Ego fugax, Criſpe Salluſti? furori tribuni
 pl. ceſſi: utiliſ duxi, quamvis fortunam unus ex-
 periri, quam univerſo populo R. civilis eſſem diſ-
 ſenſionis cauſa: qui poſteaquam ille ſuum annum
 in rep. perbacchatus eſt, omniaque quæ commove-
 rat, pace, & otio, reſederunt: hoc ordine revocante,
 atque ipſa rep. manu retrahente me, reverti. qui
 mihi dies, ſi cum omni reliqua vita conferatur, a-
 nimo quidem meo ſuperet, cum univerſi vos, popu-
 luſque R. frequens adventu meo gratulatus eſt.
 tanti me fugacem, mercenarium patronum hi æſti-
 maverunt. Neque hercule mirum eſt, ſi ego ſem-
 per juſtas omniũ amicitias æſtimavi: non enim uni
 privatim ancillatus ſum, neq; me addixi: ſed, quan-
 tum quiſq; reip. ſtudiit, tantũ mihi fuit aut amicus,
 aut inimicus. ego nihil plus volui valere, quam pa-
 cem: multi privatorum audacias nutritiverunt. ego
 nihil timui, niſi leges: multi arma ſua timeri vo-
 luerunt, ego nunquam volui quidquam poſſe, niſi
 pro vobis: multi ex vobis, potentia freti, in vos
 ſuis viribus abuſi ſunt. itaque non eſt mirum, ſi
 nullius amicitia uſus ſum, qui non perpetuo reip.

amicus.

amicus fuit: neque me poenitet, si aut petenti Vatinio reo patrociniū polliticus sum, aut Sextii insolentiam repressi, aut Bibuli patientiam culpavi, aut virtutibus Cæsaris favi. hæc laudes enim egregii civis, & unicæ, sunt. quæ si tu mihi ut vitia objicis, temeritas tua reprehendetur, non mea vitia culpabuntur. Plura dicerem, si apud alios mihi esset dicendum, P. C. non apud vos, quos habui omnium actionum mearum monitores. sed, ubi rerum testimonia adsunt, quid opus est verbis? Nunc, ad te ut revertar, Sallusti, natremque tuum præteream: qui si numquam in vita sua peccavit, tamen majorem injuriam reip. facere non potuit, quam quod te talem filium genuit. neque, tu si qua in pueritia peccasti, exsequar, ne parentem tuum videar accusare, qui eo tempore summam tui potestatem habuit; sed qualem adolescentiam egeris: hac enim demonstrata, facile intelligetur, quam petulanti pueritia tam impudicus, & procax, adoleveris. Postea quam immensæ gulæ impudicissimi corporis quæstus sufficere non potuit; & ætas tua jam ad ea patienda, quæ alteri facere collibuisse, exoleverat; cupiditatibus infinitis efferebaris, ut, quæ ipse corpori tuo turpia non duxisses, in aliis experireris. ita non est facile reputare, P. C. utrum inhonestioribus corporis partibus rem quæsierit, an amiserit. Domum paternam vivo patre turpissime venalem habuit, vendidit. & cui dubium potest esse, quin mori coegerit eum, quo hic nondum mortuo pro herede gesserit omnia? Neque pudet a me eum quærere, quis in P. Crassi domo habitet; cum ipse respondere non queat, quis in ipsius habitet paterna domo. At hercule lapsus ætatis tirocinio, postea se correxit. non ita est: sed abiit in solarium sacrilegii Nigidiani: bis judicis ad subsellia attractus, extrema fortuna, sterit: & ita discessit, ut non hic innocens esse sed iudices pejerasse existimarentur. Primum honorem in quæstura adeptus, hunc locum, & ordinem, despectum reddidit, cujus aditus sibi quoque, sordidissimo homini, parvisset. itaque timens, ne facinora ejus clam vos essent, cum omnibus maribus familias opprobrio esset, confessus est, vobis audientibus, adulterium; neque erubuit ora vestra. Vixeris, ut libet, Sallusti; egeris, quæ volueris. sa-

tis sit, unum te tuorum scelerum conscium esse: noli nobis languorem, & soporem nimium exprobrare. sumus diligentes in tuenda pudicitia uxorū nostrarum: sed ita experrecti non sumus, ut a te cavere possimus. audacia tua vincit studia nostra. Ecquod hunc movere possit, P. C. factum ac dictum turpe, quem non puduit palam vobis audientibus, adulterium confiteri? Quod si nihil pro me tibi respondere voluissem; sed illud censorium elogium Ap. Claudii, & L. Pisonis, integerrimorum virorum, quo usus est quisque eorum, pro lege palam universis recitarem: nonne tibi viderer æternas inurere maculas, quas reliqua vita tua eluere non possit? neque post illum delectum senatus, te unquam vidimus. nisi forte in ea te castra coniecisti, quo omnis sentina reip. confluxerat. At idem Sallustius, qui in pace ne senator quidem manserat, postea quam resp. armis oppressa est, & idem victores, qui exsules, reduxit, in senatum post quæsturam reductus est. quem honorem ita gessit, ut nihil non venale in eo habuerit, cujus aliquis emtor fuerit. Ita igitur egit, ut nihil non æquum, ac verum, duxerit, quod ipsi facere collibuisse: neque aliter vexavit, ac debuit, si quis prædæ loco accepisset magistratum. Peracta quæstura, postea quam magna pignora eis dederat, cum quibus similitudine vitæ se conjunxerat, unus jam ex illo grege videbatur. ejus enim partis exemplar erat Sallustius, quo tamquam in imam voraginem coetus omnium vitiorum excesserat: quidquid impudicorum cilonum, parricidarum, sacrilegorum, debitorum fuit in urbe, municipiis, coloniis, Italia tota, sicut in fretis, subsederant, nominis perditum, ac notissimum, nulla in parte castris aptum, nisi licentia vitiorum, & cupiditate rerum novarum. At postea quam prætor factus est, modelte se gessit, & abstinenter. nonne ita provinciam vastavit, ut nihil neque passi sint, neque exspectarint gravius focii nostri in bello, quam experti sunt in pace, hoc Africam interiorem obtinente? unde tantum hic exhausit, quantum potuit aut fide nominum transjici, aut in naves contrudi. tantum, inquam, P. C. exhausit, quantum voluit: ne causam diceret, sestertio duodecies cum Cæsare paciscitur. Quod si quippiam eorum falsum est; hic palam refelle, unde tu, qui modo ne paternam quidem do-

mum redimere potueris, repente tanquam som-
 nio beatus, hortos pretiosissimos, villam Tiburti C.
 Cæsaris, reliquas possessiones paraveris. neque pi-
 guit quærere, cur ego P. Crassi domum emissem
 cum tu veteris villæ dominus sis, cujus paullo an-
 te fuerat Cæsar? modo, inquam, patrimonio non
 comeso, sed devorato, quibus rationibus repente
 factus es tam affluens, & tam beatus? Nam, quis te
 faceret heredem, quem ne amicum quidem suum
 satis honestum quisquam sibi ducit, nisi similis, ac
 par tui? At hercule egregia facta majorum tuorum
 te extollunt: quorum siue tu similis es, siue illi
 tui, nihil ad omnium scelus, ac nequitiam, addi po-
 test. Verum, ut opinor, honores tui te faciunt inso-
 lentem. Tu, Crispe Sallusti tantidem putas esse bis
 senatorem, & bis quæstorem fieri, quanti bis con-
 sularem, & bis triumphalem? carere debet omni
 vitio, qui in alterum paratus est dicere. is demum
 maledicit, qui non potest verum ab altero audire.
 Sed tu omnium menfarum assecla, omnium cubi-
 culorum in ætate pellex, & idem postea adulter,
 omnis ordinis turpitudine es, & civilis belli memo-
 ria. quid enim gravius pati potuimus, quam quod
 te incolumem in hoc ordine videamus? Desine bo-
 nos petulantissima confectari lingua: desine mor-
 bo procacitatis isto uti: desine unumquemque mo-
 ribus tuis æstimare: his moribus amicum tibi fa-
 cere non potes, videris velle inimicum habere. Fi-
 nem dicendi faciam P. C. sæpe enim vidi gravius
 offendere animos auditorum eos, qui aliena flagi-
 tia aperte dixerunt, quam eos qui commiserunt.
 mihi quidem ratio habenda est, non quid Sallu-
 stius merito debeat audire, sed ut ea dicam, si qua
 ego honeste effari possum.

FLO-

Bayerische
 Staatsbibliothek
 München

FLORILEGIUM

LOCUTIONUM

SALVSTIANARVM.

A.		Agitare pacem.	50
A Bunde esse.	14. 36.	Agitare præsidium.	762
	51		93
Actu promptus.	145	Agitare remp.	22
Ad hoc.	11. 12. 17. 18.	Agitare, <i>simpliciter</i> .	128
	22. 45. & <i>sape</i> .		206
Ad se versum.	78. 83	Alia omnia, <i>id est</i> , di-	
Ad tempus, <i>idem quod</i> ,		versa, contraria.	26
tempori, & in tem-		Aliena mens.	21
pore.	84	Alienus consilii.	23
Ad urbem.	18	Alius post alium.	80
Advolvi genua.	148	ex Alto.	160
Ægritudo.	90	Alteri alteros vincere.	69
Æqua manu discedere			
e proelio.	22	Amat fieri.	64. 144
Æmulus facta consul-		Amplificare.	162
taque.	132	Amplius duobus mili-	
Æquum bonumque.	6	bus, opinione.	35. 74
	117	Amplius annos xxx.	38
Æstumare aliquid ex a-		Animo valere.	48
liquo.	9	cum animo suo reputa-	
Ætatem agere.	6. 22.	re, volvere, cogitare,	
	37. 43. 88. & <i>sape</i> .	agitare, trahere.	49.
Ætatem habere procul			91. 98
a rep.	6	Ante capere.	11. 19.
Ævi brevis.	43		35. 56
Agere, <i>absolute</i> .	111	Antevenire.	95
Agere ætatem in excel-		Anxie ferre.	90
so.	34	Anxius curis &c.	145
Agere ætatem per igna-		Ardens in cupiditati-	
viam.	44	bus.	7
Agere pro victore.	102	Assidere urbem.	134
Agere vitam in obscu-		Aspera foedaque eveni-	
ro.	29	re, & Asperum <i>tali</i> si-	
Agitare imperium.	9	gnificatu sæpius.	17
Agitare lætitiā.	26	Atque, <i>pro</i> , quam.	22
Agitare mente,	14	Atrox animi.	123

M

Atte

Atterere alterius pudorem. 12
Audaciter. 124

B.

Belli domique. 68
Bonum & æquum. 141
Bonum honestumque. 53
Bonum publicum. 60. 90
Bonus bello. 163
Brevis ævi. 49
43

C.

Castellani. 98
Casus, *pro*, occasio. 58. 77
Circumventus difficultatibus. 46
Circumventus necessitudinibus. 15
Claritudo. 44. 46
Clemens, *pro* non inimicus. 56
Cognomen ex virtute. 45
Comperta res *pro* rei magnitudine. 15
Competere lingua, auribus, animo. 118
Compos animo, lingua. 144
ex Composito. 122
Concedere in gratia. 113
Concedere in jus, potestatem, ditionem. 13
Concedere in nomen & gentem imperantium. 55. 129
Concedere naturæ. 51
Conditio. 120

Consilium habere. 10
Constratus telis locus. 104

Consuetudo stupri. 15
Consuetum, *pro*, familiarare. 91

Consultare in medium. 137

Contendere fallaciis. 10

Convenæ. 135

Convertit, *absolute*. 8

Coopertus flagitiis, ex Copia rei facere. 67
101

pro Copia rei facere. 96

Creditum abjurare. 16

Cujus, *simpl.* *pro* cuius gratia. 25

Cultus pueritiæ. 86

Curare, *absolute*. 70. 77
& *sæpe*.

In Custodiâ traditi. 28

D.

Dare victos hostes. 78

Decebat victoribus. 120

Decoribus equis & armis. 127

Deformatus ærumnis. 50

Dehonestamentum. 114

Descendit in pectus. 46

Desistere actione. 123

De integro. 80

De improvviso. 17. 66
102. 107

Detrectare, *pro* facere ut quis male audiat. 75

Die vesper erat. 73

Digredi monte. 72

Discordiosus. 32

Doctus literis Græcis, Latinis. 16

Volens ejus casum. 22
Do.

Dolentia alicui. 90
 Domi bellicue. 141
 Domi, foris. 14
 Domi militiæque. 9.18.
 34.50.63
 Dubium habere. 129
 Ductare exercitū. 10.13

E.

E Gere, cum accusat. 101
 Egressus ad summū
 montis. 89
 Emori per virtutem. 14
 Escendere. 101
 Evenire aspera foeda-
 que. 17
 Ex alto. 160
 Ex animi sententia for-
 mula antiqua. 93
 Ex commodo quid face-
 re. 90
 Ex composito. 22
 Ex cōscientia timere. 80
 Ex copia rerum statue-
 re. 67.101
 Ex improvifo. 51.74.
 Ex inopia consiliū ca-
 pere. 76
 Ex lubidine, 8.204
 Ex lubidine facere. 160
 Ex lubidine uti. 68.75
 Ex sentētia. 69.108.109
 Ex vero. 8
 Ex virtute cognomē. 45
 Ex voluntate. 16.109.
 in Excelso. 160
 Exercere se aliqua re. 80
 Exercere victoriam, cru-
 deliter, moderate. 19
 Expers fama, fortuna. 19
 Extrema experiri. 17
 Etrema necessitas. 114
 in Extremo fortunæ si-
 tate. 57
 Extremum diei. 56. æ-
 statis. 95

F.

F Acto opus. 26. ②
 saepe.
 Falsum esse. 92
 Falsum me habuit ea
 res. 47
 Famam præclari faci-
 noris quærere. 6
 Fides. 16.86
 Fides publica. 26
 Fidei causa. 60.93
 Fine inguinum. 133
 Firmare animi. 137
 Firmatus animi. 32
 Fors. 43.88
 Fortunatus forma, ge-
 nere. 16
 Frustra esse. 46.85.91.
 109
 Fugam facere alteri. 142

G.

G Allie mulieres. 127
 Gignentia. 88.98
 Gnaritas locorum
 126
 Grassari ad gloriam via
 virtutis. 43
 Grassari cupidine atque
 ira. 81
 Gratia. 13
 in Gratia habere. 108
 Gratiam facere delicti,
 belli. 32.106.132
 Gratiam quærere. 44
 Gratificari gratiam. 159
 Gratuito bonus, malus.
 12.116.164.

H.

H Abent ita se mo-
 res. 72
 Habere accuratē
 & liberaliter. 105
 Habere compertum. 36
 Habere dubium. 129
 Habere exercitum luxu-
 riose. 10
 Habe-

Habere in amicis. 46.53	In aperto esse. 45
Habere in custodiis. 26.	In custodiam traditi. 28
32	In excelso. 160
Habere in gratia. 108	In Galliam versus. 35
Habere in incertum. 23	In gloria numerat. 114
Habere in propatulo. 10	In gratia habere. 108
Habere in spe. 19	In hostem pugnare. 9.33
Habere manifestum. 64	In invidia esse. 58
Habere occultum. 16	In Imperio natus. 61
Habere penſi, & mode-	In manus, <i>pro</i> , ad manus
rati. 7.10.15	venire. 96
Habere pericula vilia.	In obscuro vitam age-
12	re. 29
Habere sese æquabiliter.	In ore populo agere.
5	145
Habere summum judi-	In oculis situm. 14
cium, imperium. 18	In præsens. 12. 136
Habere vilia, imperium,	In proclivi. 164
patriam &c. 141	In promptu est. 160
Hibernacula. 105	In rem est. 13
Homo adolescens. 33.45	In spe habere. 19
Homo foedus. 13	In unum convocare, co-
Homo novus. 16.92	gere &c. 12. & <i>sæpe</i> .
Honestatus honore. 21	Incedunt per ora vestra.
Hostilia facere. 107	61
I.	In incerto. 66.71.73
I Acere, mentionem	Incredibile memoratu.
facere; innuere, ſi-	7.8.67
gnificare. 45	Incultus <i>substant.</i> 44
Id locorum. 81.85	Indicare, <i>pro</i> , indicium
Aguara lingua, regio. 54.	facere. 26.27
74	Inermus. 99.107.118
Imbecillus. 43	Inferſi intentique. 77
Immane quantum. 126	Ingenium in promptu ha-
Immodicus animi. 181	bere. 8
Impensius quid facere.	Ingenium loci. 132
86	Ingens belli. 80
Imperare, <i>pro</i> , imperata	Innocens, <i>pro</i> incorru-
peragere. 80	ptus. 70
Imponere invidiam. 23	Insidiæ consuli, <i>simplici-</i>
Importunosum mare. 53	ter. 19
de Improvifo. 17.66	Insolens malarum arti-
102	um. 6
ex Improvifo. 51.74	Insolitus servitii. 112
Impunitas alicujus fa-	Insolentia loci. 73
cti. 18	Instruere proelio. 119
	de

de Integro. 80
 Intēpesta nox. 17.19.66
 quo Intēderat. 104.105
 Intendere officia. 86
 Intenta mala. 117
 Interrogatus lege Plau-
 tia. 19
 Intestabilis, improbus.
 83.113
 Invasit avaritia in ani-
 mos. 63
 Iocum movere. 16
 Is talis vir. 81
 Ita se mores habent. 75
 Ius bonumque. 9
 Ius fasque. 11
 Iuxta æstumare. 6
 Iuxta mecum. 36
 Iuxta ponere. 82

L.

L Aetitia esse. 30
 Legare sibi, id est,
 legatus assumere. 59
 Levis odor, pro suavis. 147
 Liberalis pecuniæ. 8
 Lubidinem habere in a-
 liqua re. 8
 ex Lubidine quid face-
 re. 160
 Lubi do pro volūtas. 161
 Luculenta oratio. 19

M.

M Ala res. 14
 Malefici generis
 animalia. 54
 Mali fructus. 128
 Malo esse. 30
 Manifestus sceleris. 65
 Mare magnum. 88
 in Mediū consultare. 137
 Miserari, pro, movendæ
 miserationi comme-
 morare. 57.79
 Moderari linguam. 90

Mollitia. 33
 More pecorum. 29
 More virorum. 37
 Mori per virtutem. 114
 Movere jocum. 16
 Mutare pro mutari. 66

N.

N Aturæ cedere. 167
 Naturæ concede-
 re. 51
 Ne, pro, nedum. 10
 Nebula sublima. 129
 Necessitudo, pro, neces-
 tas. 20.37.71.104
 Negotiosus. 9
 Nequitur. 61
 Nisi, pro, sed. 57
 Nox intēpesta. 17.19.66
 Nudus gignentium. 88
 Numidiæ, pro, in Numi-
 dia. 64

O.

O Bediens ventri. 5
 Obnoxius alicui. 14.15.26.35
 Obsequela orationis. 124
 Obtentui esse. 115.166
 Obviam esse. 122
 Obviam ire. 45
 Occanuerant. 119
 Odor levis, id est, suavis,
 fragrans. 147
 Officere alicui. 17.28. 74
 Officia intendere. 107
 Opes virorum, armorū,
 oro potentia. 12.236
 Oportunus alicui. 17. 70.76. 134
 Optimum factu. 19.3. 36.156
 Optimum factum. 107
 Ordine facere. 28
 Oris improbi. 140
 Ostentui esse. 57.71

P.
P Aces. 62
 Parens, *pro*, Subdi-
 tus. 104
 Parum facere. 93
 Patiens belli. 8
 Patiens inediae. 7
 Patiens militiae. 80
 Patrare, *pro*, peragere,
sapius.
 Pecuniam trahere, ve-
 xare. 14
 Pensi habere. 7. 10. 15
 Per saturam referre. 60
 Perscribere situm loci. 57
 Plerumque noctis. 56.
 102. 108
 Plerumque exercitum.
 pleraque Africa. 76. 88.
 Ponere verba ante fa-
 cta. 52
 Populares sceleris 15
 conjurationis. 16
 Portare copias, exerci-
 tum. 65. 67
 Post alius alium. 104
 Postea loci. 104
 Post esse. 16
 Post futuri. 113
 Post paullo. 165
 Postremus fervorū. 135
 Praecipitem abire luxu-
 ria, &c. 16
 Praestare ceteris. 5
 Primus, *pro*, praecipuus.
 21. 87. 90.
 Prima ducere, habere.
 63. 87. 90.
 Princeps intelligendi.
 145
 Pro bono facere. 55
 Pro copia rei facere. 96
 Procedere, *id est*, prospe-
 re cedere. 17. 19. 54
 in Proclivi. 164
 Prohibere janna, moeni-
 bus. 17. 56.

in Promptu est. 160
 Promptum in lingua. 9
 Propior montem. 72
 Propius virtutem. 9
 Prospere evenire alicui.
 167
 Pro tectis, *pro*, de tectis.
 83
 Proxima Carthaginem.
 54
 Proxime Hispaniam. 55
 Prudens belli. 136
 Publicum bonum. 22.
 53
 Publicum malum. 138
 Pugnando capere. 8. 59

Q.
Q Vasi *pro* fere, *sapius*
 Quelitissimae epu-
 lae. 125

R.
R Elinquere in me-
 dio. 13
 Repulsum abire.
 108

Requiescere ex miseriis.
 6
 Requisita naturae. 146
 Res opportuna cadit. 13
 Retinere per manus. 62
S.


S Atias. 128
 Satisfactio. 20
 Sciens belli, loco-
 rum. 101
 Secus accidere, cedere,
 procedere. 56. 58. 167
 Secus muliebre. 125
 Senati, *in genit.* 18. 21.
 34. 66. 140
 Senatum dare. 49
 Senecta aetas. 141
 Senectum corpus. 34
 Serum, *pro* crudele, fa-
 vum. 140
 Sicuti, *pro*, tamquam. 17. 22

Silentio

Silentio transire.	5	Venire in gratiam & fa-	
Sine modo modestiaq;	68	vorem.	49
Spes, pro opinione.	140	Venire in manus, pro, ad	
Sua, &, sua res.	5.80	manus.	96
Subigere, pro, cogere.	60.	Venum ire.	59
& sape.		Vertet, absolute.	53.91
Sublimā nebula.	129	Verum bonumque.	60
Suo loco pugnam face-		Vesper die, diei.	74. 106
re.	78	Vexare pecuniam.	14
Superare, pro, abunda-		Vicem ærarii præstare.	
re.	14.61.81.113.		127
Super fortunam animū		Vice pecorum, pro, in-	
gerere.	81	star.	125
Supplicia, pro, precibus		Victoriam exercere cru-	
& supplicationibus.		deliter, moderate.	19
9.3.70.76.82.		Vindicare in liberta-	
Supra caput esse.	33	tem.	14
Supera repetere.	7.45	Virtus animi.	5
T.		Vis animi.	7,38.64
T emperare victorię.	10	Vis corporis.	5
Tempestas,	15.44	Vis hominis.	27
Tergis sumptis atq; red-		Vitam agere in obscu-	
ditis.	146	ro.	29
Tradere in custodiā.	28	Vlciscōr, passive.	61
Trahere animo.	91	Volentia, id est, ea quæ	
Trahere cum animo.	98	volumus, desidera-	
Trahere pecunias.	14	mus.	85. 137
Transversum agere.	52	Volentibus bonis, om-	
Tumulti.	37	nibus, militibus &c.	
Tutus, pro, tuitus aut		20. 91. 102	
tutatus.	74. 86. 94.	ex Voluntate.	16. 109
	108	Voluntate, id est, utro,	
V.		aut, voluntarie.	49
V acius ab odio, a-		Voluntate alicujus, id	
micitia.	28	est, jussu, aut permis-	
Vacius animo	74	su.	13
Vacius frugis.	96	Voluptarius.	10
Valere animo.	48	Vti ex voluntate.	16
		Vulgus esse.	1

FINIS.

Spinae Madras



er-Lehrwerkstätte
kolsheim
ingen bei Günzburg

11.

Sallustius Crispus, Gaius,

C. Crispus Sallustius

Amsterdam 1625

Rem.IV 123#Beibd.1

urn:nbn:de:bvb:12-bsb10780295-2